

HIKOKWALAHOKA

YINI U RILA? VULAVULA!

 Hosi a yi mi katekisi! Ntsena a hi yimiseni xisweswi xinkadyana, tani hiloko ha ha korhamisa tinhloko ta hina. Xana ku ngava ku ri na xikombela xa xipexali xana? Loko mi ri na xona, a swi tiveki hiloko mi tlakusela mavoko ya n'wina eka Xikwembu mi ku, ha sweswo, "Hosi, Wena u tiva xilaveko xa mina."

² Tatana wa le Matilweni, hakunene hi—hi vanhu va nkateko emixweni lowu, kuva hi hlengeletana endlwini ya Xikwembu, laha hi switivaka leswaku ku na votala lava a va swi lava kuva endlwini ya Xikwembu emixweni lowu, nakona va le swibendlele nale mibedweni ya va vabyi. Kutani Wena u hi nyikile nkateko lowu wa kuva hi ri lahawani namunthla. Nakona a hi telanga, Hosi, ku ta voniwa hi van'wana, hi tirhandzela ntsena xinakulobye un'wana eka un'wana; kambe hi nga ha swi endla sweswo emakaya ya hina. Kambe hi tile lahawani ku tava na xinakulobye na Yena Loyi a hi hlengeleteke tani hi vana lava va rhandzekaka na vamakwerhu.

³ Ha Ku khensa sweswi. Nakona ndlela yin'we ntsena ley i hi yi tivaka yo lulamisa xinakulobye na Wena i kuva hi ri eRitweni ra Wena. Rito ra Wena i Ntiyiso. Hi hlengeletanile lahawani hikokwalaho ka ntamu wa ximoya. Ha wu lava, Hosi. Hi boheka kuva na ntamu wo chivirikela swihambano leswi hi swi rhwalaka. Kutani ha khongela leswaku U ta rhumela Moya lowo Kwetsima wa kahle namunthla, nakona wu ta hi tiyisa hinkwerhu ka hina. Nyika swikombelo swa vanhu va Wena tani hiloko va ha hlengeletanile ni kuva va Ku yimisela mavoko, leswaku vana swilaveko swo kotisa sweswo. Hlamula un'wana na un'wana, Hosi.

⁴ Ha Ku khensa eka ku hlayisa vutomi bya Sesi Ungren wa hina vusiku bya tolo, eka khombo ra movha lahaya. U vile wa tintswalo eka vona, Hosi, nakona ha Ku khensa ha sweswo. Kutani sweswi ha khongela, Tatana wa le Matilweni, leswaku U taya emahlweni u va na hina niku hi pfuna tani hiloko ha haya emahlweni na rendzo, un'wana na un'wana wa hina. Hi nyike matimba ya Wena lawa ya rindzaka na—na ripfumelo ro tiva leswaku Vukona bya Wena lebyi byi nga hlulekiki byi tava na hina. Eka awara ya leyo loko hi ta hluleka ku tipfuna hi hexe, ha switiva leswaku "Tintsumi ta Xikwembu ti goverile eka lava va N'wi chavaka, kutani Ti ta hi tlakula nkarhi wun'wana na wun'wana loko hi khugula ribye hi nkondo wa

hina.” Kutani ha khongela leswaku U ta hi nyika minkateko ya Wena eka Rito, u tlhela u vulavula ha hina, nale ndzeni ka hina, hi Vito ra Yesu Kreste. Amen.

⁵ Ndzi khensa ngopfu hi ku tlhava ka dyambu ehandle, sola ya dyambu, ri le ku vangameni. A swi bihe ngopfu emixweni lowu. Nakona ndzi ehleketa leswaku, eka tiko leri, ngopfu-ngopfu, hina kuva ri tlhava ngopfu, maxelo yo vilerisa. Nakona loko hi vona ku tlhava ka dyambu, ku ta, kuva ku ri kahle.

⁶ Xindyangwani a xi vuyelelana namunthla, ndzi hlanganile na vabuti va mina, nakona va le ndlwini ya sesi wa mina, na van’wana va maxaka ku rhendzeleka hi doroba na ku rhendzeleka hinkwako. Ku na ntlawwa lowukulu wa VaBranham. Loko va nga hlengeletana kun’we eKentucky, lahwani, ndza bvumbha leswaku hi nga hayara na doroba; va tele ngopfu. Kambe ntsena ku vuyela nyana ekaya. A hi tolrevele ku hlangana endlwini ya mhani, nakona a ri mhandi ya khale leyi yi bohaka leyi a yi hi hlanganisa kun’we, hi va vun’we. Kambe Xikwembu xi tekile mhandi leyi yi bohaka yi ya eTilweni, nakona ndzi pfumela leswaku hinkwerhu hi ta hlengeletana kwalahaya siku rin’wana.

⁷ Kutani ndzi vulavurile siku rin’wana, ndzi ku, “Ma swi tiva, ndzi pfumela leswaku ndzi ta—ndzi ta tsema mahungu ya mina ya Sonto hikwalomu ka makume mbirhi wa timinetse, na—na, kumbe makume nharhu, nakona ndzi khongeleta vavabyi.” Kutani a ndzi ehleketa ha swona mixo lowu.

⁸ Kutani a ndzi ehleketa hi vusiku lebyi nga hundza, loko Sesi Downing a ta ndzi vitana a vula leswaku, foyinela Billy u n’wi byela leswaku yena na Sesi Ungren loko va ri endleleni, loko va jika ekhoneni ya patu va tlumbile. Kutani loko Billy a ha ri efastereni, kun’we, a ndzi switivi leswaku a ku ri nkarhi muni; kumbexani mixo lowu, nkarhi wun’wana. A ndzi etele nyana swintsongo. Ndzi langutile eka Makwerhu Wood, mavoni a ma timiwile. Kutani ntsena ndzi khizama ndzi khongela, loko ndzi tava ndzi swi endlile, Swin’wana ntsena swi teri eka mina, “Swi tshamisekile.” Swingaleswi ndzi byerile Billy leswaku, “A n’wi byeli leswaku, ‘Hinkwaswo,’ ndzi ehleketa, ‘swi tava kahle.’” Ndzi tsakile loko ndzi va vona va ri kona lahwani mixo lowu, nakona va tshamile endlwini ya Hosi, endzhaku lahwani endzhaku kale patwini.

⁹ Vanhu lava va mi rhandzaka ngopfu, va ta va suka eka madzana ya timayili ku ta twa Evhangeli, kutani ndzi ehleketa, “Hi hungu ra makume mbirhi wa timinetse, nakona tani hilaha ndzi nonokaka hakona, va tava va ngari kahle.” Swingaleswi a ndzi ehleketa leswaku ntsena ndzi ta . . . ku lehiswa sweswo.

¹⁰ Swingaleswi, ku yingisela Makwerhu Ungren, jaha ra yena, mixo lowu, loko ri yimbelela, “U Lonkulu Njhani.” A ri . . . U vula swotala eka yena emixweni lowu ku tlula loko

swi endlekile ndzhengha wa tolo, hikuva Xikwembu xa kahle xa Tilo xi hlayisile lavo hlawuleka va yena, manana loyi a rhandzekaka na sesi.

¹¹ Sweswi, namunlha, hi langutele nkarhi wa kahle eka Hosi. Nakona ndzi na matsalwa mambirhi kumbe manharhu yo hambana lahawani lawa a ndzi ri eku malanguteni, nakona a ndzi tivi, a ndzi swikoti ku vumba ntsena leri ndzi nga vulavulaka ha rona emixweni lowu. Rin'we ra wona a ku ri ku, "Rhulelani ku vilela ka n'wina eka Yena, hikuva timhaka ta n'wina ti tiviwa hi Yena. Sweswi, loko Yena a hlayisa, hikokwalaho ka yini n'wina mi ngavi na mhaka?"

¹² Swingaleswi un'wana, Billy Paul, kumbe kungari Billy Paul... Jaha rin'wana ra mina, Joseph, u ndzi nyikile tsalwa leri nkarhi wo leha lowu wu nga hundza. A tshamile ekamareni siku rin'wana, hiloko a ku, a languta ehenhla eka xifaniso, kutani Billy... Kumbe, Joseph u tsakela ngopfu byatso, tani hi vafana lavantsongo; byatso na tihanci, ma swi tiva. Nakona u teri eka mina, "Papa, xana Yesu u na byona byatso xana?"

Kutani ndzi ku, "A ndzi switivi."

¹³ Swingaleswi endzhaku kaloko a tlakukile a huma, ndzi sungurile ku ehleketa, "Xana A ngava a ri na byona byatso?" Kutani ndzi teka tsalwa kusuka eka sweswo, kutani ntsena ndzi ri maraka lahawani eka buku ya mina, "Xana Yesu u na byatso?" Kutani ndzi sungurile ku ehleketa. Loko A ha ri lahawani emisaveni, A fanele ku lomba xivelokelo leswaku a ta tswaleriwela eka xona, sirha ro lahleriwela kona, byatso byo chumayelela kona, kambe hi Yena Muchayeri wa xikepe xa khale xa Zion. Hakunene, A ri tano. Kambe, nakona matsalwa lawa a ndzi ehleketa hi wona, ndzi ehleketa leswaku ndzi nga ma kuma endzhaku, hi nga se famba hi tlhelela endzhaku.

¹⁴ Ma swi tiva, ndzi tsakela ku vulavula na tabernakele lahawani, hikuva i kereke leyi yi nga ya hina. Hi titwa hi ntshuxekile ku vula leswi Moya lowo Kwetsima wu swi vulaka. Eka tindhawu tin'wana, hambi loko munhu a lava ku ku amukela, u titwa u krempile nyana hikokwalaho ka-ka kuva u ri eka kereke ya un'wana, nakona u lava kuva njhingha yo enela eka ku xixima mianakanyo ya—ya vona na dyondzo ya vona.

¹⁵ A hi ri na nkarhi wa kahle vhiki leri endhawini ya Makwerhu Burcham lahaya. Nakona ndzi yile efemeni laha va endlaka chizi. Ndza swivona leswaku yena na nsati wa yena, na jaha na vona, va kona sweswi mixo lowu. Nakona minkarhi hinkwayo ndzi ehleketa leswaku feme ya chizi yi tava yi ri swin'wana swo kotisa eka tindhawu tin'wana leti a ndzi ri eka tona, oho, ya maendlelo ya riwa nyana na ku thyaka. Mina, ndzi nga ha vula nchumu wun'we, u nga hava na ntiyiso wa leswaku u wisa hi ku tiyisisa leswaku ndhawu ya leyo a yi thyakanga. Ya leyo a yiri ndhawu yo basa swinene leyi ndzi

nga se tshamaka ndzi ya eka yona, nakona ngopfu-ngopfu a femeni. Nakona a ndzi kalanga ndzi swi xiyisia; ndzi ehleketa, oho, kumbe xana va nga endla dzana ra tipondzho ta chizi hi ku tika hi siku. Nakona va endla tithani ta ntsevu siku rin'wana na rin'wana, nakona tifeme tinharhu tile ku tirheni. Ndzi ehleketa, "Oho, mina, i mani a ti dyaka tichizi leti hinkwato xana?"

¹⁶ Kambe Hosi yi katekisile wanuna loyi. Ndzi vile na nkateko wa kuva emutini wa yena, ndyangu wo rhandzeka swinene, wansati wa kahle wo tinyiketela. Nakona ku hava xivangelo xa kuva va nga hanyeli Kreste siku rin'wana na rin'wana, tani hilaha va swi endlaka. Ndzi hlanganile na majaha ya yena, nakona i vana vosaseka ngopfu. Hi khensa ngopfu xinakulobye lexi hi nga na xona eka un'wana.

¹⁷ Ndzi kume leswaku mufundhisi wa vona wa khale a—a ri munhu loyi ndzi n'wi tivaka, Makwerhu Gurley, munhu wa kahle wa ripfumelo ra United Pentecostal, loyi hi nga hlangana malembe lawa ya nga hundza, eJonesboro, Arkansas. Nakona a va switivanga leswaku a va...leswaku yaloye a ri mufundhisi wa yena, hambi swiri tano.

¹⁸ Sweswi mi tsundzuka xikhongelo xa madyambu lawa. Kutani, hi ku rhandza ka Hosi, Sonto lowu wu taka nakambe hi navela ku vulavula. Kutani ndzi ehleketa leswaku hi Sonto lowu wu taka ndzi fanele kuya eChicago. Kutani ndzi ta famba xinkadyana, ndzi fanele ku tlherisela ndyangu ekaya, endzhaku, kumbe ku tlhelela eArizona leswaku va nga ha, vana, va nga ha tlhelela exikolweni nakambe. Nakona hi tshika ku karhata mufundhisi, ku teka swikhongelo swa yena.

¹⁹ Swingaleswi, hi khensa swinene hi Makwerhu Neville eka matikhomele ya yena lamanene, ma swi vona, ku—ku va a ndzi rhamba. Nakona u tano, ee...Ndza n'wi rhandza, buti, wanuna wo kotisa yaloye, laha a nga riki na xisandzu, a nga na ku tirhandzela swa yena, kova ntsena Vukreste bya xiviri. Ndza swi rhandza sweswo.

²⁰ Sweswi hi ya hlaya yan'wana ya Matsalwa kutani hi hundzisa mavonelo. Nakona a hi wu tivi nkarhi lowu hi nga ta huma hi wona, eka Mahungu lawa yo leha, kambe a ndzi ehleketa leswaku...A ndzi ri eku vulavuleni siku rin'wana hi ku vulavula nkarhi wo leha, nakona un'wana u teri, "Kunene, sweswi, loko u-loko u nga vulavula nyana swintsongo; nakona u vulavula hi maendlelo yo nghenisa swihundla, hi ndlela yin'wana," a ku, "a hi—a hi nge swikoti ku swi twisisa." A ku, "Ntsena vulavula u ya emahlwени, nakona endzhaku nyana swi humela ehandle," u vule tano. Swingaleswi kumbexani Hosi yi hi lava hi swi endla hi ndlela ya leyo.

Ntsena a hi korhamiseni tinhloko nakambe.

²¹ Hosi, Rito ra Wena ri pfuriwile ephulphitini, nakona hi ri karhi hi swi lemuka leswaku siku rin'wana Ri ta pfala eka nkarhi wa Rona wo hetelela, kutani Rito ri tava nyama. Nakona ha—ha khensa swinene eka lowu nkarhi mixo lowu. Ku va u hi pfulela, hi Moya wa Wena lowo Kwetsima, mimongo ya Rito leri hi nga ta ri hlaya. Leswaku Moya lowo Kwetsima wu nga ha hi dyondzisa namunthla swilo leswi hi faneleke ku swi tiva. Leswaku hina, hi ku tlherisela, hi yingisela hi vurhon'wana Rito rin'wana na rin'wana, hi Ri weya hi vuenti. Nakona lava va nga yingisela hi ndlela ya thepi, leswaku va nga ha yingisela hi vurhon'wana. Leswaku nakona hi nga ha kota ku yingisela leswi Moya lowo Kwetsima wu ringetaka ku hi paluxela. Hikuva ha swi lemuka, loko A nga hi tota, nakona kutava ku ri ku tota loku ku nga riki ka hava. I ka xikongomelo, leswaku ku nga ha tirhela swa kahle, eka Hosi. Nakona timbilu ta hina na ku twisisa ka hina ku nga ha pfuleka, Hosi.

²² Leswaku hi nga hava na ntshuxeko wo vulavula, na ntshuxeko wo yingisela, na ku fikelela ripfumelo, ro pfumela leswi hi nga swi twa, tani hiloko swi ta swi huma eRitweni ra Xikwembu; leswaku ku nga ha hlayeriwa eka hina, Vutomi lebyi nga Heriki, eka Siku lerikulu leri ri nga ekuteni. Hi katekisi namunthla. Hi soli loko hi hoxisa. Hi pfumeleli hi tiva ku hoxa ka hina. Kutani u hi katekisa hi ndlela leyi yi nga kahle, leswaku hi nga ha tiva ndlela leyi hi faneleke ku famba ha yona, ni hilaha hi nga vaka na maendlelo eka misava leyi ya sweswi; leswaku hi nga ha tisa ku xixima, eka ku hanya ka hina lahwani, eka Yesu Kreste, Loyi a nga fa leswaku a hi nyika Vutomi hi ntalo lahwani endzhaku. Ha swikombela leswi hi Vito ra Yesu. Amen.

²³ Sweswi ndzi lava ku hlaya eka tindhawu timbirhi leti ti humaka eka Matsalwa, mixo lowu. Kutani yin'wana ya tona ntsena yi kumeka eka Buku ya Eksoda. Hakunene, havumbirhi bya tona ti kumeka eka Buku ya Eksoda. Yin'wana, kuavanyisa ka vu13, na vhese ya vu21 na ya vu22. Kutani leyi yi landzelaka i ya ku avanyisa ka vu14, vhese ya vu10, ya vu11 na ya vu12. Sweswi ndzi ta hlaya kusuka eka Eksoda 13:21.

*YEHOVHA a va rhangela emahlweni hi ku nembelela
ka papa ni nhlekanhi, eku va komba ndlela; niku
pfura...ka ndzilo ni vusiku eku va voningela leswaku
va famba nhlekanhi ni vusiku:*

*Eku nembelela ka papa ni nhlekanhi, niku pfura ka
ndzilo ni vusiku, a ku sukanga emahlweni ka tiko.*

²⁴ Sweswi eka Eksoda 14, na vhese ya vu10.

*Loko Faro a ri karhi a tshinelela, evana va Israel
va tlakusa mahlo, va vona Vaegipta va va landzelela.
Kutani vana va Israel va chava ngopfu, va huwelela
eka YEHOVHA.*

Va ku ka . . . Muxe, Xana a ku . . . (ndzi khomeleni)

Va ku ka Muxe, Xana a ku ngari na masirha a Egupta, leswi u hi susuke leswaku hi ta fela mananga? U hi endle yini loko u hi humesa Egupta?

Xana a hi tona timhaka leti hi ku byeleteke tona Egupta, loko hi ku, Hi tshike, hi tirhela Vaegipta; hikuva a swi sasekile loko hi tirhela Vaegipta, swi ngari leswaku hi fa emananga.

25 Ndzi ta hlaya tivhese to hlaya nyana.

Kutani Muxe a ku ka tiko, Mi nga chavi . . .

Sweswi yingiselani swinene lahawani.

. . . Kutani Muxe a ku ka tiko, Mi nga chavi, yimani mi ta vona hilaha YEHOVHA a nga ta mi lamulela . . . ha kona namunttha: hikuva Vaegipta lava mi va vonaka sweswi, a mi nga ha tlheli mi va vona kambe.

YEHOVHA u ta mi lwela, kambe n'wina mi ta timiyelela ntseña . . . kutani YEHOVHA a ku ka Muxe, U huwelela yini ka mina? Byela vana va Israel leswaku va famba:

Kambe wena yimisa enhonga, u tlakusa voko ra wena ehenhla ka lwandle, u ri tsemakanyisa, vana va Israel va ta famba exikarhi ka lwandle, laha ku omeke.

Kambe mina ndzi ta nonohwisa etimbilu ta Vaegipta, va ta mi landzela; kutani ndzi ta tidunisa ha Faro ni nyimpi ya yena hinkwayo, ni makalichi ya yena, ni lava va khandziyaka mahanchi.

Vaegipta va ta tiva leswaku hi mina YEHOVHA, loko ndzi ta tidunisa ha Faro ni makalichi ya yena ni lava khandziyaka mahanchi.

Entsumi ya Xikwembu leyi rhangeleke mavandla ya Israel yi suka, yi famba endzhaku ka vona; kutani ku nembelela ka papa kusuka . . . emahlweni ka vona ku yima endzhaku ka vona exikarhi ka nyimpi ya Vaegipta ni ya Vaisrael:

Kutani ri va exikarhi ka nkapa wa Vaegipta na nkapa wa Vaisrael; . . . etlhelo rin'wana papa ri endle ntima, kambe tlhelo rin'wana a ri voninga vusiku; kutani a va tshinelelananga ni vusiku hinkwabyo.

Kutani Muxe a tlakusa voko ra yena henhla ka lwandle, kutani YEHOVHA a fambisa lwandle hi vusiku hinkwabyo hi mheho ya matimba ya vuxa; a phyisa lwandle, mati ma avana hi le xikarhi.

Kutani vana va Israel va famba exikarhi ka lwandle, laha ku omeke; emati ma endle tintshava hi matlhelo mambirhi.

Kutani Vaegipta va va hlongorisa, va nghena exikarhi ka lwandle endzhaku ka vona, ni mahanchi ya Faro hinkwawo, ni makalichi ya yena ni vakhandiyi va yena.

Hi nkarhi wa mixo, YEHOVHA a languta enyimpi ya Vaegipta ari... papeni ra ndzilo, kutani a pfulunganya nyimpi ya Vaegipta,

A hlomule masondo ya makalichi ya vona, kutani va ma koka hi matimba. Kutani Vaegipta va ku: A hi balekeleni mahlweni ka Vaisrael, hikuva YEHOVHA a va lwela, a lwa na Vaegipta.

²⁶ Rito ra Hosi hi lerikulu, rikahle swinene, ku hava ndlela yo hi yimisa ku Ri hlaya. Ntsena ri va Vutomi, ntsena loko hi Yi hlaya. Ndzi ehleketa leswaku, eka tsalwa leri mixo lowu, hambi leswi ri nga kandziyisiwa, ndzi lava ku sungula hi ku vula leswi, ri kuma leswaku, ndzi kuma leswaku hi vumina. Na xivangelo xa leswaku ndzi... Tolo, loko ndza ha ri eku hlayeni, kutani ndzi fike ehenhleni ka nhloko-mhaka leyi, kutani ndzi ehleketa, "Ntsena ndzi le ku fambeni, loko Hosi yi swi rhandza, ku ya vulavula hi yona, hikuva ya ndzi fumbisa." Nakona ndza pfumela leswaku ya hi fumbisa hinkwerhu ka hina, leswaku hi nga ha vona, ni kuva yi hi endla leswaku hi languta ehenhla; ku dyondza nyana swintsongo, hi ku pimanisa na siku leriya, ku... kufikela eka siku ra namuntlha.

²⁷ Ndzi lava ku teka marito manharhu leswaku ya va nhloko-mhaka, yalawa hi lawa ya nge: *Hikokwalaho Ka Yini U Rila? Vulavula!* Xikwembu xi teri eka Muxé, lahawani eka vhesé ya vu15, "Hikokwalaho ka yini u Ndzi huwelela? Vulavula na vanhu, leswaku va famba va ya emahlwéni." Kutani: *Hikokwalaho Ka Yini U Rila? Vulavula!*

²⁸ Sweswi, hi na tidyondzo to tala, nakona ndzi ta ringeta ku hatlisa ndzi heta hi ku hatlisa tani hilaha ndzi nga ta kota hakona, tani hilaha Moya lowo Kwetsima wu nga ta hi fumbisa. Nakona ndzi lava ku ehleketa hi... tsalwa leri, ra Muxé loko a rilela Xikwembu, hi minkarhi ya khombo; nakona Xikwembu xi tlherisela hi ku tshinya Muxé, loko khombo ri-ri eka nhlengelatano. Nakona kova ntumbuluko, swi tikomba tani hi sweswo, eka munhu kuva a rila. Nakona i ku tshinya ka-ka njhani eka Xikwembu kuva xi hundzuluka xi n'wi tshinya kuva a swivula, kuva a Xi huwelela. Swi languteka kuri nchumu wo tika.

²⁹ Minkarhi yo tala loko hi languta eka Matsalwa, hi ndlela leyi yi nga ya hina ya malangutele, swi tikomba swi tika. Kambe loko hi nga Ri dyondza swintsongo nyana, hikuma leswaku Xikwembu xa vutlhärhi hinkwabyo xi tiva leswi a Xi ri eku swi endleni. Nakona Xi tiva hilaha swilo xi nga swi endlisaka xiswona na ku tirhana na munhu. Xi tiva leswi swi

nga endzeni ka munhu. Xona, Xa n'wi tiva. A hi n'wi tivi. Hi tiva ntsena hi tlhelo ra vutlharhi. Xi tiva leswi hakunene swi nga emunhwini.

³⁰ Muxe u tswaleriwe eka misava ya leyи, nakona a ri jaha leri ri nga nyikiwa. U tswaleriwe kuva muprofeta, mukutsuri. U tswariwe na switirhisiwa leswi a swi ri endzeni ka yena, tani hi munhu un'wana na un'wana loyi a taka eka misava leyи a tswariwaka ni switirhisiwa leswi, tani hilaha hi ku tiyisisa ndzi pfumelaka eka—eka vutivi lebyo rhanga bya Xikwembu, ku hlawuriwa khale.

³¹ “Ku ngari xona Xikwembu xexo xi navelaka leswaku un'wana a nga lovisiwa, kambe hinkwavo va nga fika ekuhundzukeni.” Kambe, kuva xi ri Xikwembu, Xi fanele ku switiva, na ku swi endla, “Xi tiva makumu kusuka emasunguleni.” Wa vona? Loko Xi nga endli tano, swingaleswi a hi xona lexi Xi ngariki na makumu; nakona loko Xi ngari na makumu, a hi Xona Xikwembu. Swingaleswi A xi naveli, hakunene, leswaku un'wana a lova, kambe Xa—Xa swi tiva leswaku i mani a nga ta lova ni loyi a nga taka a nga lovi. Hi xona xivangelo xexo, xikongomelo xin’we lexi Yesu a nga tela xona emisaveni, a kuri ku ponisa vona lava Xikwembu, ku ya hi vutivi bya Xona lebyo rhanga, u vonile lava va lavaka ku ponisiwa, wa vona, hikuva misava hinkwayo a yi avanyiseriwile. Nakona a ndzi swi voni leswaku hi nga swi dyondzisa hi ndlela yin’wana kutlula vutivi lebyo rhanga bya Xikwembu, nakona Bibebe yi swi veka erivaleni leswaku Xi “tiva makumu kusukela emasunguleni,” nakona xi nga ha swivula.

³² Swingaleswi, loko munhu a—a ringeta kuva swin’wana leswi va ngariki swona, ntsena vo endla kuencenyeta, kutani sweswi kumbe endzhaku ku ta mi kuma. Swidyoho swa n’wina swi ta mi kuma. Mi ngaka mi nga swi funengeti. Ku na ku funengeta kun’we ka vudyoho, kwalaho i Ngati ya Yesu Kreste, nakona Yi ngaka yi nga laveki handle kaloko Xikwembu xi mi vitanile kusukela emasunguleni ya misava. Sweswo hi leswi Ngati yi nga halakela swona; ku ngari leswaku yi tsendzeleka ehenhleni, kutani yi hundzuka xihlekisi, ni—ni ku tirha kun’wana, ni—ni ku vulavula hi leswo biha, ni—ni kuya emahlweni. A Yi ri ya xikongomelo xo kongoma. Hi swona sweswo. Ku ngari ku tlanga hi yona, ku ngari leswaku yi encenyetiwa, hi kuvula leswaku swidyoho swifunengetiwile loko swi ngari tano. Nakona ku hava munhu loyi a nga vaka na swidyoho swa yena leswi swi nga funengetiwa handle kaloko swi vekiwile eBukwini ya Vutomi ya Xinyimpfana misava yi nga siva kona. Yesu u teri, yena hi Yexe, “Ku hava munhu loyi a nga taka eka Mina handle kaloko Tatana wa Mina a n’wi tisa. Ni hinkwaswo leswi Tatana a ri na swona,” nkarhi lowu wu nga hundza, “u Ndzi nyike swona, swi ta ta eka Mina.”

Hi swona sweswo. Swingaleswi a mi nge swikoti ku endla Marito ya va vunwa. Ya kwalahaya hikokwala ho ka Ntiyiso na ku lulamisa.

³³ Nakona Muxe u tswariwile na nyiko ya ripfumelo; Muxe a ri na ripfumelo lerikulu. Ha swi vona, endzhaku nyana, ri huma eka yena. Nakona a tswaleriwe endyangwini wa kahle, tani hilaha hi switivaka hilaha tatana wa yena na manana wa yena, leswaku a va huma endyangwini wa Levi. Laha, xitorhi lahawani, endzhaku eka leswi, eka Buku ya—ya Eksoda, hi ku saseka yi nyikaka vutomi bya ximunhuhatwa lexi xa kahle. Nakona a ri un'wana wa—wa swimunhuhatwa leswikulu swinene swa Bibele, hikuva hakunene a ri xifananiso xa Hosi Yesu.

³⁴ U tswariwile hi matswaleriwele lawa ya nga tollovelekangiki, tani hi Hosi Yesu. U tswariwile hi nkarhi wa ku xaniseka, ku kotisa Hosi Yesu. U tswariwile a ri mukutsuri, ku kotisa Hosi Yesu. U tumbetiwile hi vatswari va yena, a va ekule na nala, ku kotisa Hosi Yesu. Nakona u tile eka lowu nkarhi wa xikhongelo, ku kotisa Hosi Yesu. A ri murhangeri, ku kotisa Hosi Yesu. A ri muprofeta, ku kotisa Hosi Yesu. Nakona a ri munyiki wa nawu, ku kotisa Hosi Yesu.

³⁵ Nakona hi kuma leswaku u fele eRibyeni, nakona a nga hava a bohekile ku pfuka nakambe na swin'wana, hikuva, endzhaku ka nhungu wa madzana wa malembe a yimile eNTshaveni ya Nkwetsimo, a vulavula na Hosi Yesu. Wa vona? Tintsumi ti n'wi rhwarile. Ku hava na un've loyi a tivaka laha a nga lahleriwela kona. Ambi kuri javulosi a nga switivi sweswo. Hakunene, a ndzi pfumeli leswaku u tshame a lahliwa. Ndzi—ndzi pfumela leswaku Xikwembu xi n'wi rhwarile, nakona—nakona u fele ehenhla ka Ribye leri a nga ri landzelela eka masiku hinkwawo ya ku hanya ka yena.

³⁶ Nakona a ri xifananiso lexi xi hetisekeke xa Kreste. A ri hosi eka vanhu. A ri munyiki wa nawu. A ri—a ri mu—mu tiyisisi eka vanhu. A ri hinkwaswo, hi—hi ku fananisa, leswi Kreste a ri xiswona.

³⁷ Sweswi, kutani, hi ku vona leswaku u tswariwile na nyiko yaleyo ya kahle na nkoka lowu a wu ri endzeni ka yena, kutani ntseña swi teke Swin'wana ku vangamisa ku rhendzeleka hi sweswo, ku tisa nchumu walowo eka Vutomi.

³⁸ Wa vona, mbewu ya Xikwembu kahlekahe yi vekiwile endzeni ka hina kusukela emasungulenya misava. Nakona loko Layiti ya leyo ro sungula yi ba mbewu ya leyo, Ri Yi tisa eVuton'wini, kambe Layiti kusungula yi fanele ku ta ehenhlemi ka mbewu.

³⁹ Tani hilaha ndzi nga dyondzisa minkarhi yo tala hi wansati lontsongo exihlombyeni, yena eka xiyimo xexo. Ambi a nga va—a ri munhu wo duma hi vuvabyi, hambi vutomi bya—bya yena leswi a byi onhakile, nakona a ri eka xiyimo xexo hikuva

mindzhavuko ya leyo a yi nga n'wi khumbhanga, kambe, hambi swi ri tano, loko Layiti ya leyo yi ta n'wi ba ro sungula, hiku hatlisa u Ri tivile, hikuva a kuri na swin'wana ku hlamula eka Rona. "Loko xidziva xi vitana Xidziva," ku boheka kuva na Xidziva kun'wana ku hlamula ku vitana kwaloko.

⁴⁰ Nakona Muxe lahawani u tswariwe a ri muprefeta loyi, kambe u kuriseriwile eka xikolo xa vutlharhi nale xigotlweni xa Faro. Seti wa Faro, loyi a nga kulerisiwela ehansi ka yena, a ri wanuna loyi hambi swi ri tano a ha xixima, niku pfumela leswaku Yosefa a ri muprefeta wa Hosi. Kambe lahaya ku tile Rameses endzhaku ka Seti, nakona Rameses a ngari na mhaka na yena Yosefa. Kutani swingaleswi, swingaleswi, kwalahaya hilaha khombo ri nga sungula kona, sweswi, loko lahaya ku pfuka Faro loyi a nga n'wi tivi Yosefa.

⁴¹ Kambe minkoka leyi ya kahle, a hi vulavuleni ha yona xinkadyana, nakona, hi nga se nghena eka xiphemu xa hina lexikulu xa tsalwa. Ndzi na ndlela yo ka yi nga twisiseki ya ku veka nhloko-mhaka, kutani ku akiwa eka yona, kutani Hosi a yi hi pfuni mixo lowu tani hilaha hi akaka eka yona.

⁴² Muxe, kuva a tswariwile na nyiko leyi ya kahle ya ripfumelo. Kutani, a totiwile a tlhela a lerisiwa exihlahleni lexi a xi pfurha, ku ta ntshuxa vanhu va Xikwembu. Sweswi, ma yi vona minkoka leyikulu leyi wanuna loyi a ri na yona! A tswaleriwe nchumu wun'wana. Xikwembu a xi ri na xikongomelo ha wona.

⁴³ Xikwembu xi na xikongomelo xa n'wina kuva miri lahawani. Wa vona? Loko ntsena mi ngava tano, mi kumeka eka ndhawu ya leyo, i makhombo mangani lawa mi nga ponisa Xikwembu na n'wina hi n'wexe, na n'wina.

⁴⁴ Muxe u tswaleriwile, nakona a ri tano, endzhaku nyana, u tisiwile e—e ndhawini laha a ri na ntoto. Nakona, lemukani, mbewu yi pavalarile lahaya na mavonelo ya vutlharhi, na ripfumelo hinkwaro leri a nga tswariwa na rona ku ta ntshuxa vanhu lava, nakona hambi swi ri tano yi ta eVuton'wini ku kondza Layiti ya leyo yo huma eka xihlahla lexi xi pfurhaka ku vangama ku rhendzeleka hi yona; ku fikela laha a swi vonaka, ku ngari swin'wana swa leswi a nga swi hlaya, kambe swin'wana swa leswi a nga swivona hi mahlo ya yena; Swin'wana leswi swi nga vulavula na yena, a tlhela a vulavula a tlherisela eka Rona. Oho, hilaha sweswo swi nga tisa swilo eka Vutomi ha kona.

⁴⁵ Ndzi ehleketa leswaku wanuna un'wana na un'wana na... kumbe wansati, jaha, kumbe nhwana. Kutani ndzi ehleketa, hi mavonelo ya vutlharhi lawa va ehleketa leswaku Rito ri tano, na kuya emahlweni, a nga kalanga a va na masungulo lawa ma hetisekeke lawa ya nga ta yima ku kondza va hlangana na Layiti ya leyo leyi yi tisaka Rito riva ra ntiyiso.

⁴⁶ Ndzi ehleketa leswaku kuhava kereke leyi yi nga eka ku titoloveta ka yona, yi ngari na mhaka leswaku yi tlharihe ku fika kwihi na leswaku yi na ntiyiso ku fika kwihi, kereke ya leyo yi ngaka yi nga kateki kufikela laha leswi swa le handle ka Ntumbuluko swi titivisaka exikarhini xa vanhu valava, kutani va swivona. Swin'wana leswi va nga vulavulaka na swona, leswi swi nga ta tlhela swi va hlamula, leswi swi nga ta tiyisisa Rito leri tsariweke.

⁴⁷ Sweswi tsundzukani, loko Muxe a ta hlangana na xihihlaha lexi a xi pfurha, Rito lero ri tiyisiwile ku fana. A Ri ri Rito. Muxe a fanele a nga vileli, "Leswaku Rito leri ri ngava ra yini? I Xivumbiwa xa yini lexi xi nga lahawani?" Hikuva, Xikwembu khale xi tsarile eka Matsalwa, eka Genesa, leswaku, "Vanhu va wena va ta tshama etikweni rimbe, kambe va ta humesiwa endzhaku ka mune wa madzana wa malembe, va ta tlhelela eka tiko leri nakambe, hikuva vubihi bya—bya va Amor a byi se hetiseka" Sweswi, madzana na madzana ya malembe swi nga se va kona, Xikwembu xi vule sweswo, "Israel ri ta tshama ri tlhela ri karhatiwa etikweni rimbe, nakona ri ta tshama kwalahaya kuringana mune wa madzana wa malembe. Kambe Xikwembu, hi voko ra matimba, xi tava humesa." Swingaleswi, ma swi vona, hi xihihlaha lexi xi pfurhaka . . .

⁴⁸ Muxe a swi tiva leswi, hi vutlhарhi. Na mbewu leyi a nga tswariwa yi ri eka yena, a yi tshamile embilwini ya yena. Nakona u ringetile, kuya hi ntokoto wa vutlhарhi bya yena na Rito, ku ringeta ku—ku—ku va humesa, ku va kutsula, hikuva a swi tiva leswaku u tswaleriwe xikongomelo xexo. A swi tiva sweswo, nkarhi. Matsalwa hinkwawo a ya vule leswaku khale va ri kwalahaya kuringana mune wa madzana wa malembe.

⁴⁹ Ntsena tani hiloko hi switiva sweswi, tani hilaha munhu un'wana a nga ndzi vutisa eka xinkadyana lexi xi nga hundza, hikwalaho ka ku Vuya na ku Vutliwa. Ha switiva. Hi hanyile nkarhi lowu wu nga hundza, nkarhi wa ku Vutliwa wu le xandleni, nakona hi langutele ripfumelo ro tlhandlukisa leri ri nga ta kokela Kereke kun'we ku yi nyika ntamu lowu wu ngariki wa ntumbuluko, lowu wu nga ta ncinka mimiri leyi hi hanyakwa eka yona. Loko hi vona Xikwembu lexi xi nga ta pfuxa vafi va suka ehansi kumbe ejarateni, xi n'wi tlherisela eka vutomi nakambe niku n'wi tisa emahlweni ka hina, loko hi vona Xikwembu lexi xi nga susaka mfukuzani lowu wu dyaka munhu kuya fika eka ndzhuti xi tlhela xi n'wi pfuxa a va munhu loyi a tiyeke a va wa rihanyu leri ri hetisekeke, lexi xi faneleke ku nyika ripfumelo leri ri tlhandlukisaka evanhwini. Leswaku, loko Layiti ya leyo yi vangama kusuka exibakabakeni, na ku twakala ka mhalamhala, Miri wa Kreste hi ku hatlisa wu ta hlengelletana kun'we, kutani wu ncinciwa hi xinkadyana kutani wu yisiwa eMatilwени. Ina, ku fanele kuva na swin'wana swo kotisa sweswo leswi swi nga ta

humelela. Nakona swikolo swa hina swa ntivo-vukwembu swi ngaka swi nga swi humesi sweswo, hambi leswi vutlharhi bya vona byi nga kahle hinkwabyo. Kambe mi fanele ku hlangana na Layiti ya leyo! Mi fanele ku kuma swin'wana swa Sweswo.

⁵⁰ Kutani hi loyi Muxe, u kongomisa ku vitaniwa ka yena lokukulu ehenhleni ka Rito, nakona a ku ri kahle, kufikela laha siku rin'wana a hlanganaka na Layiti ley, na Rito reriya rona hi Roxe ri n'wi hlamurile. Kutani a kuma ntoto wa yena. Ku totiwa kwaloko loku a ri na kona, sweswo hi leswi swi nga endzeni, ti—ti tintlharhi leti ti nga swi pfumela, ripfumelo leri ri nga kongomisiwa eka ku pfumela ka yena eka Xikwembu, hi leswi swi nga n'wi a va a suka eka manana wa yena. Kutani loko a ba eVukoneni bya Layiti ley, Yi totile leswaku wa pfumela. Wa vona? Xana i ntoto wihi! Nakona a lerisiwile.

⁵¹ Sweswi, ha switiva, hi vutlharhi u vile na yena manana wa yena. A switiva leswi a swi ya eku humeeleni, nakona a switiva leswaku u hanya eka siku lero. Kambe lahwani u kuma leswaku hi yena muhluleki, swingaleswi a nga hava na... ripfumelo ra yena ri nga ha tlhelela endzhaku swintsongo nyana. Kambe loko a ta enhoveni, Xikwembu xi teri, “Ndzi yingiserile ku rila ka vanhu va Mina, nakona Ndzi tsundzuka xitshembhiso xa Mina eka vatatana va vona, Abraham, Isak, na Yakob, nakona Ndzi xikile ehansi.” “Ndzi,” layaha, i—i riviti ra ximunhu, “Ndzi xikile ku tava ntshuxa.”

⁵² Kutani sweswi, kutani ndzi nga ha engetela leswi loko swi... Xikwembu a xi ndzi rivaleli loko swi twakala ku ri ku sandza. “A Ndzi tirhi ehenhla ka misava, ntsena hi vanhu. Ndzi—Ndzi—Ndzi Vhinya; n'wina mi marhavi. Nakona ntsena Ndza ti hlambanya hi Ndzeke loko ntsena ndzi nga kuma vanhu. Nakona hi Mina ndzi nga ku hlawula, kutani Ndza ku rhuma leswaku u ya va humesa.” Wa vona? Sweswi lemukani, “Ndzi tava na nomu wa wena, nakona Mina... u teka mhandi ley.”

⁵³ Kutani Muxe a ku, “Xana ndzi nga vona vumbhoni bya leswaku U ndzi rhumile xana, na leswaku U ndzi totile xana, ni loko U ya eku swi endleni swilo leswi?”

Xi ku, “U khome yini evokweni ra wena xana?”

A ku, “Nhonga.”

Xi ku, “Yi hoxi ehansi.” Yi hundzu ke nyoka. A yi balekela.

⁵⁴ Xi ku, “Yi khomi.” Yi tlhelela endzhaku eka nhonga. Xi ku, “Nghenisa mavoko ya wena a xifiveni.” Ma humesi, nakona a ma ri na nhlokonho. Ma tlheriseli, nakona a ma horisiwile.

⁵⁵ A ku, “U vonile ku kwetsima ka Xikwembu.” A ku nga ha ri hava xivutiso, eka Muxe. Mi kale mi swi lemuka, a nga ha balekelanga emananga nakambe? A swi tiva leswaku a ri na ntoto. A tiva laha, hinkwaswo swilo leswi a ri na swona

embilwini ya yena, minkoka leyi ya kahle leyikulu, nakona u...a va totiwile sweswi. Yena, a tilulamiserile. A ti lulamiserile ku famba. Swingaleswi u rhelele a Egupta.

⁵⁶ Xikwembu xi teri, "Ndzi tava na wena," swingaleswi sweswo—sweswo swa swi tshamisisa. Loko, "Ndzi tava na wena," sweswo hi swona hinkwaswo leswi Muxe a fanele ku switiva, ku vitaniwa loku lokukulu ku nga embilwini ya yena. Nakona sweswi Xikwembu xi teri, "Ndzi tava na wena."

⁵⁷ Sweswi, Xikwembu nakambe xi n'wi tiyisisile hi vumbhoni, leswi Muxe a nga swikoxa. Leswi Muxe a nga swikoxa, "Ndzi hlanganile na Hosi. Kutani Xi teri ndza ku byela, 'LOYI A NGA KONA' u ndzi rhumile." Wa vona?

⁵⁸ Sweswi va teri, "Hi loyi munhu, Muyuda un'wana, nkarhi wun'wana hi van'wana va vabayizani lava a vari ekuteni nkarhi hinkwawo na muxaka hinkwawo wa xikimi xo hi humesa evuhlongeni." Nakona ma swi tiva leswaku vanhu va njhani loko va ri mahlonga, kumbe evuhlongeni bya swin'wana, minkarhi yin'wana kuna muxaka wun'wana wa mano lowu wu hi rhendzelaka, ma swi tiva, ku swi endla.

⁵⁹ Swingaleswi, Muxe, Xikwembu xi tshembhisile Muxe leswaku, "Ndzi tava na wena. Ndzi tava endzeni ka wena. Marito ya Mina ya tava Marito ya wena. U vulavula Marito ya Mina nakona ntsena u vula leswi Ndzi swi vulaka."

⁶⁰ Kutani loko Muxe a rhelela ehansi a ya va nyika ku vitana loku, niku va a yima emahlweni ka Faro, a n'wi byela, "Hosi Xikwembu xa Vaheveru xi teri, 'Humesa vana.'" Nakona a nga va pfumeleli leswaku va famba. Swingaleswi a—a endla singita emahlweni ka va kulukumba na le mahlweni ka Faro, na masingita lawa Xikwembu xi nga ma endla. Xi teri, "Sweswi, mundzuku, hi nkarhi lowu, dyambu ri taya ehansi. Ku tava na munyama eEgupta hinkwaro," nakona swi humelerise xisweswo. Kutani hiloko a ku, "Ku tava—ku tava na tinhongana ehenhleni ka—ka tiko," nakona u tlakusile nhonga ya yena kutani a vitana tinhongana, kutani tinhongana ti ta. Hiloko a profeta, nakona hinkwaswo leswi a swi profeta swi humelela hi ndlela leyi nga vurisiwa xiswona. A ku ri Xikwembu. Wa vona?

⁶¹ Xikwembu xi n'wi vitane kusuka eku tswariweni ka yena, xi hoxa vunkoka endzeni ka yena, bya ripfumelo lerikulu, kutani xi enhlela ehansi hi Vukona bya Xona xi tota nchumu walowo wa kahle wu nga na yena, kutani xi n'wi rhumela ehansi na Rito ra Xona, nakona a tiyisisiwe kahle hi vumbhoni bya ku koxa ka yena. Swingari na mhaka leswaku i tin'anga tingani leti ti nga pfuka, i swilo swingani leswi swi nga humelela, Xikwembu a xi vulavula eka...Muxe a tiveka. Muxe, leswi Muxe a swi vula, Xikwembu a xi swi xixima. Ndzi mi lava mi nga ri rivali Rito lero. Leswi Muxe a nga

swivila, Xikwembu xi xiximile, hikuva Rito ra Xikwembu a ri ri endzeni ka Muxe ra leswaku. "Ndzi tava na nomu wa wena; ndzi ta vulavula swilo leswinene." Sweswi, leswi Xikwembu xi swivulaka—leswi Xikwembu xi swivulaka, Xi swi vulavula ha Muxe, nakona swa tiyisisiwa na vumbhoni bya minkoxo.

⁶² Nakambe, u byeriwile hi manana wa yena, hi matswariwele ya yena lawa ya hlamarisaka, ni hilaha nkarti walowo wa voko wu tshunelelaka eka awara leyi ku fanelaka kuva na ku ntshuxa. Amram na—na Jochebed, majaha na nhwana wa Levi, va sungurile ku khongela Xikwembu leswaku xi rhumela mukutsuri. Nakona swi teke...loko mi vona nkarti wa xitssembhiso wu tshunelela, wu rhumela vanhu ku ya eku khongeleni na ndlala. Nakona a swikanakanisi leswaku—leswaku Jochebed u n'wi byerile minkarhi yo tala, manana wa yena; tani hilaha a ri mukurisi wa yena, na yena, tani hilaha hi tivaka xitorhi. Nakona u n'wi byerile hilaha a nga khongerisa xiswona mana wakwe. "Kutani, Muxe, loko u tava u tswariwile, jaha, a wu ri n'wana wa kahle. A wu ri loyi a hambaneke. Ku na swin'wana leswi swi nga humelela eku tswariweni ka wena."

⁶³ Ndzi nyike drama ya swona eka vana, ku ngari khale ngopfu, kutani ndzi ku, "Loko Amram a ha ri ekamareni a ri eku khongeleni, u vonile Ntsumi yi humesa ripanga ra Yona yi kombetela eN'walungwini, kutani yi ku, 'U tava na n'wana, nakona u ta teka vana a va yisa eN'walungwini etikweni ra xitsembhiso.'" Ndzi nyika drama eka vanakulorhi lavantsongo leswaku va ta swi twisisa; leswaku ku tlhariha ka vona ku nga fiki endhawini leyi n'wina lavakulu mi nga eka yona, nakona va khomelela eka swilo tani hi Moya lowo Kwetsima loko wu ta mi paluxela swona.

⁶⁴ Sweswi, hambi loko manana wa yena a n'wi byerile swilo leswi, nakona a switiva leswi, hambi swi ri tano a ha lava ku khumbhiwa kun'wana. Ma—ma madyondziselo a ya ri kahle, kambe a lava ku tinhlanganisa ka ximunhu.

⁶⁵ Sweswo hi leswi misava yi swi lavaka namuntlha. Sweswo hi leswi kereke yi swilavaka namuntlha. Sweswo hi leswi un'wana na un'wana a swi lavaka, valava i majaha na vanhwana va Xikwembu. Hi ku endlela kuva xisweswo, mi lava ku tinhlanganisa ka ximunhu, wa vona, Swin'wana. A swi na mhaka, ma ri tiva leswaku Rito ri ntiyiso, ma ri tiva leswaku Ri ntiyiso; kambe loko ri tihlanganisa, kutani mi ta vona swilo swi endlekta, kutani mi ta switiva leswaku mi le ndleleni ya kahle. Wa vona? Kutani, langutani, minkarhi hinkwayo swi hi xitsalwa. Swi ta yima na Matsalwa, hikuva leswi swi endlekile.

⁶⁶ Xikhongelo xa Amram a xi fambelana na Matsalwa. Swikhongelo swa vona ntsena a swi fambelana na Rito ra

xitshembhiso. Xikwembu xi swi tshembhisile hi nkarhi walowo ku swi endla. Va swi khongelerile, nakona hi loyi n'wana loyi a nga tswariwa kahle. Nakona va . . .

⁶⁷ Langutani! Oho, ndzi swi rhandza njhani leswi! Wa vona, hi awara leyi Faro a dlayetela vana, wa vona, a va dlaya hi—hi ntlharhi, ntlharhi ra varindzi; vona, a va tlhavetela vana lava va fa, va phamela tingwenya, swimidyana leswintsongo, kufikela laha kumbexana tingwenya a tinonile hi vana va Vaheveru. Kambe Bibele yi teri, leswaku, "Vatsvari a va kalanga va xi chava xileriso xa Faro xo dlaya vana." A va swi endlanga. A va chavanga, hikuva va vonile swin'wana hi n'wana loyi, ku sungula ha swona. Va swi vonile, leswaku leswi a kuri nhlamulo ya swikhongelo swa vona.

⁶⁸ Nakona Muxe a ri na wona masungulo lawa, swingaleswi Muxe a switiva leswaku u rhumeriwe hi xikongomelo xin'we xa ku ntshuxa vana va Israel.

⁶⁹ Wa vona, hinkwawo masungulelo a ya tlakukile ya ri nhulu. Loko u kuma swin'wana, nakona u kota ku tisa Bibele, yi vula leswaku, "Leswi swi ya eku humeleleni," nakona hi leswi swa humelela; "nakona leswi swi tava kona hi nkarhi walowo," hi leswi swa humelela; "nakona leswi swi tava hi nkarhi wun'wana," lahaya swa humelela; kutani hinkwaswo swi hlengeletana kun'we ni kuva swi hi pfapfarhutela xifaniso.

⁷⁰ Oho, hilaha tabernakele leyi mixo lowu, hilaha hina vanhu va awara leyi, Makwerhu Neville, tani hilaha ku basa ku baka misisi ya hina, makatla ya hina ya vuyelelana, loko hi vona misava loko yi lukana na ku fayeleleka tani hilaha yi nga xiswona, ni hilaha hi nga langutaka hinkwako hi vona xitshembhiso loko xi tshunelela! Swi, swi . . . Ndzi ehleketa leswaku, minkarhi yo tala, loko un'wana ntsena a nga tlulatlula eka Rona kan'we, nakona a nga Ri twisisi, kumbe a Ri twisia, kumbexani, nakona va ta eka Rona kan'we, hakanyingi swi ta mi rhumela laha ku nga Heriki, ntsena kuva na nchumu walowo wo tlhandlukisa! Nakona mi nga switivi, nakona ntsena, oho, faya u nghena eka swilo leswi hi nga swi vona niku switiva niku swi twisia, nakona hinkwako kutulatlula kan'we. Wanuna, kumbe wansati, jaha, kumbe nhwana, ntsena nkarhi wun'wana va ta yimisa mavoko ya vona va ku, "A hi fambi, Hosi Yesu," ma swi vona. Oho, hilaha awara yi nga ekusuhi swinene!

⁷¹ Muxe a swi tiva leswaku u tswaleriwe xikongomelo xexo, kutani a languta ehandle hi festere kutani a hlalela Vaheveru tani hiloko va ha verenga; a languta endzhaku lahwani a Matsalweni, nakona ya teri, "Nakona va ta tshama mune wa madzana wa malembe, wa vona, kambe Ndzi tava humesa hi voko ra matimba." Kutani loko a vuyela endzhaku, endzhaku ka xileriso, a ri na ntoto, a switiva leswaku u tswaleriwe . . .

Nakona ripfumelo ra yena ri langutile, hi ripfumelo u vonile vanhu lava niku switiva leswaku i vana va Xikwembu, hikuva misava... Rito ri—ri vula swona. A va ngari va misava, nakona a va nga kotisi lavan'wana hinkwavo. A va hambanile. Nakona a va ri vo tivabyela va bayizani, eka—ka vuloyi bya le henhla bya Egipta; nakona a fanele kuva n'wana wa Faro, a teka mfumo, lowu a wu landzela. Kambe, yena, a kuri na swin'wana ehansi endzeni ka yena, ripfumelo ra—ra ntiyiso leri a ri nga languti eka swilo leswi, vuloyi lebyi a fanele a va mudya-ndzhaka wa byona. U langutile eka xitshembhiso xa Xikwembu, nakona a swi tiva leswaku nkarhi wu tshunerile. Nakona hi swihi leswi wanuna loyi a ngava a swi ehlekete!

⁷² Ndzi lava ku vulavula hi swona na yena, siku rin'wana, loko ndzi ta hlangana na yena eka tlhelo lerin'wana. Mi ri, "Wa penga, buti!" Ee, a swi tano. Ndzi ya eku hlanganeni na yena, hi tintswalo ta Xikwembu. Ina, nkulukumba. Ndzi ta vulavula na yena, siku rin'wana, Muxe hi yexe. Ni hilaha ndzi nga ta tsakela ku vulavula na yena hakona, leswaku njhani, loko a vona vululamiselo bya yena!

⁷³ U hlanganisiwe njhani nhloko, javulosi a ku, "Hawu, vanhu a ve nge ku pfumeli. Haa. Ku hava—ku hava sweswo."

⁷⁴ Kambe loko mbewu yaleyo yi ta eVuton'wini lahaya, swin'wana swi n'wi bile, nakona a switiva leswaku ku na swin'wana leswi swi yaka eku tekeni ka ndhawu. A switiva. U langutile eka xikomba-nkarhi xa yena a vona leswaku i nkarhi muni, nakona a swi tiva, ni leswi a boheka ku swi ehleketa tani hiloko a ha hlalerile. Sweswi loko a kuma hinkwaswo leswi kun'we, hinkwaswo swilo leswikulu leswi a nga swi vona; nkarhi wa Matsalwa, xikhongelo xa manana wa yena na tata wa yena, nakona u tswarevi hi matswarevi lawa ya hambaneke, n'wana loyi a nga twisisekiki. Kutani, hinkwako xikan'we, a ku ri na swin'wana ku tlhelela endzhaku eka yena.

⁷⁵ Kutani sweswi u rhetemukile a suka kutani a ehleketa leswaku u ta teka ku leteriwa ka yena ka swa vusocha exikolweni xa yena, kutani a ntshuxa vana, nakona sweswo swi feyirile.

⁷⁶ Kutani u yile emananga a ya tekana na—na nhwana wo rhandzeka wa Muethiopiya, nakona va kumile xijahetani lexi xinga thyiwa Gershom.

⁷⁷ Kutani siku rin'wana loko a ha langutela ntlhambhi, xikan'we-kan'we a vona xihlahla lexi a xi pfurha ehenhla ka ntshava, xi ri eku pfurheni. Nakona u yile kwalahaya. Nakona kungari hi vutlharhi, ku ngari—hi ku anakanya, ku ngari hi miehleketo ya vunwa, xihoxo xa mavonelo, kambe endzeni ka yena... A kuri na Xikwembu xa Abraham, eka Layiti, Langavi ra Ndzilo endzhaku exihlahleni, Ndzilo walowo, a wuri tani hi magandlati loko ma huma, kambe a wu kalanga

wu karhata xihlahla. Kutani Rito ra Matsalwa, ku nga Rito ra Xikwembu, ri vulavurile ri ri kwalahaya, ri ku, "Ndzi ku hlawurile. I wanuna. Ndzi ku pfuxile hi xikongomelo lexi. Ndza ku khorwisa lahwani, hi masingita, u ya ntshuxa vana hikokwalaho ka Rito ra Mina ri fanelaka ku hetiseka."

⁷⁸ Oho, Rito ra Xona ra namunthla ri fanele ku hetiseka. Hi hanya eka awara ya kona. A swi na mhaka ni leswaku un'wana u ri yini; Rito ri fanele ku hetiseka. Matilo ni misava swi ta hundza, kambe ku ngari Rito ra Yena.

⁷⁹ Sweswi, loko Muxa a swi kuma hinkwaswo kun'we leswi, niku swi vona hi matlhelo hinkwawo, swi totile ripfumelo ra yena. Amen! Oho, mina! I miehleketo ya njhani! Loyer, a ri yexe, hi yexe a vona Matsalwa ma kongomanile ku lunghana na laha a swi ri kona, na ku vulavula ka Xikwembu, na vumbhoni bya swona kwalahaya, swi totile ripfumelo leri a ri ri eka yena, ku ya eku tirheni.

⁸⁰ Xana swi fanele ku tirha yini eka hina? Hi lava ku hundzuka. Hi lava mpfxelelo. Ndzi vula hi vumina. Wa vona? Ndzi lava ku ninginisiwa. Ndzi lava swin'wana. Ndzi teri a ndzi tivulavulela ndzexe mixo lowu, kumbe hikwalaho ka mina. Ndzi—ndzi—ndzi lava leswi swi—swi nga ta ndzi pfuxa.

⁸¹ Kutani loko ndzi ehleketa hi vumbhoni byebyo lebyikulu, hinkwaswo swi vekiwe kahle erivaleni lahaya, nakona swi totile ripfumelo ra Muxa. Nakona, mina, u vone leswaku a ku na nchumu...

⁸² Lahawani, u balekile eEgipta, na, kahle-kahle, a tava a sungurile ku—ku pfuxa dzolonga kumbe swin'wana, nakona a nga hava—a nga hava a pfukile a sungula nhlunga-vuhosi eEgipta, nakona a tava a tekile vuthu rin'wana a ya lwa, kambe, ma swi vona, nakona a ri na magidi yo tala eka tlhelo ra yena. Kambe ematshan'wini ya sweswo, u chavile hambi kuri ku swi endla sweswo, na mavuthu lawa a ya ri eka tlhelo ra yena.

⁸³ Kambe hi loyi u vuyela endzhaku, endzhaku ka mune wa makume wa malembe, a ri na makume nhungu wa malembe, ntsena a ri na nhonga evokweni ra yena. Hikokwalaho ka yini? Leswi a ntshwa hi swona embilwini ya yena swi vuye swi hetiseka. A totiwile kwalaho, nakona a switiva leswaku u na LESWI HOSI YI SWI VULAKA. A kuri hava lexi a xi ta n'wi sivela sweswi. A nga kalanga a lava vuthu. Xikwembu a xi ri na yena. Sweswo hi swona hinkwaswo leswi a swi lava; Xikwembu a xi ri na yena.

⁸⁴ Oho, loko u swi tiva leswaku Xikwembu xi ku rhumile ku ya vula swin'wana, nakona u swi vona swi famba-famba lahaya, a ku—a ku na leswi swi nga tekaka ndhawu ya swona ntsena. Hi swona hinkwaswo sweswo.

⁸⁵ Ndzi tsundzuka minkarhi leyi Hosi yi nga ndzi byela hi swin'wana leswi a swi ya eku humeleteni, nakona ndzi yile

emahlweni ndzi swivona swi pavalarile lahaya, njhani... Oho, i matitwele ya njhani! Xiyimo khale xi ri ehansi ka ntshamiseko, hi swona hinkwaswo sweswo, wa vona, hikuva Xikwembu xi vule tano.

⁸⁶ Ndzi tsundzuka, votala va n'wina ma swi tsundzuka, hi xifanyetana lexi xi nga pfuxiwa eFinland, kutani kusuka ekufeni, lexi a xi dlaiyiwile hi movha. Nakona a ndzi yimile kwalahaya etlhelo ka patu, kutani ndzi sungula ku fambela ekule na xihlangi, kutani ndzi hundzuluka ndzi languta endzhaku. Kutani xin'wana xi tlhandleka voko ra xona ekatleni ra mina, nakona a ndzi ehlleketa leswaku i Makwerhu Moore, nakona ku hava loyi a ri na mina. Hiloko ndzi languta endzhaku, kutani ndzi languta ehenhla ka ntshava ndzi vonile. Ndzi ku, "Kunene, ndzi tshame ndzi xivona xiganga xexo kun'wana, kambe a hi se tshama hi ta hi ndlela leyi. Hi tile hi ndlela yin'wana. Xi kwihi xiganga xexo?"

⁸⁷ Kutani ndzi langutile ndzi vona movha yaleyo ehansi lahaya, yi phatekile; ndzi vona xifanyetani xexo lahaya na...xi pavalarile lahaya xiri na—a vavisekile tani hiloko a lo endla "haircut," tani hi leswi hi nga swi vurisaka xiswona lahwani. Mahlo ya tlhelele endzeni, kukotisa Makwerhu Way leswi a ri xiswona siku rin'wana loko a ta wa. Nakona xinengani xi tsutsuma xi ri endzeni ka sokisi, laha swinengani swa xona a swi tshovekile. Na ngati ley a yi huma emahlweni ya yena, na tinhompfu, na tindleve. Niku vona xiburukwana xa xona, xo koma; xi pfinyanile hi tikunupu, yena, *lahawani* na ku famba hi le tlhelo ka xisutinyana xa yena; na swisokisana nyana swa xona, tani hi masokisi yo leha ku kotisa lawa a hi ma ambala malembe yo tala lawa ya nga hundza.

⁸⁸ Kutani ndzi langutile hinkwako, nakona a kuri hi ndlela, ndlela leyi Moya lowo Kwetsima wu nga ndzi byela malembe mambirhi swi nga se humeleta, loko hinkwerhu ka n'wina mi tava mi swi tsarile eTibibeleni ta n'wina ku rhendzeleka hi tiko, leswaku swi ta humeleta. Oho, kwalahaya, kutani, xiyimo xi le xandleni. Swi ngari na mhaka ni leswaku u fise ku yini, swi ngari na mhaka ni leswaku un'wana u ri yini; swi va swi herile. U ta fanele ku vuyela endzhaku!

⁸⁹ Ndzi ku, "Loko n'wana loyi a nga pfuki ekufeni loku, swivula leswaku ndzi tava muprofeta wa vunwa, ndzi loyi o ka a nga yimelanga Xikwembu. Hikuva, etiko xikaya, malembe mambirhi lawa ya nga hundza, Xi ndzi byerile leswaku leswi swi ta humeleta. Nakona kwalahaya vaministara, na hinkwavo, swi tsariwile eka tluka leri ri hahaka ra Bibele ya hina, nakona lahwani hi leswi hi ku hetiseka. Swi hlayeni ku suka eka tluka leri ri hahaka, hilaha swi nga tava ha kona etikweni, maribye lawa ya vumbulukaka, na kuya emahlweni,

ku dlayiwa, ni ku...va etlhelo ra le xineneni ra tlhelo ra patu.” Ndzi ku, “Hi leswiya lahaya. Kuhava leswi swi nga swi yimisaka. Xiyimo xi le hansi ka ku lawuleka.”

⁹⁰ Ripfumelo leri a ri ri endzeni ka mina a ri totiwile. Oho, ntsena loko ndzi nga kota ku swi hlamusela sweswo! Ripfumelo leri Xikwembu... A ndzi ri eka Xikwembu, lexi xi nga ndzi byela, nakona a swi kalanga swi tsandzeka, xi ndzi byerile leswaku, “Xiyimo xi le hansi ka ku lawuleka sweswi. Lahawani hi swona leswi ndzi nga mi kombu swona malembe ya mbirhi lava ya nga hundza, nakona hi leswi lahawani swi nga kona hi ndlela leyinene. Nchumu wun’we ntsena lowu u nga wu endlaka i ku vulavula rito.” Nakona xifanyetana xi pfuka ekufeni. Wa vona?

⁹¹ A ndzi ri eku ehleketeni, ni ku languta endzhaku eka Makwerhu Fred Sothmann loyi a nga tshama lahawani, na Makwerhu Banks Wood na vona. Siku rin’wana, ehenhla a—a Alaskan Highway, hilaha ndzi nga yima lahawani a kerekene niku mi byela hi swiharhi hinkwaswo leswi swi langutekaka ku fana na timhondzo ta ndhakazi, ta ti inci ta makume mune-mbirhi, na berhe ya silivhere nyana leyi yi byisaka. A ndzi nga se tshama ndzi va kwalahaya, ni hilaha sweswo... kwalaho a ndzi ya eku kumeni ka leswi, ni hilaha swi nga tava kona, ni leswaku i vangani lava va nga tava na mina, ni hilaha va nga ta ambala hakona. Ma swi tiva, un’wana na un’wana wa n’wina, mavhiki na mavhiki swi nga se humelela.

⁹² Kutani kwalahaya loko ndzi nghena kwalahaya, ndzi ngari eku switiveni, kwalahaya a ku etlele xiharhi xexo. Kutani ndzi yile, nakona—nakona u...a swi ri leswi nga endlekiki. Loko muhloti a nga swi tiva, kumbe a yingisela thepi leyi, hilaha u nga taka u ngayi emahlweni ka xiharhi, a nga tlulela ehenhla a tsutsuma. Kambe a nga swi endlanga.

⁹³ Kutani lahaya u hakiwile akamareni ra mina ro dyela. Lahaya ku hakiwe ya silivhere nyana, ntsena hi ndlela ya liya. Kutani na—rhula a yiri kwalahaya, thepi yo pima, ku ta kombisa leswi a nga xiswona. Kutani rimhondzo ri ta khonyana hi ti inci timbirhi kumbe to hlaya, loko tiri rihlaza eka xiharhi ni loko tiomile, kambe leti a tikalanga ti khonyana. Ta ha ri enhompfini hi ti inci ta makume mune-mbirhi. Wa vona? Lahaya ku etlele leyi ya silivhere nyana, yi lehe minkondzo ya nkombo, hi swona, nakona hinkwaswo a swi ri hi ndlela leyi a yi ri xiswona, yi etlele lahaya sweswi.

⁹⁴ Kambe loko wanuna loyi a te ka mina, “Sweswi, langutani, Makwerhu Branham, hi na xona xiharhi lexi a wu vulavula hi xona, kambe u ndzi byerile leswaku u ta kuma ya silivhere nyana leyo byisa u nga se fika ehansi ka xiganga, endzhaku laha majaha a ya ri kona, ya loye a ri loyi a ri na hembhe ya rihlaza.”

⁹⁵ Ndzi ku, "Hi LESWI HOSI YI SWI VULAKA. Xikwembu xi vule tano."

⁹⁶ "Kambe, Makwerhu Branham," u teri, "Ndzi nga ha vona hinkwaswo hinkwako lahawani, ku ringana timayile, a kuna nchumu. U ta a huma kwihi xana?"

⁹⁷ Ndzi ku, "Sweswo a hi swa mina ku swi vutisa. Xikwembu xi vule tano! Nakona hi Xona Yehovah-Yire. Xi nga ha tisa berhe lahaya. Xi nga ha vekela yin'wana lahaya." Nakona Xi swi endlile. Nakona hi luya lahaya. I xiyimo lexi xi nga ehansi ka vulawuri.

⁹⁸ Kutani loko Muxé a tava a swivonile leswaku i pfuxeriwe hi xikongomelo lexi, nakona u hlanganile hi nghohe hi nghohe, na Xikwembu Lexi xa kahle xi nga endla ku vitana loku, nakona xi n'wi tota xi tlhela xi n'wi xakahata, kutani xi ku, "Loku hi kona ku vitaniwa ka wena, Muxé. Ndza ku rhuma, nakona Ndzi ta ku komba ku kwetsima ka Mina. Nakona hi Mina loyi, a xihlahleni, lexi xi pfurhaka. Yana ehansi lahaya! Ndzi tava na wena." A nga kalanga a lava nhonga. A ri na Rito, Rito leri ri nga tiyisisiwa, nakona kwalahaya u rhelerile. Xi totile ripfumelo leri a ri ri eka yena.

⁹⁹ Nakona swa hi tota loko hi vona leswaku hi hanya emasikwini ya makumu, hi ku kuma leswaku hinkwato tisayini leti leti hi nga tivona loko ti teka ndhawu, leti ti nga vuriwa hi Matsalwa, leswaku ti ta teka ndhawu emasikwini ya makumu; ndlela hinkwayo kusuka eTilweni, kuya eka matimba ya polotiki, na ntumbuluko wa vanhu, na ku onhaka ka mikhuva ya misava, na le xikarhini ka vavasati, ni hilaha va nga ta endla hakona emasikwini ya makumu, ni hilaha vavanuna va nga ta endla hakona, ni hilaha tikereke ti nga ta endla hakona, hilaha matiko ya nga ta endla hakona, ni hilaha Xikwembu xi nga ta endla hakona. Kutani ha swivona swi pavalala lahawani eka hina.

¹⁰⁰ Oho, swi tota ripfumelo ra hina. Swa hi fambisa eka swirhendzevutani leswikulu. Wa vona? Swa—swa hi ava eka swilo swin'wana swa misava. Wa vona? A swi na mhaka ni leswaku hi wantsongo njhani, kumbe hi le ka nhlayo leyintsongo njhani, hi hlekiwe ku fika kwihi, hi endlwa swihlekisi, a swikali swi endla ku hambana. Hi swona hinkwaswo. Ha swi vona. Ku na swin'wana endlzeni ka hina. Hi hlawuleriwe ku vona awara ley, nakona ku hava lexi xi nga ta hi yimisa eka ku yi vona. Amen! Lahawani Xikwembu xi swivurile. Swi—swi humelerile. Ha swi vona. Oho, hi xi khensa njhani Xikwembu ha leswi! Oho, kutani, swi humesa ripfumelo ra n'wina loko hi vona swilo leswi swi humelela lahawani.

¹⁰¹ Sweswi, lahawani nakambe ha swi hlaya sweswo, "Muxé u ringanisile leswaku xisandzu xa Kreste i rifuwo leri tlulaka xuma xa Egipa." Sweswi, u ringanisa xisandzu xa—xa Kreste.

¹⁰² Sweswi tsundzukani, “xisandzu xa Kreste.” Wa vona, ku na xisandzu eka ku tirhela Kreste. Loko u dume ngopfu na misava, kutani a wu nge swikoti ku tirhela, a wu tirheli Kreste. Ee, a wu nge swikoti. Hikuva, ma swi vona, ku na ku sandza loku ku fambaka na Rona. Misava minkarhi hinkwayo yi sandzile.

¹⁰³ Endzhaku lahaya, malembe ya magidi lawa ya nga hundza, kuve na ku sandza loku ku fambaka na Rona. Nakona Muxe leswaku a va faro, a ri faro loyi a landzela, n’wana wa Faro. Nakona a ri faro loyi a landzela, a ri ni ku rhandziwa hi vanhu, hambi swi ri tano u “tekiwe tani hi...” Ku ringanisa i ku—ku “tekiwa tani hi.” “U ringanisile ku sandziwa ka swilo leswikulu swa Kreste kutlula hinkwaswo leswi Egipta ri nga swi kotaka ku n’wi nyika swona.” Egipta a ri ri emavokweni ya yena. Kambe, hambi swi ri tano, a tiva ku teka ndlela ya Kreste leyia yiri xisandzu, kambe a tsakile ngopfu ku tiva leswaku a ku ri na swin’wana eka yena, leswi swi nga n’wi endla leswaku a khensa ku sandziwa loku ka Kreste, ku sandziwa ka Kreste, kumbexani, kutlula vuloyi lebyi a—a ri mudya-ndzhaka wa byona. A ri ni ndzhaka leyia yi ri endzeni ka yena leyia yi ri leyikulu swinene kutlula ndzhaka ya le handle yi nga n’wi nyika swona.

¹⁰⁴ Oho, loko hi ngava hi ndlela ya leyo namunlhha, nakona hi pfumelela Moya lowo Kwetsima wu tota leswi hi nga na swona endzeni ka hina, ripfumelo lero, ku ya eka vutomi bya vukhongeri, ku ti nyiketela eka Kreste!

¹⁰⁵ Sweswi, na ripfumelo ro kotisa lero a ri na rona, u lemukile, nakona u tekile ku sandza kwaloko tani hi ku xixima.

¹⁰⁶ Namunlhha, un’wana a nga ha ku, “Heyi, xana un’wana wa vanhu lava xana, lava?”

“A, a, kunene, a.” Ntsena wa swi chava nyana sweswo.

¹⁰⁷ Kambe u swi teke tani hi rifuwo lerikulu kutlula misava hinkwayo, hikuva a ku ri na swin’wana endzeni ka yena leswi a nga swivulaka a ku, “Ina, ndza—ndza swi khensa leswi. Leswi swi xiximiwile swinene. Ndzi tsakile kuva un’wana wa vona.” Wa vona? “Ndzi tsakile ku ti nambara hi vumina tani hi Muheveru nakona ndzi ngari Muegipa.”

¹⁰⁸ Vakreste va namunlhha va nga ha vula swo fana. “Ndzi tsakile ku ti vitana Mukreste hi vumina, kusukela swilo swa misava na ku lerisa ka misava. Ku ngari ntsena kuva xirho xa kereke, kambe tani hi Mukreste loyi a nga tswariwa ra vumbirhi loyi a hanyaka kuya hi Matsalwa. Hambi loko ndzi nga vitaniwa, hambi ku ri hi swirho swa kereke, ‘bayizani,’ hambi swi ri tano ndzi—ndzi—ndzi ringanisa leswaku nchumu walowo lowu—lowukulu kutlula loko a ndzi ri munhu loyi a nyanyeke hi ku duma a dorobeni kumbe etikweni. Swi nga antswa ndzi va sweswo

kutlula Presidente wa United States, kumbe—kumbe hosi ya misava. Ma swi vona? Ndzi—ndzi ringanisa sweswo hi mpimo wa le henhla, hikuva Xikwembu xi le tintswalwini ta Xona, misava—misava yi nga se va kona, xi ndzi vonile, nakona—nakona xi vekela ximbewani endzeni lahaya, leswaku ripfumelo ra mina ri nga ha haha ehenhla ka swilo leswi swa misava. Nakona sweswi Xi ndzi vitanile, nakona ndzi—ndzi ringanisa ndhawu ya mina.”

¹⁰⁹ Tani hi Paul a nge teri, u ringanisile hofisi ya yena hi leyi yi nga ehenhla...wa vona, nakona, oho, Xikwembu xexo xi n’wi vitanile a ha ri mudyondzisi lonkulu tani hi Gamaliel. Kambe Paul u vitaniwile leswaku a tava gandzelo ra Kreste. Wa vona? Sweswi swa fana.

¹¹⁰ Lemukani, hi ripfumelo ro kotisa lero, a nga kalanga a tshembhela eka mavonelo ya yena, leswi a nga swi vonaka. Sweswi, a nga vonanga nchumu lahaya handle ka ntlawa wa—wa vanhu vo tirha hi ridaka, mahlonga, a khotsweni, kuva va dlayiwa masiku hinkwawo, va biwa hi nkharisa, va endliya swihlekiso, hi ripfumelo ra vona ra vukhongeri, a va ri “vabayizani.” Nakona a kuri na faro loyi a tshamile a xiluvelweni, loyi a nga switivi kumbe ku ringanisa swin’wana na swin’wana hi vukhongeri bya vona. A nga tivi nchumu ha byona. A ri muhedeni, swingaleswi ntsena... I xifaniso xa njhani xa namuntlha! Kutani kwalahaya a swi ri kona, vukhongeri byo hambana. Ni hilaha loko-loko Muxe loyi, hambi swi ri tano a ri eka xitulu xin’we na presidente, kumbe—kumbe munhu lonkulu, Faro, ku teka ndhawu ya yena loko a file, nakona a ri mukhalabya. Nakona hambi swi ri tano Muxe u ehleketile leswaku ku vitana kwaloko... U langutile ehandle lahaya, kutani hi festere rin’we leri Faro a languta ehandle ha rona, hikuva a ri ekaya ra yena.

¹¹¹ Kutani Faro a languta ehandle a vona vanhu lava a va tlakusele mavoko ya vona ehandle, nakona va tekile nkharisa va va bela ro fa hikokwaho ka kuva va ri eku khongeleni. Va va tlhava hi ntlharhi hikuva va tshame va hluleka, ku ka va nga yingisanga nkarhi wun’wana, ni kuva tirhisa ku kondza mimiri ya vona leyintsongo ya khale yi ondza, va tlhela va nyikiwa hafu leyi yi nga ringaneleku ku dya. “Kunene, a va ngari nchumu handle ka ntlawa wa vabayizani, a va nga ha ri vanhu hi ku tika.”

¹¹² Nakona hambi swi ri tano Muxe, ripfumelo lero a ri ri eka yena, ri langutekeke ri ri ehenhleni ka vona, hiloko a ku, “I vanhu lava va nga katekisiwa hi Xikwembu.” Amen. Ndza swi rhandza sweswo. Hi ripfumelo ro kotisa lero, mahlo ya yena a ya kalanga ya wela eka vuloyi bya Egipta, ya wele eka xitshembhiso xa Xikwembu. Tihlo ra yena ra gama a ri vona ku hundza eka vuloyi bya Egipta. Yena, a tsundzuka leswaku,

u va gama na yena sweswi. Hi yena muprefeta, nakona tihlo ra yena ra gama ri languta ehenhla ka swilo leswi. Oho ndzi swi rhandza njhani sweswo! Haa! Mina!

¹¹³ Swi njhani namunlhha, namunlhha, Vakreste va tshembhela eka switwi swa vona, ni leswi va swi vonaka, kumbe leswi va nga swi twisisaka, ematshan'wini ya ripfumelo ra vona, ku tshembhela eka leswi u swi vonaka hi tihlo ra wena na vuloyi. Tani hi n'wina vavasati, minkarhi hinkwayo ndzi huwelela n'wina, leswaku mi tshika misisi ya n'wina yi kula, mi nga toli switolata-tolani, mi boheka kuva na maendlelo yo kotisa vamanana na Vakreste. Mi languta ehandle exitaratemi namunthha nakona mi vona vavasati lava va nga ambala hi ambalelo ra vugangu. Kunene, mi ehleketa leswaku, "Kunene, u nghena kereke, hikokwalaho ka yini mina ndzi nga swi endli sweswo?" Wa vona? "Nakona u kerha misisi ya yena, hikokwalaho ka yini—hikokwalaho ka yini ndzi nga swi endli sweswo xana? Kunene, u tikomba a ri ntsena wo olova na ku tlhariha, na yuminhu lebyi ndzi nga riki na byona. Kunene, hikokwalaho ka yini ndzi nga swi endli sweswo? Ndzi fanele ku swi endla." Loko u swi endla sweswo, u limala ripfumelo ra wena. Wa vona? A wu ri nyiki ripfumelo ra wena nkarhi wo ri kula. Sungula eka sweswo, tani hilaha ndzi nga vula.

¹¹⁴ Un'wana u teri, "Makwerhu Branham, tiko, vanhu, va ku teka tani hi muprefeta. A wu fanelanga ku hoxetela vavasati hi ndlela ya leyo, ni ku humesa vavanuna, eka swilo leswi. Wena, a wu fenele u va dyondzisa hi—hi ku profeta naku amukela tinyiko."

¹¹⁵ Ndzi ku, "Ndzi ngava dyondzisa njhani "algebra" loko va nga ti tivi na ti ABC ta vona xana?" Wa vona?

¹¹⁶ Sweswi ntsena sungulani kusuka kwalaho. Tibasisi wena n'winyi leswaku loko u famba exitarateni u languteka tani hi Mukreste, hi ndlela yin'wana, wa vona, nakona u famba u ya va na maendlelo yo kotisa un'wana. Wa vona? Nakona u ngaka u nga swi endli hi vuwena. Ku fanele kuva Kreste loyi a taka endzeni ka wena. Nakona loko mbewu ya leyo yi pavalarile endzeni lahay, kutani Layiti ya leyo yi ku ba, yi ta ta eVuton'wini. Loko yi ngati eVuton'wini, ku hava nchumuhay, lexi xi nga tata eVuton'wini. Hikuva, hakunene yi khorwisile eka van'wana, wa vona, yi ta eka Vutomi xikan'we-kanwe tani hiloko Layiti yi ku ba.

¹¹⁷ Kwalaho ku tshinyiwa vavasati, ndza switiva, lava va yingiselaka thepi ley, kumbe lava va nga ta yi yingisela. Ya ku ntshinya, sesi. Yi fanele ku va tano. Yi fanele ku va tano, hikuva ya kombisa. A ndzi na mhaka ni leswi mi nga swi endla; swi nga ha endleka a wu khongela, vutomi bya wena hinkwabyo, u nga hava u hanyile ekerekeni, tatana wa wena swi nga ha endleka a ri muministara, kumbe nuna wa wena a

nga hava a ri muministara; kambe ntsena loko u nga yingiseli ri—ri Rito ra Xikwembu, swi kombisa leswaku a ku na Vutomi lahaya. Loko mi vona nchumu wu humesiwa, na Vutomi bya Moya lowo Kwetsima, Wu languteni loko Wu ba van'wana. Langutani leswi va swi endlaka, loko Wu switisa eka vona. A swi hlamarisi leswaku hikokwalaho ka yini . . .

¹¹⁸ A kuri ku—a kuri ku tshinya ka njhani eka Vafarisi lava, lava va nga vitana Yesu, loko A ta hlaya mianakanyo ya vona, va N'wi vitanile, “Beelzebub.”

¹¹⁹ Nakona ngwavavani ya loye lontsongo u teri, “Hikokwalaho ka yini, Nakulorhi loyi i Mesiya. Matsalwa ya teri U ta endla swona leswi.” Wa vona, mbewu ya leyi yi nga hlawuriwa khale a yi pavalarile kwalahaya. Kutani loko Layiti yi yi ba, yi tile eVuton’wini. U ngaka u nga swi tsali ehansi. U ngaka u nga byi tumbeti Vutomi.

¹²⁰ U nga ha teka u chela khonkhreti ehenhleni ka nhulu ya mabyanyi, u ma dlaya hi nkarhi wa vuxika. Hi xixikana lexi xi landzelaka, mabyanyi ya wena yo tala ya tava ya ri kwihi? Ya tava ya rhendzele emakun’wini ya khonkhreti. Hikuva, mbewu ya leyo yi milaka yi le hansi ka ribye, loko dyambu ri sungula ku vangama, u ngaka u nga ha byi khomi. Byi ta tshombonyoka byi rhendzeleka hikwalahaya kutani byi huma hi le makun’wini ya lawa byi humesela nhloko ya byona ehandle eka ku kwetsima ka Xikwembu. Wa vona, a wu nge byi tumbeti vutomi. Loko dyambu ri ba vutomi byi botani, byi fanele ku hanya.

¹²¹ Nakona loko Moya lowo Kwetsima wu ba Vutomi bya Matsalwa lebyi byi nga emunhwini, byi humesa muhandzu wa byona kwalahaya. [Makwerhu Branham a thokoza rintiho ra yena—Muhleri.] Wa vona?

¹²² Swi ngari na mhaka ni leswaku u na ntiyiso niku tshembheka njhani, hilaha u tivulaka leswi u nga riki swona, na ku vulavula, u vula leswaku a va ri tano . . . Vavasati lava va ambala swiambalo leswi—leswi swo biha na leswi swi nga lahaya, ntsena ku hluvula ka ntolovel, a xitarateni. Hambi swi ri tano, a mi pfumeli leswaku mi tano, u ngaka u nga ti endli wena leswaku u pfumela. U nga ha tikhoriwisa leswaku a wu na nandzu hi vuoswi, kambe, eka Buku ya Xikwembu, u endla vuoswi. Yesu u teri, “Loyi a langutaka wansati hi ku n'wi navela, u va a endlile vuoswi na yena embilwini ya yena.” Nakona mi tikombisile hi maendlelo ya lawa. Wa vona, u ngaka u nga swivoni handle kalokao Vutomi byebyo byi ri kona lahaya.

¹²³ Mi languta eka un’wana, ma languta mi ku, “Kunene, ndzi tiva Sesi Jones. Makwerhu Jones i . . . Hi yena muministara. Nsati wa yena u endla *leswi* ni ku endla *sweswo*.”

¹²⁴ A ndzi na mhaka ni leswaku *valava* va endla yini; Leri i Rito. Yesu u teri, “Rito ra munhu un’wana na un’wana a ri ve

vunwa, ra Mina ri va ntiyiso.” I Bibele. Kutani loko Layiti ya leyo hakunene yi yi ba, yi fanele ku ta eka Vutomi. Ntsena yi ta fanelia ku ta eVuton’wini.

¹²⁵ Sweswi, tihlo ra Muxe lerikulu, tihlo ra yena ra gama, ri languta ri hundza vuloyi bya Egupta.

¹²⁶ Mukreste wa ntiyiso wa mupfumeri namuntlha, swi ngari na mhaka ni leswi kereke yi swivulaka, leswi un’wana a swi vulaka; loko Layiti ya leyo yi byi ba, va vona ku tiyisisiwa kokuya ka Xikwembu, Langavi lero ra Ndzilo leri ri nembelelaka lahaya, na masingita na swihlamariso leswi swi nga tshembhisiwa, Matsalwa ya andlariwile, nakona yi ta eVuton’wini; a swi na mhaka ni leswaku yintsongo ku fika kwihi, nakona i vangani lava va nga eka nhlayo leyintsongo. Ntlawa wa Xikwembu minkarhi hinkwayo yi va nhlayo leyintsongo. Wa vona? “Mi nga chavi nchumu, vanhu lava—lava ntsongo, i ku rhandza ka Tatana ku mi nyika Mfumo.” Wa vona? Va swi khoma. Xikwembu xa boheka ku va rhumela eka dinominexini yin’wana na yin’wana, xileriso xin’wana na xin’wana hinkwako, ku Ri vona, loko va hlawuleriwele eVuton’wini.

¹²⁷ Langutani eka Simiyoni wa khale, loyi a nga hlawuleriwela eVuton’wini. Loko Mesiya a ta etempeleni, hi xivumbeko xa n’wana emavokweni ya manana wa yena; Simiyoni, endzhaku ekamareni kun’wana, a ri eku hlayeni. Moya lowo Kwetsima wu n’wi pfuxile, hikuva a rindzerile. Vutomi lebyi a byi ri eka yena. Ú teri, “Ndzi ngaka ndzi nga fi ku kondza ndzi vona Hosi Kreste.” Nakona a ku ri na Hosi Kreste a tempeleni. Moya lowo Kwetsima wu n’wi fambisile kusuka entirhwensi wa yena, a huma, kutani a famba lahaya a fika a tlakula n’wana ya loye, kutani a ku, “Tshika—tshika nandza wa Wena a famba hi ku rhula, hikuva mahlo ya mina ya vonile ku ponisa ka Yena.”

¹²⁸ A kuri na mukhegula wa khale la nga voniki a khoneni, hi vito ra Anna, loyi a tirhela Hosi nhlikanhi na vusiku. Nakambe a ri eku bvumbheni, kutani a ku, “Mesiya u le kuteni. Ndzi nga ha N’wi vona loko a ta.” Hambi swi ri tano, a ri bofu. Hi nkarhi walowo, loko A ha ri kwalahaya... Vutomi byebyo byintsongo lebyi a byi ri endzeni ka yena, lebyi a byi ri eku bvumbheni, “Byi tava kwalahaya! Byi tava kwalahaya! Byi tava kwalahaya!” Kutani, Vutomi byebyo byin’we, Layiti yi nghanile endzeni ka muako, hi xivumbeko xa N’wana, tani “hi n’wana loyi a nga hungukiwa,” a phutseriwele hi swiambalo swa Yena swa malakani, a ta hi muako. Kutani Moya lowo Kwetsima wu ba wansati wa khale wa bofu, nakona u tise hi Moya, wu n’wi yisa evanhwini, a fika a yima emahlweni ka N’wana loyi; a katekisa manana a tlhela a katekisa N’wana, niku vula yumundzuku bya Yena. Wa vona, a hlawuleriwela eVuton’wini! Wa vona?

¹²⁹ Va languteni, ku hava na khume mbirhi wa vona. Ku vile mimoya ya nhungu ntsena leyi yi nga ponisiwa hi siku ra Nowa, hi ku tika swinene, handle ka lava a va hlawuleriwile eVuton'wini hi nkarhi walowo. Ma swi vona leswaku Moya lowo Kwetsima wu tirha njhani eka nguva yin'wana na yin'wana, wu tshuneta vanhu.

¹³⁰ Sweswi hi kuma leswaku ripfumelo ra Muxe ri n'wi endle leswaku a vona leswi swi nga tava xiswona, ku ngari leswi a swi ri kona. A languta mundzuku ematshan'wini ya namunlha. A languta xitshembhiso ematshan'wini ya leswo koka mahlo. A languta vanhu ematshan'wini ya nhlangano. Wa vona? Xikwembu xi swi endlile sweswo.

¹³¹ Lot a nga vona leswo koka mahlo swi humelela ehansi eEgipta, kumbe ehansi eSodoma. Lot a nga ha vona ku endleka ka—ka...ka vunyingi bya—bya mali. Lot a nga ha vona ku hume—...ku endleka ka loko a languta a Sodoma nakona kumbexani a nga hava....Kuva a ri Muheveru, a nga hava munhu lonkulu kwalahaya, hikuva a ri xivumbeko xa xidyondzeki lexikulu, na ntukulu wa Abraham, swingaleswi u hlawurile kuya eSodoma. Vutlharhi bya Lot byi n'wi yisile a ya vona vuloyi bya—bya ku humelela. Vutlharhi bya Lot byi n'wi rhangerile kuya vona minkateko ya—ya vuloyi. Kambe, ripfumelo ra yena a ri limarile ha swona, a nga wu vonanga ndzilo lowu a wu ya eku loviseni ka vutomi byo kotisa byebyo.

¹³² Kutani ya leyo hi yona ndlela leyi vanhu va nga xiswona namunlha. Va vona ku endleka ka ku nghena eka nhlangano lowukulu, va vona ku endleka ka kuva na ku titoloveta na ku yima na vanhu va doroba, a va ku voni ku endleka....A va swivoni ku limala ka ripfumelo ra vona. Mi nge ndzi vuyelerisa sweswo leswaku swi ngari leswi swi nga twisisekiki. Vavasati namunlha, vona, tani hilaha ndzi vulaka, va lava ku—va lava ku va na maendlelo yo kotisa switlangi swa timuvhi. Vavanuna namunlha va lava kuva na maendlelo ya va tikhomedu va thelevhixini.

¹³³ Vachumayeri namunlha va tikomba va lava ku endla tikereke ta vona ku kotisa tilonji ta masiku lawa ta maendlelo man'wana, vuxirho na kuya emahlweni. Va vonile ku endleka kumbexani ka kuva bishopo kumbe muangameri lonkulu, kumbe swin'wana swo kotisa sweswo, loko va nga famba kun'we na kereke; va tshika Matsalwa, loko Ya pavalarile emahlweni ka vona, hi ku tiyisisa ka matimba ka vumbhoni bya Matimba ya Xikwembu, ni hi Rito ra Xikwembu leri ri hanyaka evanhwini. Hambi swi ri tano, a va Ri lavi. Va ri, "A hi swilavi ku hlanganana na swin'wana swo kotisa Sweswo." Yi ta teka khadi ra yena ra xinakulobye. Yi ta teka xileriso xa dinominexini ya vona. Hambi swi ri tano i vanhu vo tshembheka, tani hi Lot,

a tshama ehansi a Sodoma, a ri karhi a switiva leswaku sweswo swi hoxekile. Wa vona? Wa vona? Va endla yini loko va endla sweswo? Va ti limata ripfumelo rintsongo leri va nga na rona. Swi ngaka swi nga tirhi.

¹³⁴ Sweswi, Muxe u pfule ndlela ya sweswo, kutani a tshama...ripfumelo ra yena ri limatile misava.

¹³⁵ Nkarhi wun'wana ripfumelo ra wena ri nga limata vuloyi, kumbe nkarhi wun'wana vuloyi byi nga limata ripfumelo ra wena. Sweswi, u nga ha teka rin'we kumbe lexin'wana. Nakona wa swi vona Bibele a yi ncinci. Xikwembu a xi ncinci. Hi Xona Xikwembu lexi nga ncinceku.

¹³⁶ Kutani sweswi hi kuma leswaku, namuntlha, leswaku vanhu va namuntlha, wa vona, va languta eka swilo leswikulu, nhlangano lowukulu. "Ndzi nghena yo *Ngere-ngere*." Wa vona? Nakona va rhelela ehansi lahay, nakona, langutani, a kuna ku hambana eka vanhu va xitarata. Ku hava swilo swin'wana. Va na swin'wana swintsongo swa vutlharhi, ni kuya emahlweni. Loko u vulavula hi ku hanyisiwa ka Matimba, ku nga Langavi ra Ndzilo, ku nga Layiti ya Xikwembu, va ri, "Sweswo i ku nhlangana nhloko."

¹³⁷ Munhu u tekile xifaniso xa Ntsumi ya Hosi, siku rin'wana, muministara wa Baptist, kutani a Xi hleka. Wa vona, sweswo—sweswo i ku sandza. Wa vona? Ku hava ku rivaleriwa eka sweswo.

¹³⁸ Sweswo hi leswi Yesu a nga swivula, wa vona. I sandzu; loko u Ri vona ri endla mintirho ya liya Kreste a nga yi endla. Kutani A ku...Loko, va yi vonile mintirho ya leyo eka Kreste, a ri Yena Gandzelo, nakona va n'wi vitanile "Beelzebub, javulosi," hikuva, hikuva Yena a ri eku swi endleni. Nakona sweswi va ri...U teri, "Ndza mi rivalela eka swona. Kambe loko Moya lowo Kwetsima wu ta wu ta endla swo fana, loko u nga vula rito ro lwisana na Wona, u ngaka u nga rivaleriwi eka swona, eka misava leyi kumbe eka misava leyi yi nga tata." Wa vona? Ntsena rito rin'we hinkwaro leri u nga rivulaka ro lwisana na Wona. Wa vona? Kutani...

¹³⁹ Hikuva, loko Vutomi byebyo, loko u hlawuleriwile eka Vutomi lebyi byi nga Heriki, kutani Vutomi byebyo byi ta buluka byi ya emahlweni loko u Byi vona. U ta Byi tiva, ku kotisa wansati lontsongo axihlobyen, na—na van'wana vo hambanana. Kambe loko swi ngari kona lahay, swi nga ka swi ngati eka Vutomi, hikuva ku hava nchumu lahay, lexi xi nga taka na swona eka Vutomi. Tani hi manana wa mina wa khale a tolreveleke ku vula leswaku, "A wu nge yi kumi ngati leyi yi humaka eka rhanga," hikuva ku hava ngati eka rona. Sweswi, sweswo swa ha fana.

¹⁴⁰ Nakona swi limata ripfumelo rintsongo leri mi nga na rona. Lot a nga ha kota ku vona salamusí, kambe a nga va nga na ripfumelo leri ri eneleke ro vona ndzilo walowo lowu wu nga lovisaka vuloyi byo kotisa byebyo.

¹⁴¹ Ndzi nga hlamala loko hi ngava na kona namuntlhá? Ndzi nga hlamala loko hina, kunene, ku kotisa vavasati lava va lavaka ku duma, lava va lavaka kuva na maendlelo yo—yo kotisa vavasati hinkwavo a kerekene, loko va swivona leswaku va lava ku—ku va na maendlelo yo kotisa lavan'wana. Va—va nga ha kota ku vona ku tirheka ka kuva mbhurhi ya—ya—ya wansati, hi ku tipenda-penda. Va nga ha vona mbhurhi ya wansati hikuva a languteka a ri lontsongo, hi ku kerha misisi ya vona nikuva na maendlelo yo kotisa lavan'wana, kumbe xitlangi xa timuvhi. Ndza hlamala loko sweswo swi nga limati ripfumelo ra vona, ku tiva leswaku Bibebe yi vula sweswo, "wansati loyi a swi endlaka sweswo i wans—... i wansati loyi a nga xiximekiki," nakona, "wansati loyi a ambalaka nguvu yo kotisa ya wanuna, u endla manyala emahlweni ka Xikwembu," swileke, na kuya emahlweni, na swokoma leswi va swi ambalaka. Nakona—nakona ntsena swi va swo tiya swo oma kufikela laha swi vaka kujikajika ka ntoloveló ka vanhu kuva va swi endla. Ndza hlamala loko va nga limati ripfumelo rintsongo leri mi nga na rona, hambi kuri kuya ekerekeni, ma swi vona. Walowo i nchumu lowu swi wu endlaka.

¹⁴² Lot u swi endlile sweswo, nakona swi n'wi limatile, swi tlhela swi limata vanhu va yena lava va nga lahaya. A va swi kotanga ku swivona.

¹⁴³ Kambe Abraham, hi ri—ri ripfumelo leri ri tiyisisiweke, malume wa yena, a nga langutanga eka vuloyi, a nga lavanga nchumu lexi a nga xi endlaka ha swona, hambi leswi a fanele ku hanya ku vava na ku tihanyela yena hi yexe. Nakona Sarah u hanyile emananga laha a kuri na mafambelo yo tika, eka misava ya mhika. Kambe a va kalanga va vona vuloyi kumbe ku endleka ka kuva na ndhuma.

¹⁴⁴ Sarah, mbhurhi ya wansati hakanyingi a tikweni, Bibebe yi vule tano. A lulamile, ku lulama eka vavasati hinkwavo. Nakona sweswi u tshamile a tlhela a yingisela nuna wa yena, hambi kuri ku n'wi vitana "hosí" ya yena, loyi Bibebe yi kongomisaka eka yena, swi ye swi ya tshama eka—eka Testamente leyí Ntshwa; yi ku, "Mi nga vanhwana va vona, ntsena loko mi yingisela ripfumelo." Wa vona, u vitane nuna wa yena leswaku "hosí."

¹⁴⁵ Kutani Ntsumi ya Hosi yi endzerile tempele ya vona na... kumbe xitendani xa vona lexi xi nga lahaya, yi va byela. A va kalanga vava na yindlu yo hanya eka yona; a va hanya ematikweni ya mhika. Na n'wina kwalaho mi nga kona. Ma ri vona siku ri encenyeta swa le ndzhaku nakambe, ntsena ku kotisa hilaha a swi ri hakona?

¹⁴⁶ Sweswi, Muxe na ripfumelo ra yena lerikulu, nakambe, a nga ha vula leswaku “ee” eka swilo swa sweswi swa misava ya sweswi, kutani a endla ku hlawula loku ku lulameke. U hlawurile ku xaniseka hi ku karhateka na vanhu va Xikwembu. U hlawurile ku famba na swona. Hikokwalaho ka yini? Ripfumelo ra yena! U vonile xitshembhiso. U vonile nkarhi wa makumu. U vonile endzeni ka mundzuku, kutani a chucha ripfumelo ra yena. Nakona a nga vanga na mhaka eka leswi mahlo ya yena a ya swivona eka leswi swi kotekaka lahawani, ka leswaku a ri faro nakona u tava faro. U langute ku ya fika eka mundzuku.

¹⁴⁷ Oho, ntsena loko vanhu va nga swi endla sweswo, a va yi vonanga misava ya sweswi. Loko mi nga languta eka misava ya sweswi, u ti hlawulela ha yona. Pfalani mahlo ya n’wina eka sweswo, kutani mi languta eka xitshembhiso xa Xikwembu, eka swa mundzuku.

¹⁴⁸ Hi ripfumelo ra yena a nga ha hlawula. U kale a hlawula ku vitaniwa hi n’wana wa Abraham, kutani a ala ku vitaniwa leswaku i n’wana wa Faro. Swi nga endlekisa ku yini leswaku yena, loko mfumo hinkwawo... Egupta ri xupurile misava hi nkharisa. A ri hosi ya misava, nakona a ri wanuna lontsongo wa mune wa makume wa malembe hi vukhale, lahawani u tilulamiserile ku teka xiluvelo. Kambe a nga kalanga a languta eka vutlha-...

¹⁴⁹ Langutani eka vavasati lava va nga ha vaka va pavalarile ku rhendzeleka hi yena, siku na siku, va “harems” va vona. Va languta vuloyi; va tshama va nwa wayeni, niku hlalela ku hluvula loku a kuri emahlweni ka vona, tani hiloko va ha cina, niku n’wi bela moya hi... Na vavasati kusuka eka misava hinkwayo, na maribye ya nkoka na rifuwo, na vuthu ra yena leri nga lahaya. Nchumu lowu a nga wu endlaka ntsena i ku tshama a dya swakudya swa yena swa kahle, a ku, “Rhumelani... rhumelani vuthu ra xidorobani xa nambara ya *swingere-ngere* ehansi eka *swingere-ngere*, ri ya teka tiko lero. Ndzi pfumela leswaku ndza ri lava.” Sweswo hi swona hinkwaswo leswi a faneleke ku swi tiva. Ku tshama lahaya, kutani va n’wi bela moya, nakona a tshama a pfule nomo wa yena; a pfumelela wo—wo rhandzeka, muhluvuli langa saseka wa siku lero, a chela wayeni enon’weni wa yena, va n’wi dyisa swakudya na mavoko ya vona lawa ya nga n’wi vukarha, vavasati hinkwavo vo saseka ngopfu a misaveni. Hinkwabyo vuloyi lebyi a byi ri kona, a byi pavalarile kwalahaya etlhelo ka yena.

¹⁵⁰ Kambe u endlile yini xana? U langute ekule a suka eka sweswo. A switiva leswaku ndzilo wu kona nakona wu tilulamisele sweswo. A switiva leswaku rifu ri pavalarile ka ntla walowo. Wa vona? A switiva leswaku a kuri swona. Kutani u langutile eka ntawa wo sandza na vanhu lava va nga ariwa,

nakona hi ripfumelo u hlawurile ku hluphekela ku sandziwa ka Kreste, kutani a tititana yena hi yexe leswaku, “Ndzi n’wana wa Abraham. A ndzi n’wana wa yena faro loyi. Hambi mi nga ndzi endla bishopo, kumbe mudiyakoni, kumbe bishopo lonkulu, kumbe pope, a ndzi n’wana wa swona swilo leswi. Ndzi n’wana wa Abraham, nakona ndza tiava eka swilo swa misava.” Amen, amen, na amen! Hi ripfumelo, ri swi endlile!

¹⁵¹ U susile salamusi ri ya ekule. U tekile ku koteka ka kuva bishopo loyi a taka, u tekile ku-ku koteka ka kuva bishopo lonkulu, kumbe eka muangameri lonkulu loyi a landzelaka eka nhlawulo lowu wu landzelaka, kumbe leswi swi nga vaka xiswona, u swi susile sweswo. U arile ku swi languta.

¹⁵² “Sweswi, loko ndzi ngava bishopo, ndzi nga nghena kutani vanhu va ku, ‘Fada wo Kwetsima,’ kumbe—kumbe ‘Dokodela *Swingere-ngere*,’ kumbe—kumbe—kumbe—kumbe ‘Nkulukumba *Swingere-ngere*.’ Hilaha va nga ta endla hakona, hinkwavo vaministara a nhlenglestanwini, a va ta ndzi bambetela enhlanini, va ku, ‘Va ku, jaha, munhu ya loye u na swin’wana, ndza mi byela. Oho, sh-sh-sh, miyelani, hi loyi wa ta bishopo, wa vona. Leswi a nga ta swi vula, i nawu. Wa vona, lahawani ku ta *Swingere-ngere*.’” Vanhu va ta hahela emisaveni...va ya vona pope, va tlhela va khisa nkondo na ti rhingi, na kuya emahlweni. Njhani, hi leswi swi kotekaka eka Khatholiki, hi leswi swi kotekaka eka Protestant, kuva bishopo kumbe muangameri lonkulu, kumbe swin’wana, munhu un’wana lonkulu eka nhlangano.

¹⁵³ Ku languta, hambi swi ri tano, kambe, ma swi vona, tihlo ra ripfumelo ri languta ehenhla ka sweswo. Nakona u vona emakun’wini ya swona ehansi lahaya, laha, Xikwembu xi vulaka leswaku nchumu hinkwawo wu ta lovisiwa. Ripfumelo, tihlo lero ra gama, ri mi tlakusela ehenhla ka sweswo, nakona u vona vumundzuku, ku ngari namuntlha, kutani a hlawula ku vitaniwa n’wana wa Abraham.

¹⁵⁴ Faro, hi ku pfumala ripfumelo, u vonile vana va Xikwembu tani hi “vabayizani.” Va ngari na ripfumelo, u va endlile mahlonga hikuva a nga chavi leswi a swi vula. A nga xi chavi Xikwembu. A ehleketa leswaku hi yena xikwembu nyana. A ehleketa hi—hi swikwembu swa yena leswi a swi tirhela, leswaku yena a ri bishopo, a ri murhangeri wa muangameri lonkulu, swikwembu swa yena hi swin’wana leswi swi nga swi endla. “Ku ri hava nchumu eka Nchumu *lahawani*,” swingaleswi u va endlile mahlonga. U va hlekile, a va endla xihlekisi. Ntsena tani hilaha vanhu va swi endlaka namuntlha, swa fanana hakunene.

¹⁵⁵ Ripfumelo ra Muxe ri va vonile etikweni ra xitshembhiso, vanhu lava va nga katekisiwa. Ku nga hava kuri ku lwa loku kulu ku va kuma leswaku va ya etikweni ra xitshembhiso,

kambe Muxe u hlawurile ku famba na vona. Hilaha ndzi nga swi andlalaka hakona eka sweswo, kambe nkarhi wa mina wa famba. Wa vona?

¹⁵⁶ Lemukani, swi nga hava swi ri leswi swi tikaka ku jikisa vanhu lava. "U fanele ku famba u ya hanya na vona, u fanele kuva un'wana wa vona, nakona khale va ri va vutlhahri ngopfu laha u nga taka u nga va susi. Wa vona? Kambe ku fanele kuva na swin'wana swi humelelaka kwalahaya. Ku fanele kuva na ku kombisiwa ka leswi swi nga ehandle ka ntumbuluko emahlwemi ka vona. Swi tava swi ri nchumu wo tika. Minhlangano yi ta mi tekela ehansi, nakona hinkwaswo swilo leswi swi ta humelela. Swa—swa chavisa, leswi u nga ta swi endla, kambe hambi swi ri tano tihawuleli hi wexe."

¹⁵⁷ "Ndzi un'wana wa vona." Ina. Ripfumelo ra yena ri swi endlile. Ripfumelo ra yena ri tlwebile. Ina, nkulukumba. U swi vonile. A wu ri nchumu lowu a wu tika ku va nghenisa eka xitshembhiso xexo, kambe u tekile ku hlawula ka yena ka ku famba na vona, hi ndlela yin'wana. Swingari na mhaka ni leswaku va n'wi endlele yini, ni leswaku va nga n'wi tekela ehansi, u fambile hi ndlela yin'wana. U humile na vona.

¹⁵⁸ Sweswi ndzi tshembha leswaku mi le ku hlayeni. Hi swona. A famba na vona, hi ndlela yin'wana. A ti endla, un'wana wa vona, hi swona sweswo, hikuva i nfanelo ya wena. Ku nga hava kuri nyimpi yo tika, na swotala ku famba na swona, kambe va famba hi ndlela yin'wana.

¹⁵⁹ Kambe ripfumelo ra yena ri n'wi endle leswaku a teka ku hlawula Rito, nakona ku ngari vuloyi. U tekile Rito. Sweswo hi leswi ripfumelo ra Muxe ri nga swi endla. Loko ripfumelo ri languta lexi xi biheke ngopfu xa Xikwembu... Tsundzukani, lahwani a kuri na salamusi sweswi, ra misava, ra le henhla-henhla, hosi ya misava. Nakona xi le kwihi xitshembhiso xa Xikwembu xana? Enkeleni wa ridaka, vapfuvu va ridaka.

¹⁶⁰ Kambe loko ripfumelo, loko ripfumelo ri languta eka leswi swi biheke ngopfu swa Xikwembu, swi tshembha vukulu bya swona ni kuva na nkoka ngopfu kutlula leswi misava yi nga swi kombisaka. Ina, nkulukumba. Loko ripfumelo ri swi languta, loko ripfumelo ri nga swi vona, loko ripfumelo leri ri nga eRitweni ri nga ha vona Rito ri kombisiwa, swi va swi tlula vuloyi hinkwabyo na vubishopo na hinkwaswo leswi u nga vulavulaka ha swona. Ripfumelo ra swi endla. Wa vona? U nga ha vona leswi swi biheke ngopfu, ku nyenya, ku ariwa, leswi swi nga ha vaka swona; a swive leswi swi nga biha ngopfu swa swona, nakona hambi swi ri tano ripfumelo ri ta tshembhela leswaku ku ringana miliyoni wa timayili ku ya ehenhla kutlula leswi misava yi nga swi endlaka swo antswa. Amen! Hi yona ndlela leyi hi yimbelelaka risimu lero, "Ndzi ta teka ndlela ni lavantsongo va Hosi lava va sandziwaka." Wa vona? Oho, mina!

¹⁶¹ Hikuva, ma swi vona, ripfumelo ri vona leswi Xikwembu xi swi lavaka xi nga swi endla. Oho, ndzi tshembha leswaku swa nghena. Ripfumelo a ri languti eka nkarhi wa sweswo. Ripfumelo a ri swivoni leswi swi nga *lahawani*. Ripfumelo ri languta ri vona leswi Xikwembu xi swi lavaka, nakona ri tirha kuya hi rona. Sweswo hi leswi ripfumelo ri swi endlaka. Ri vona leswi Xikwembu xi swi lavaka, ni leswi Xikwembu xi swi lavaka leswaku swi endliya, nakona ripfumelo ri tirha ha sweswo.

¹⁶² Ripfumelo i xivono xa rixaka ro leha. A ri kali ri yisa ehansi mavonelo ya rona. Ri khomelela eka leswi ri nga kongomisa kona. Amen! Muduvuli un'wana na un'wana wa kahle wa switiva sweswo. Wa vona? Leswaku, i vunavi byo leha. Ri—ri theleskopi. Ri bayinokhula, rero a wu kali u languta *lahawani*. A wu kali u teka bayinokhula ku languta u vona nkarhi leswaku i nkarhi muni; wa vona, a wu kali u swi tirhisa sweswo. Kambe mi tirhisa tibayinokhula ku languta ekule.

¹⁶³ Nakona ripfumelo ra swi endla sweswo. Ripfumelo ri teka tibayinokhula ta Xikwembu, havumbirhi bya vona, ha matlhelio mambirhi, ya Testamente leyi Ntshwa na ya Khale, a vona xitsembhiso xin'wana na xin'wana lexi Xi nga xi endla. Nakona ripfumelo ri swivona swi ri halahaya, nakona ripfumelo ri hlawula sweswo swi ngari na mhaka ni leswaku kuri yini hi nkarhi wa sweswi *lahawani*. U languta emakun'wini. A nga kali a hoxa ku vona ka yena ehansi leswaku a languta hi ndlela *leyi*. U languta halahaya. U hlayisa misisi yo songana yi va leyi yi feleke exikarhi ka Rito. Sweswo hi leswi ripfumelo ri swi endlaka. Rero i ripfumelo leri ri nga evanhwini leri ri swi endlaka swilo leswi.

¹⁶⁴ Sweswi langutani. Leswi Faro a nga swivula, ku swi vitana, leswi Faro a nga swi vula *vukahle*, Xikwembu xi swi vule "manyala!" Faro a nga hava a teri, "Langutani, Muxé, lahawani, hikokwalaho ka yini, u faro loyi a landzelaka. Ndzi—ndzi ku nyika nhonga ya vuhosu loko ndzi suka lahawani. Ndzi ta ku nyika nhonga leyi ya vuhosu. I ya wena. Wa vona? Sweswi, leswi swi kahle. U tava munhu wa kahle, Muxé. U tava bishopo. U tava *leswi, sweswo, kumbe swin'wana*. U nga hi tshiki. U tshama lahawani." Kambe, ma swi vona, u vule *vukahle* byebyo, kutani Xikwembu xi ku i "manyala!"

¹⁶⁵ Sweswi, n'wina vavasati ehleketa nyana swintsongo, swingaleswi, n'wina vanhu. Leswi misava yi swi vulaka *swakahle*, Xikwembu xi swi vula "thyaka." A yi vulanga Bibeleswaku, "I manyala eka wansati ku ambala nguvu leyi yi yelenaka na ya wanuna xana"? Nakona u ehleketa leswaku u tlharihile loko u swi endla. Wa vona? Wo va ntsena eku kombiseni ka nyama ya xisati eka javulosi, nakona hi swona hinkwaswo sweswo. Swingaleswi, mi nga swi endla.

¹⁶⁶ Na n'wina vavanuna lava mi salaka endzhaku swilo swa misava, va swi endla nhulu va tlhela va swi funengeta leswi! Nakona n'wina vavanuna a mi na ntshamiseko lowu wu eneleke wa n'wina wo endla vavasati van'wina na swin'wana leswaku va tshika ku swi endla, ma nyumisa! Mi tlhela mi ti vitana vana va Xikwembu? Swi languteka swi fana na vusodoma eka mina. Wa vona? Ku ngari ku mi vavisa, kambe ku mi byela Ntiyiso. Rirhandzu ra lulamisa. Ri tano minkarhi hinkwayo. Manana a nge swikoti ku hlayisa n'wana wa yena, ku n'wi lulamisa niku n'wi phakata, ku n'wi endla a va na mhaka, a swi talanga eka manana ku swi endla. Hi swona sweswo.

¹⁶⁷ Sweswi, nakona langutani leswi swi tekaka ndhawu sweswi. Muxe u swivonile leswi, hi xivono xa yena. Kutani Faro u vule leswaku, “*Leswi swi kahle.*” Xikwembu xi teri, “I manyala.” Swingaleswi Xikwembu... Muxe u hlawule leswi Xikwembu xi nga swi vula.

¹⁶⁸ Sweswi, lemukani, ripfumelo ri vona leswi Xikwembu xi mi lavaka leswaku mi swi vona. Wa vona? Ripfumelo ri vona leswi Xikwembu xi swi vonaka.

¹⁶⁹ Ni ku kanela na ku swi yingisela leswi misava yi mi lavaka ku swi vona. Lemukani ku kanela, “Hikokwalaho ka yini, kova ntsena switwi swa yumunhu. Ntsena i ku-ku kanela leswaku leswi... Kunene, *leswi* ntsena a swi kahle xana?” Wa vona? Sweswo hi swona hakunene, loko u tirhisa switwi leswi swi hambanaka na Rito, wa vona, kutani sweswo hi leswi misava yi mi lavaka leswaku mi swi vona.

¹⁷⁰ Kambe ripfumelo a ri languti eka sweswo. Ripfumelo ri languta leswi Xikwembu xi nga swi vula. Wa vona? Ma swi tiva, mi cukumetela ehansi ku kanela ka n'wina.

¹⁷¹ Ku kanela, xitwi xo kanela, xi vona leswi misava yi mi lavaka leswaku mi xi vona, dinominexini leyikulu. Kunene, u Mukreste xana? “Oho, ndzi—ndzi Mupresbyterian, Methodist, Lutheran, na Pentecostal, na tin'wana to tala. Ndzi wa *leyi*, ya *leyo*, kumbe *yin'wana*.” Wa vona, leswaku, sweswo i switwi. “Ndzi nghena eka kereke yo sungula, ma swi vona. Oho, ndzi Mukhatholiki. Ndzi—ndzi wa *leyi*, ya *leyo*.” Wa vona, u vula sweswo. Sweswi, leswaku, sweswo swo va switwi. U tsakela ku vula sweswo hikuva i dinominexini, swin'wana leswikulu. “Kunene, hi—hi—hi na timembara to tala, ku tshirelala, ku tlula kereke *yin'wana* na *yin'wana* *leyi* nga emisaveni, wa vona. Hina...”

¹⁷² Kambe kuna Kereke *yin'we* ntsena ya ntiyiso, nakona a wu Yi joyini. U tswaleriwela eka Yona. Wa vona? Nakona loko u tswaleriwile eka Yona, Xikwembu lexi xi hanyaka xa tirha xona N'winyi ha n'wina, ni kuva xi titivisa xona N'winyi. Wa vona? Kwalaho hilaha Xikwembu xi tshamaka kona, endzeni ka Kereke ya Xona. Xikwembu xi ya eKerekeni masiku

hinkwawo, ntsena xi hanya eKerekeni. Xi hanya endzeni ka yona. Mi Kereke ya Xona. Mi Kereke ya Xona. Mi Tabernakele leyi Xikwembu xi tshamaka endzeni ka n'wina. Mi Kereke ya Xikwembu lexi xi hanyaka, n'wina. Nakona loko Xikwembu lexi xi hanyaka eka xivumbiwa xa Xona lexi xi hanyaka, kutani maendlelo ya n'wina ya tava ya ri ya Xikwembu; loko swi ngari tano, kutani Xikwembu a xi kona lahaya. Xi ngaka xi nga mi pfumeleli mi va na maendlelo yo kotisa ya lawa, loko Xi ku a Ritweni lahawani, hi ntsalo wa Xona wa wasi, "Mi nga swi endli," nakona mi ya mi ya swi endla. Wa vona, sweswo swi hoxekile. Loko u swi tsan'wa, kutani sweswo swi kombisa leswaku Vutomi a byi kona hambi kuva kona eka n'wina. Wa vona? Hi swona sweswo.

¹⁷³ Ripfumelo ri fambisile Muxe eka ndlela yo yingisela. Lemukani, Muxe u endle... Ku na Faro lontsongo, ku na Muxe lontsongo, havumbirhi bya vona na nkateko. Muxe u vonile ku sandziwa hi vanhu, kutani a swi hlayela rifuwo lerikulu kutlula hinkwaro leri Egupta a ri ri na rona. Nakona yena, u rhangerile hi ripfumelo, u landzelerile leswi ripfumelo ra yena a ri swivula eRitweni, nakona ri n'wi fambisile eka ndlela yo yingisela, nakona a ku heteleleni a ya eku Kwetsimeni, ku hundza, ku ngari ku fa, eVukoneni bya Xikwembu. Ku vona na switwi, ku rhangela, na vuloyi, ku rhangerile Faro kuya eka rifu ra yena, na ku lovisiwa ka Egupta, tiko ra yena, nakona a ri kalanga ri tlhela ri vuya kusukela kwalaho.

¹⁷⁴ Kwalaho mi nga kona. Loko mi languta eka *leswi*, ma fa. Mi languta eka Sweswo, ma hanya. Sweswi endla ku hlawula ka wena. Walowo i nchumu wun'we ni lowu Xikwembu xi nga wu veka emahlweni ka Adam na Evha, eNtangeni wa Eden. Wa vona? Hi ripfumelo, u boheka ku ti hlawulela.

¹⁷⁵ Sweswi lemukani, ku vona ku fambisile Faro kuya eka rifu ra yena, na ku lovisiwa ka doroba ra yena.

¹⁷⁶ Muxe, hi ripfumelo ra yena, a nga kalanga a n'wi chava Faro. Wa vona? A nga va nga na mhaka ni leswi Faro a swi vula. A ngari na mhaka ha Faro, a kuri hava lexi xi tlulaka manana wa yena na papa wa yena ni kuva a ri na mhaka na rito ro songela ra vona. Loko Muxe a tava a tiyisisile eka yena, nakona a ri yena munhu Ya loye loyi a nga ntshuxa Egupta... kumbe ku rhangela Israel ku huma eEgupta, a nga va nga na mhaka ni leswi Faro a nga swivula. Nakona a nga n'wi chavi. Amen, amen, amen! Ma swi vona leswi ndzi swi vulaka xana? [Nhlegetano yi ku, "Amen."—Muhleri.]

¹⁷⁷ Ku hava ku chava eka ripfumelo. Ripfumelo ra switiva. Ripfumelo, tani hilaha minkarhi hinkwayo ndzi swivulaka, ri na tinhampfana ta kahle letikulu, na ringhala a xifiveni. Ripfumelo ri teri, "Miyela!" nakona un'wana na un'wana u miyerile. Hi swona hinkwaswo. "Ndzi tiva laha ndzi nga kona!"

Votala va vona vari, “Kunene, sweswi, nkarhi wun’wana wa swi endla.” Wa vona?

¹⁷⁸ Kambe u ta fanela ku yima u kombisa tinhlampfana ta yena. Hi swona hinkwaswo. Ripfumelo ra swi endla.

¹⁷⁹ Lemukani, Muxe a nga ha n’wi chavanga Faro endzhaku kaloko Xikwembu xi tava xi tiyisisile ku vitana ka yena. Loko Muxe a tava a pfumerile leswaku u vitaneriwela sweswo, kambe loko Xikwembu xi tava xi n’wi byerile lahaya leswaku, “Swi tano,” nakona xi xikela ehansi xi fika xi ti kombisa emahlweni ka Faro, na hinkwavo ka vona, leswaku u rhumeriwe ku swi endla, Muxe a nga kalanga a n’wi chava Faro.

¹⁸⁰ Lemukani, Faro u tirhisile vutlharhi bya yena eka Muxe, hambi swi ri tano. Langutani. U teri, “Ndzi ta ku byela leswaku, ndzi—ndzi ta endla ntwanano na wena.” Endzhaku kaloko makhombo ya tava ya n’wi dyile, u teri, “Ndzi ta endla ntwanano na wena. Ntsena famba u ya gandzela nyana, masiku manharhu. Ntsena yana emahlweni, nakona u ngayi emahlweni.” Kambe, wa swi tiva, ku... Sweswo a kuri switwi swa Faro swi n’wi byeleke sweswo, wa vona, “Ntsena yana emahlweni, nakona u nga ha yi emahlweni ngopfu.”

¹⁸¹ Xana hi hava maendlelo ya lawa namuntlha xana? “Loko ntsena mi joyina kereke, sweswo hi swona hakunene.”

¹⁸² Kambe, ma swi tiva, ripfumelo leri Muxe a ri na rona a nga pfumelanga eka “ku ya emahlweni” ka vukhongeri. U teri, “Hinkwerhu ha famba. Ha famba hi ndlela hinkwayo. Hi swona sweswo. Hi ya etikweni ra xitshebbiso. Ntsena a hi humi lahawani hi ya endla dinominexini, kutani hi yima. Hi ya emahlweni.” Amen. “Ndzi ya emahlweni eka tiko ra xitshebbiso. Xikwembu xi hi tshembhisile.”

¹⁸³ Hi na va Faro vangani lava hi nga na vona namuntlha lava va yimaka a phulphitini, tinhloko teto ta minhlangano! “Sweswi, loko ntsena u nga endla *leswi* na ku endla *sweswo*, sweswo hi swona hinkwaswo. Kunene, wa vona, ntsena ku ya emahlweni.”

Kambe Muxe u teri, “Oho, ee! Ee, ee! Ee, ee!” Wa vona?

¹⁸⁴ Faro u teri, “Kunene, hikokwalahok ka yini swi ngavi tano? Loko hi leswaku u ya ekiveni na muxaka wa vukhongeri lebyi, ndzi ta ku byela leswi u nga ta swi endla, ntsena wena na vakulukumba fambani mi ya gandzela, wa vona. Wena ntsena na vakulukumba fambani mi ya gandzela. Hikuva, hinkwavo mi nga hava na wona muxaka walowo wa vukhongeri, kambe u nga byi yisi evanhwini.”

¹⁸⁵ Mi tiva leswi Muxe a nga swivula? “A ku nga sali hambi kuri xinondwana xinene. Ha famba a ndleleni. Hinkwerhu hi le ku fambeni! A ndzi fambi handle kaloko va nga famba. Kutani, ntsena loko ndza ha ri lahawani, ndzi le mavokweni ya wena.”

Amen. “A ndzi fambi handle kaloko va nga famba na vona, nakona hi swona sweswo.” Oho, a ri nandza wa kahle njhani! Amen. “Ndzi lava ku famba na vona. Ntsena hikuva ndzi na vona, nakona ndzi tshama ehansi ndzi ku, ‘Kunene, sweswi, *leswi* swi lulamile?’ Ee, nkulukumba. Ha va lava vanhu, na vona. Un’wana na un’wana wa hina wa famba.” Amen. U teri, “A hi nge fambi hi siya hambi kuri ku siya nyimpfu yin’we, kumbe swin’wana, endzhaku. A ku ngevi na xinondwana xi nga ta sala. Hinkwerhu hi ya etikweni ra xitshembhiso.” Amen!

¹⁸⁶ “Un’wana na un’wana wa hina! Hambi u nsati wa muti, kumbe hambi u—u mutirhi nyana, kumbe u mukhegula, kumbe wanuna lontsongo, kumbe mukhalabya, kumbe leswi mi nga xiswona, ha famba, hi ndlela yin’wana. Ku hava na un’we wa hina a nga ta sala.” Amen. “Un’wana na un’wana wa hina u le ku fambeni, nakona a hi nge yimeli leswi nga riki nchumu.” Hi swona. Mina! Vukhongeri bya vona byi le ka mphikizano wo vulavula kwalahaya, a swi ngari swona xana? Oho, mina!

¹⁸⁷ Ee, Muxe a nga pfumeli eka leswi swi nga lahawani “ntsena ku ya emahlweni” na vukhongeri. Ee, a nga pfumeli eka sweswo. Haa. Ina, nkulukumba. Oho, mina!

¹⁸⁸ Hi nga ha tshama siku hinkwaro eka sweswo, kambe ndzi fanele ku tlhelela eka nhloko-mhaka ya mina ku ngari khale ni ya sungula ku chumayela.

¹⁸⁹ Lemukani, lemukani leswi, swi saseke njhani! Oho, ndza swi rhandza leswi. Ma swi tiva, ekuheteleleni, Faro u teri, “Humani!” Xikwembu ntsena xi n’wi bile hi khombo, hi rito ra Muxe. U bile hinkwaswo. U endlile hinkwaswo lahaya leswi swi fanelaka ku endliya. U yimisile... u enhlisile dyambu ehansi, hi nkarhi wa le xikarhi wa siku. U endlile hinkwaswo. U—u ntimisile masiku. U tisile swidula, madzedze, tinhwala, hinkwaswo, ndzilo, musi, na rifu emindyangwini ya yena, na hinkwaswo. U endlile hinkwaswo ku fikela, ekuheteleleni, Faro a kala a ku, “Humani! Tekani hinkwaswo leswi mi nga na swona, mi famba.” Oho, mina! A ku dzunisiwe Xikwembu!

¹⁹⁰ Ndzi tsakile swinene loko munhu hi ku hetiseka a nga tirhela Xikwembu ku fikela laha yena, javulosi, a nga ha swi tiveku leswaku u ta endla yini ha yena. Hi swona sweswo. Ntsena ku yingisela Xikwembu hi ku hetiseka ku fikela laha javulosi a nge, “Oho, mina, fambela ekule! A ndza—ndza ha lavi ku swi twa nakambe.” Hi swona sweswo. Mi nga ha swi endla, hi ku hetiseka.

¹⁹¹ Ma swi vona sweswi, loko-loko Xikwembu a xi nga n’wi seketelanga Muxe, kutani a tava rimhandzi leri hlekisaka. Kambe Xikwembu a xi ri kona kwalahaya, xi ri karhi xi tiyisisa. Hinkwaswo leswi a swi vulaka, a swi humelela.

¹⁹² Nakona Faro a fanele ku khomelela eka xiyimo xa yena, hikuva a ri bishopo, ma swi tiva, swingaleswi a—a fanele ku

tshama kwalahaya. A ngaka a nga ali. A nga ta vula leswaku ee, hikuva khale swi ri ekuhumeleleni. Wa vona? A nga ta swi—a nga ta swikota ku swi ala, hikuva a swi ri ekuhumeleleni. Swingaleswi ekuheteleleni u teri, “Oho, ntsena huma! A ndza ha lavi ku ku yingisela nakambe. Huma lahawani! Teka hinkwaswo leswi u nga na swona, u famba!” Oho, mina!

¹⁹³ Sweswi hi kuma Muxe, lahawani, endzhaku kaloko Xikwembu xi n’wi endlele swo tala, ni kuva xi n’wi kombile masingita yo tala na swihlamariso. Sweswi, eka timinetse leti landzeleka ta khume ntlhanu, a hi vekeni leswi lahawani. Nakona hi languta swinene. Muxe u fikile endhawini leyi laha . . .

¹⁹⁴ Xikwembu xi teri, “Ndzi na wena. Marito ya wena i Rito ra Mina. Ndzi ku khorwisile rona, Muxe. Wena, loko kuri hava tinhongana a tikweni, a swi va swi ri ehandle ka nguva, nakona u teri, ‘Lahaya a ku ti tinhongana,’ nakona lahaya ku ta tinhongana.” Sweswo i ku tumbuluxa. I mani a nga tisaka munyama emisaveni, handle ka Xikwembu? Xi teri, “‘A kuve na munyama lahaya,’ nakona lahaya a kuri na munyama. U teri, ‘Lahaya a kuve na swidula,’” nakona swidula swi kumeka hambi kuri endlwini ya Faro, amibedweni, kutani va hlengeleta va swivunga hi tinhulu letikulu. Mutumbuluxi! “Nakona Ndzi vulavurile ha wena, Muxe, ni—ni ku endla Rito ra Mina ri tumbuluxa ha milomo ya wena. Ndzi ku endlile u va xikwembu emahlweni ka Faro.” Ina, nkulukumba. “Ndzi swi endlile hinkwaswo leswi.”

¹⁹⁵ Kutani lahawani va fikile endhawini, xindzingwana xi nghena, kutani Muxe a sungula ku rila, “Xana ndzi ta endla yini?”

¹⁹⁶ Ndzi mi lava leswaku mi lemuka. Leyi i dyondzo leyikulu leyi yi nga lahawani. Ndza swi rhandza leswi, wa vona. Wa vona, Muxe, loko hi hlaya lahawani, leswaku Mu . . . Loko, vana va sungula ku kumeka va chava, va vonile Faro a ta hi le ndzhaku, eka ntila wa nfanelo.

¹⁹⁷ Xikwembu xi endlile hinkwaswo hi ku hetiseka. Sweswi Xi va sungurisile erendzweni ra vona. Xi hlanganisile kereke kun’we. Va vitaniwile va huma. Va tile va huma eka tidinominexini hinkwato. Hinkwavo va hlengeletana kun’we. Muxe u tlhelerile endzhaku lahaya, a ku, “Hosi, xana ndzi boheka ku endla yini?”

¹⁹⁸ A Xi ta ku, “Kunene, famba u ya endla *leswi*.” Hi swona, yana emahlweni. “Sweswi, Muxe, wa swi tiva leswaku Ndzi ku vitanile ku ta swi endla leswi.”

“Ina, Hosi.”

¹⁹⁹ “Hi swona, famba u ya vula *leswi*, nakona swi tava tano,” lahawani ku ta tinhongana. “Vula *leswi*,” nakona lahawani swi ta. “Endla *leswi*,” lahawani swi ta. Hinkwaswo a swi

ri LESWI HOSI YI SWI VULAKA, LESWI HOSI YI SWI VULAKA, LESWI HOSI YI SWI VULAKA! Sweswi u kumeka a ri ekhombyeni . . .

²⁰⁰ Nakona Xikwembu xi teri, "Sweswi Ndzi va sungurise rendzo ra vona. Hinkwavo va humile. Kereke yi kun'we, swingaleswi Ndzi na vona erendzweni. Sweswi, Muxe, va yise emahlwени. Ndzi ku byerile. Ndzi ya eku tshameni nyana ehansi ndzi wisa nyana."

²⁰¹ Muxe a ku, "O Hosi, languta va ta, hi loyi Faro a taka! Vanhu hinkwavo va . . . Xana ndzi boheka ku endla yini? Xana ndzi boheka ku endla yini?" Wa ku vona lahaya, a hi swona swivumbiwa leswiya xana? Ina, nkulukumba. A sungula ku rila, "Xana ndzi ta endla yini mino?"

²⁰² Lahawani hi vona Muxe hi ku hlamusela, ku hetiseka ka ntumbuluko wa ximunhu, minkarhi hinkwayo wu lava Xikwembu leswaku xi wu sala hi le ndzhaku niku ku sukumetela eka swin'wana. Sweswi, kwalaho hi hina namunthha. Mi lava Xikwembu, endzhaku kaloko hi vonile hinkwaswo leswi hi nga swi vona, hambi swi ri tano mi lava Xikwembu leswaku xi mi susumetela eka swin'wana. Wa vona?

²⁰³ Muxe ntsena u lo tikokela moyo, a ku, "Xikwembu, ndzi ta Ku kombela, Wa swi vona leswi U swi vulaka. Ina, ina, wa swi vula. Kunene, hi swona, ndzi ta swivula, na mina." Wa vona?

²⁰⁴ Kambe lahawani Xikwembu xi n'wi hlawulele ntirho, xi khorwisa leswaku a Xi ri na yena. Nakona hi loyi lahawani, swiyimo swi nghena, kutani a sungula ku rila, "Xana ndzi nga endla yini? Hosi, xana ndzi nga endla yini?"

²⁰⁵ Sweswi ma swi tsundzuka, khale a profetile lahawani, hikuva u teri, "Vaegipta lava mi va vonaka namunthha, a mi nge he pfuki mi va vonile." Kutani xikan'we-kan'we u sungula ku huwelela, "Xikwembu, xana hi nga endla yini?" Wa vona? Endzhaku kaloko a endlile ntirho wo saseka wa kahle hi ku profeta kwalahaya. Ma swi vona, u va byerile leswi swi nga ta humelela. Loko Rito ra Xikwembu ri ri eka yena, a Ri ri eka yena. Kutani loko a ha swivula sweswo, kahlekahele swi vuye swi humelela. Leswi a nga swivula khale a swi ya ekuhumeleleni, kutani lahawani wa rila, "Xana ndzi ta endla yini xana?"

²⁰⁶ Oho, loko sweswo swi ngari swivumbiwa swa ximunhu! Loko ya loye a ngari mina! Loko ya loye a ngari mina! Wa vona?

²⁰⁷ Khale Xi swi khorwisile, "Leswaku leswi u nga ta swivula swi ta humelela. Ndzi na wena."

²⁰⁸ Kutani hi lexi xiyimo xi pfukaka hi xinkadyana. "Xana ndzi boheka ku endla yini? Xana ndzi boheka ku endla yini, Hosi? Heyi, Hosi, xana U le kwihi? Heyi, xana Wa ndzi twa xana? Xana ndzi boheka ku endla yini?" Nakona khale Xi

n'wi hlawurile, xi tlhela xi n'wi tiyisisa hi vumbhoni, niku khorwisa niku tirha hinkwaswo ha yena. Kutani lahawani, "Xikwembu?" Oho, mina! Nhlamuselo yo hetiseka, munhu u lava ku wisa kutani a pfumelela Xikwembu xi sukumeta.

²⁰⁹ Kutani, hambi swi ri tano, a switiva leswaku Xikwembu xi n'wi totile eka ntirho lowu, ku swi endla leswi, nakona Xikwembu erivaleni xi tiyisisile minkoxo ya yena. A kuri nkarhi wa vanhu leswaku va ntshuxiwa. Xikwembu, hi mahlori ya yena na swihlariso, swi va hlengeletile kun'we eka ntlawa wun'we. Ma ndzi landzelela xana? [Nhlengeletano yi ku, "Amen."—Muhleri.] Xi va hlengeleta kun'we hinkwavo eka ntlawa wun'we, xi tiyisisa minkoxo ya yena. Matsalwa ya vula tano; lahawani a kuri na sayini, lahawani a kuri na vumbhoni lahawani, hinkwaswo leswi a nga swivula. Kutani u ta exikarhini ka vona tani hi muprefeta. Masiku hinkwawo, leswi a swi vula, Xikwembu a xi swi xixima, hambi kuri ku yumba niku tisa tinhongana, ni ku swi humelerisa swilo leswi. Ni hinkwaswo leswi Xi nga n'wi tshembhisa swona, lahawani Xa swi endla.

²¹⁰ Kambe u lavile ku rindzela eka LESWI HOSI YI SWI VULAKA. Wa vona? A fanele a switivile leswaku ku tiyisisa kwaloko ka ku vitana ka yena a kuri ka LESWI HOSI YI SWI VULAKA. Ntirho wa yena lowu a nga hlawuleriwela wona a kuri LESWI HOSI YI SWI VULAKA. Ma swi kuma xana? [Nhlengeletano yi ku, "Amen."—Muhleri.] Ham! Hikokwalaho ka yini a rindzela LESWI HOSI YI SWI VULAKA?

²¹¹ U lave, "Hosi, xana ndzi nga endla yini? Lahawani ndzi tisile vana va humaka lahawani, ekule loku. Hi lexi xiyimo, Faro wa ta. Hinkwavo va ya ekufeni. Xana ndzi boheka ku endla yini? Xana ndzi boheka ku endla yini?" Ham! Ham!

²¹² Khale a bvumbhile leswi va nga ta swi endla. Khale a virile leswi hakunene, swi nga ta endleka. U bvumbhile makumu ya tiko rin'wana na rin'wana leri a ngari nghenisa. Ndzi tshembha leswaku ma swi twisisa. [Nhlengeletano yi ku, "Amen."—Muhleri.] Wa vona? Muxe khale a teri, "A mi nge he va voni nakambe. Xikwembu xi ya eku va loviseni. Va mi hundzule xihlekiso nkarhi wo leha ku ringanelia. Xikwembu xi tava lovisa." Khale a bvumbhile leswi swi nga ta va humeleta.

²¹³ Kutani, "Hosi, xana ndzi boheka ku endla yini?" Ma wu vona ntumbuluko wa ximunhu lahaya? Wa vona? "Xana ndzi boheka ku endla yini? Ndzi ya yimela LESWI HOSI YI SWI VULAKA." Ina, nkulukumba. "Ndzi ta vona leswi Hosi yi swi vulaka, kutani ndzi ta swi endla." Huu!

²¹⁴ Tsundzukani, a kuri na faro loyi a nga kurisiwa loyi a nga n'wi tivi Yosefa, ma swi tiva, hi nkarhi walowo, kona hi nkarhi walowo. Wa vona? Wa vona? Kutani Muxe u tlakukile a bvumbha makumu ya tiko lero.

²¹⁵ Nakona hi loyi u le tindhawini leti a ti fanele swi humeleta kona, kutani wa rila, “Xana ndzi boheka ku endla yini, Hosi? Xana ndzi boheka ku endla yini?” Wa vona? A hi swona swivumbiwa swa ximunhu sweswo xana? A hi wona walowo ntsena ntumbuluko wa ximunhu? “Xana ndzi nga endla yini?” Huu!

²¹⁶ Khale, a profetile. Xikwembu xi xiximile hinkwaswo leswi a swi vula, nakona u vitaneriwele ntirho, swingaleswi hikokwalaho ka yini a fanele ku vula leswaku, “Xana ndzi boheka ku endla yini?” A kuri na xilaveko; a swi ri eka yena ku vulavula hi swona. Xikwembu xi lavile Muxe ku vekela nyiko ya leyo ya ripfumelo, leyi Xi nga n’wi nyika, ku tirha ha yona. Xikwembu xi yi tiyisisile. A yi ri ya Ntiyiso. Nakona Xikwembu xi lavile Muxe, xi lavile vanhu va swivona leswaku Xi na Muxe.

²¹⁷ Kutani yena, endzhaku lahaya, u rindzerile, a ku, “Sweswi, Hosi, ndzo va n’wana. Wena ndzi byeli sweswi.”

“Ina, ndzi taya ndzi ya swi endla *leswi*. Ndzi na LESWI HOSI YI SWI VULAKA.”

“Makwerhu, hi swona LESWI HOSI YI SWI VULAKA?”

²¹⁸ “Ina, ina,” Makwerhu Muxe, “sweswo hi LESWI HOSI YI SWI VULAKA. Ina.”

²¹⁹ “Hi swona, hi na swona sweswi, LESWI HOSI YI SWI VULAKA.” Nakona swi humelerile. A swi se tshama swi tsandzeka na kan’we. A swi se tshama swi tsandzeka.

²²⁰ Kutani lahwani swi le ka swiyimo, swa ta nakambe. Sweswi Xi na yena erendzweni. Kereke khale yi humesiwile yi vitaniwile, xi na vona erendzweni, nakona va le ku fambeni. Hiloko Muxe a sungula ku rila, “Hosi, hi swona LESWI HOSI YI SWI VULAKA xana? Xana ndzi boheka ku endla yini?” Hi swona.

²²¹ Xikwembu xi lavile Muxe leswaku a va na ripfumelo, leri Xi ngari nghenisa, eka nyiko leyi Xi nga yi tiyisisa hi—hi ku yi veka erivaleni. Xikwembu xi khorwisile Muxe na vanhu erivaleni leswaku hi Xona, hi Rito na hi swilo leswi xi nga swivula swi humeleta. Swi tivisiwe kahle erivaleni. A ku nga ha ri na xivangelo xo vilela eka yena nakambe ha swona. Wa vona? A ku nga ha ri naku ehleketa eka yena hi swin’wana swa swona, hikuva khale swi basisiwile. Khale a swi endlile swilo leswi. Nakona khale a swi khorwisile, hi tinhongani na madzedze, leswaku u vula swilo leswi swi tumbuluxiwaka, leswaku Rito ra Xikwembu a ri ri eka yena.

²²² Swingaleswi lahwani u ya eku vutiseni ni leswi a fanelaka ku swi endla, loko swiyimo swi ri emahlweni ka yena. Wa vona? Oho, mina!

²²³ Ndzi pfumela leswaku leswi swi ta swi hi kongomile, nakona hi nga ha swivona laha hi nga kona. Wa vona? Xana a swi mi endlili mi titwisa hi vukulu *byebyo* xana?

[Nhlengeletano yi ku, “Amen.”—Muhleri.] Loko hi ehleketa ha Muxe loko a vula milandzu ya yena, ni kuva hi languta eka hina. Ina. Wa vona?

²²⁴ Lahawani a ri kona, a yimile lahaya, wa vona, a ri karhi a switiva leswaku Matsalwa ya vule leswaku a kuri awara na siku ra swona leswaku swi humelela, ni ku tiva leswaku Xikwembu xi hlanganile na yena hi Langavi ra Ndzilo. Nakona Ri rhelerile ehansi emahlweni ya vanhu ri ya endla mahlori lawa. Ni hinkwaswo leswi a nga swi endla, swi humelerile, hambi kuri ku tisa swilo eka ku tumbuluxa. Ku endla swilo leswi swi nga endliwaka hi Xikwembu ntsena, ku kombisa leswaku rito ra yena a ri ri Rito ra Xikwembu.

²²⁵ Kutani lahawani hi lexi xiyimo xi nga na vanhu valava lava xi nga va kurisa, kuva yisa etikweni ra xitshembhiso, kutani loko a yimile, a rila, “Xana ndzi boheka ku endla yini?” Xexo i xivumbiwa xa ximunhu, u lava ntsena...

²²⁶ Tani hi Makwerhu Roy Slaughter, ndzi pfumela leswaku u tshamile ehandle enyangweni lahaya, u ndzi byerile nkarhi wun’wana, hi un’wana loyi a endlaka swin’wana eka mina. Kutani ndzi ku, “Kunene, ndzi endle *leswi*, nakona sweswi hi sweswo.”

²²⁷ U teri, “Makwerhu Branham, va pfumelele va tiseketela ekatleni ra wena namuntlha, kutani mundzuku wa va longisa.” Nakona yaleyo ntsena hi yona ndlela leyi swivumbiwa swa ximunhu swi nga xiswona. Tiseketele eka katla ra n’wina namuntlha, kutani mundzuku u va longisa.

²²⁸ Hi swona sweswo, sweswo hi leswi Muxe a ri eku swi endleni. Xikwembu a xi fanele ku n’wi longisa endzhaku kaloko Xi tava xi n’wi hlawurile niku swi khorwisa ku swi endla. Nakona vanhu a va fanele va teri, “Muxe, vula rito. Ndzi ku vonile u swi endla *lahaya*. Xikwembu xi ku xiximile lahaya, nakona wa ha ri ya luya namuntlha.” Amen. Wa vona? “Swi endli!” Amen. A fanele a switivile, kambe a nga swi tivanga. Hi swona. Ntsena tani hilaha a swi ri hakona emasunguleni, swingaleswi swi tano na sweswi. Hi kuma, sweswo. Swingaleswi Xi teri, “Mu....”

²²⁹ Xikwembu xi nga hava xi swi kume ku ringana. Xikwembu xi nga hava xi phamerile eka swona. Xi ku, “Xana u rilela yini eka Mina? Xana a Ndzi ti khorwisanga hi kuva Ndzi titivisa xana? Xana a Ndzi ku byelanga leswaku ndzi ku rhumele ntirho xana? Xana a Ndzi ku byelanga leswaku famba u ya swi endla leswi xana? Xana a Ndzi tshembhisanga leswaku Ndzi ta endla leswi xana; leswaku Ndzi tava na nomo wa wena, nakona Ndzi ta vulavula ha wena Ndzi tlhela ndzi endla leswi, nakona u ta kombisa masingita na mahlori? Xana a Ndzi swi tshembhisanga ku swi endla xana? Xana a Ndzi swi endlisanga xiswona, niku lovisa nala un’wana na un’wana loyi

a nga ekusuhi na wena? Nakona lahawani u yimile lahawani sweswi, a Lwandle ro Tshwuka, eka ntila wa nfanelo, leswi Ndzi nga ku byela ku swi endla, hambi swi ri tano u le ku huweleleni na ku Ndzi rilela. Xana a wu Ndzi pfumeli xana? Xana a wu switivi leswaku Ndzi ku rhumile leswaku u ya swi endla leswi?" Oho, loko xexo xi ngari xivumbiwa xa ximunhu! Mina! Swi nga ha endleka ntsena Xi ri phamele kahle ku saseka eka swona.

²³⁰ Hiloko Xi ku, "Wa switiva leswaku u na xilaveko xa swona. Wa switiva leswaku loko u ya eku tekeni ka vana lava u va yisa etikweni ra xitshembhiso. Sweswo hi swona. U parakiwe lahawani a khoneni. Ku hava leswi u nga swi endlaka. Swingaleswi ku na xilaveko. U rilela yini eka Mina? U Ndzi langutela leswaku ndzi endla yini? U huwelela yini eka Mina? Xana a Ndzi swi khorwisanga evanhwini xana? Xana a Ndzi swi khorwisanga eka wena xana? Xana a Ndzi swi vitananga xana? Xana a swi le Matsalweni xana? Xana a Ndzi tshembhisanga ku teka vanhu lava va ya etikweni lero xana? Xana a Ndzi ku vitananga Ndzi ku byela leswaku ndzi ta swi endla? Xana a Ndzi ku vitananga nikuvula leswaku Ndza ku rhuma leswaku u ya swi endla, kwalaho a ku ngari wena, a kuri Mina? Nakona ndzi rhelela nakona Ndzi tava na milomo ya wena, kutani hinkwaswo leswi u nga ta swi vula, Ndzi ta swi tiyisisa nikuvula khorwisa. Xana a Ndzi swi endlanga xana?"

²³¹ "Kutani, loko xin'wana xintsongo xi humelela, hikokwalaho ka yini u va na maendlelo ya n'wana? U fanele ku va wanuna. Vulavula na vanhu," amen, "kutani famba u ya emahlweni!" Amen. Kwalaho u nga kona. "U nga rili. Vulavula!" Amen. Oho, ndza swi rhandza sweswo. "Xana u rilela yini eka Mina? Ntsena vulavula na vanhu kutani u ya emahlweni na mavonelo ya wena. Hambi ku ngava yini, loko ku ri vuvabyi, kumbe leswi swi nga vaka swona, ku pfuxa vafi, kumbe leswi swi nga vaka xiswona, vulavula! Ndzi swi khorwisile. Vulavula na vanhu."

²³² I dyondzo ya njhani! I dyondzo ya njhani, oho, mina, eka xiyimo lexi xa rendzo laha hi nga yima kona. Langutani laha hi nga kona sweswi, ina, nkulukumba, eka ku Koka ra Vunharhu. Lemukani, hi lahawani enyangweni, wa ku Vuya ka Hosi.

²³³ A ri na ntoto wa ntirho, nakona hambi swi ri tano u rindzerile LESWI HOSI YI SWI VULAKA. Xikwembu xi nga hava xi kume leswi ringaneke swa swona. Xi ku, "U nga ha rili nakambe. Vulavula! Ndza ku rhuma."

²³⁴ O Xikwembu, leswi Kereke leyi yi fanelaka kuva xiswona mixo lowu! Na ku tiyisisa ka Xikwembu loku ku hetisekeke, na Langavi ra Ndzilo na masingita na swihlamariso, hinkwaswo ntsena ku kotisa emasikwini ya Sodoma. Xi teri swi ta tlhela swi vuya nakambe.

²³⁵ Lahawani hi leyi misava eka xiyimo xexiya. Hi leriya tiko ri nga eka xiyimo xa rona. Lahaya ku na vavasati eka xiyimo. Lahaya ku na vanhu eka xiyimo. Lahaya kuna kereke eka xiyimo. Lahaya ku na hinkwaswo. Tielemente, tisayini, tisosara leti ti hahaka na hinkwaswo leswi swi nga eswibakabakeni, na hinkwayo minxaka ya swihundla leswi hlamarisaka, kutani lwandle ra duma-duma, magandlati ya nhloto wa lwandle, timbilu ta vanhu ta hluleka, hi ku chava, ku soha-soha ka nkarhi, ku ntshikeleleka exikarhi ka matiko, kereke ya wa.

²³⁶ Kutani wanuna wa vudyoho a pfuka, loyi a ti tlakuselaka ehenhla ka hinkwaswo hi yexe; loyi a vuriwa Xikwembu, loyi a tshamiseke etempeleni leyi ya Xikwembu, a tikombisa hi yexe, oho, mina, nakona u tile eka tiko leri. Nakona kereke yi ti kondleterile, na hinkwavo ka vona va hlengeletanile kun'we, tani hi swioswi eka muoswi, kutani hinkwaswo swile ndlele ni ya vuboboyila bya muoswi.

²³⁷ Vuboboyila bya muoswi, xana i yini? Ku byela vavasati leswaku va nga ha kerha misisi ya vona, ku byela vavasati leswaku va nga ha ambala swo koma, u byela vavanuna leswaku va nga ha endla *leswi* ni kuva va endla *sвесwo*; na swichumayeri, va swi endla *leswi*, na evhangeli yo tolloveleka na swin'wana. A mi swi voni xana, i ku endla vuoswi na Rito ra ntiyiso ra Xikwembu!

²³⁸ Nakona Xikwembu xi hi rhumerile Rito ra ntiyiso ra Xona, leri ri ngariki ra xidinominexini, ku hava swinari leswi swi nga bohiwa eka Rona, kutani xi hi nyika Langavi ra Ndzilo, Moya lowo Kwetsima lowu wu ngava na hina ku ringana makume nharhu wa malembe. Na hinkwaswo leswi Xi nga swi bvumbha niku swi vula, swi humelele hi ndlela leyi Xi nga swi vurisa xiswona.

²³⁹ Vulavula na vanhu, kutani mi ya emahlweni. Amen. Hi na mavonelo, ya lawa i ku Kwetsima. A hi yeni eka Rona. Hi kongomile eTikweni ra xitshembhiso. "Hinkwaswo swa koteka eka vona lava pfumelaka." "Vulavula na vanhu. Xana a Ndzi swi khorwisanga. Xana a Ndzi kalanga ndzi va na xifaniso xa Mina lexi xi nga endliwa exikarhini xa n'wina, na hinkwaswo, ni ku endla hinkwaswo leswi swi nga endlekaka, ku khorwisa leswaku Ndzi na n'wina xana? Xana timagazini, eka mavhiki mantsongo lawa ya nga hundza, va vekerile atikili, loko u vurile lahawani a phulphitini leswi swi nga ta teka ndhawu lahawani, kutani tinhweti tinharhu loko ti nga se fika, kutani lahaya swi ya swi ya teka ndhawu niku tiyisisa? Hambi kuri sayense ya switiva. Na hinkwaswo leswi ndzi nga swi endla, nakona wa ha languterile. Vulavula na vanhu kutani u ya emahlweni na mavonelo ya wena." Amen.

²⁴⁰ Xana Nathan a nga n'wi byelanga Davida? Nathan, wa muprofeta, nkarhi wun'wana loko a tshamile, loko a vona

Davida hosi ya ntoto, a ku, "Endla hinkwaswo leswi swi nga embilwini ya wena, hikuva Xikwembu xi na wena." A byela Davida, "Ku endla hinkwaswo leswi swi nga embilwini ya wena. Xikwembu xi na wena."

²⁴¹ Yoxuwa a ri na ntoto wo tekela Xikwembu na vanhu va yena tiko. Siku a ri komile. U lavile nkarhi wo engetela eka ntirho lowu a toteriwe wona niku lerisiwa ku wu endla. Yoxuwa, munhu, a ri na ntoto. Xikwembu xi n'wi byerile, "Tani hilaha a Ndzi ri na Muxe, Ndzi tava na wena." Amen. "Tiko lero, Ndzi ya eku va nyikeni rona. Nakona Ndzi ku lava u ya lahaya u ya basisa va Amaleke, na-na va Het-... Hinkwavo—hinkwavo lavan'wana, Vafilista na-na Vaperiziti, na hinkwavo ka vona hi ku hambanana, va basise. Ndzi na wena. Ndzi... Ku hava munhu loyi a nga ta yima emahlweni ka wena, hinkwawo masiku ya vutomi bya wena. Ku hava munhu loyi a nga ta ku karhata. Famba u ya nghena kwalahaya."

Kutani Yoxuwa a humesa ripanga lero a ku, "Ndzi landzeni!"

²⁴² Kutani u kumekile kwalahaya, nakona lahawani a ri eku lwensi. Nakona a kuri yini? U hlaserile nala. A vari swintlawana *lahawani* na swintlawana *lahaya*. Loko nkarhi wa na vusiku wu fika, hinkwavo a va ta hlengeletana kun'we kutani va va vuthu rin'we, kutani va ta hi matimba lamakulu yo lwisana na yena. Kutani dyambu a ri pela. U lavile ku vonakala. Dyambu a ri pela. A nga khinsamanga hi matsolo ya yena a ku, "Hosi Xikwembu, xana ndzi nga endla yini? Xana ndzi nga endla yini?" U vulavurile! A ri na xilaveko. U teri, "Dyambu, yima u nga peli!" A nga kalanga a rilela nchumu. U lerisile leswaku, "Dyambu, yima u nga peli! Ndza ha ri na xilaveko eka leswi. Ndzi nandza wa Hosi, ndzi na ntoto wa ntirho lowu, nakona ndzi na xilaveko. Yima u nga peli, nakona u nga hatimi... Kutani, n'weti, mi nembelela laha mi nga kona," ku fikela a lwa nyimpi a heta a xupula nchumu hinkwawo wu wela ehansi. Na dyambu ri n'wi yingisile.

²⁴³ A nga rilanga. U lo vulavula na dyambu, a ku, "U yima u nga peli. Dyambu, nembelela kwalaho! Kutani, n'weti, u tshama laha u nga kona." A nga kalanga a rila a ku, "Hosi, sweswi ndzi nga endla yini? Ndzi nyike kuvonakala kun'wana ka dyambu." A ri na xilaveko xa ku vonakala ka dyambu, swingaleswi u ri lerisile, nakona dyambu ri n'wi yingisile. Oho, mina! U lerisile dyambu ku yima ri nga peli.

²⁴⁴ Samson, wa ntoto, u pfukile, a hlawuriwile hi Xikwembu, a nyikiwile nyiko ya matimba, a hlawuleriwile ku hlasela tiko ra Vafilista. A hlawuriwile, a tswariwa a misaveni, a totiwa hi Xikwembu, ku ta hlasela Vafilista. Kutani siku rin'wana va n'wi khomile a nsin'wini, a ri hava ripanga ra yena, a ri hava tlharhi. Kutani gidi ra Vafilista lava va nga hlova va n'wi

tsutsumela hi nkarhi wu ri wun'we. Xana u khinsamile a ku, "O Hosi, ndzi rindzerile xivono? O Hosi, xana ndzi boheka ku endla yini? Ndzi fambisi sweswi eka leswi ndzi fanelaka ku swi endla"? A switiva leswaku a ri na xivangelo. A nga kumanga nchumu handle ka rihlaya ra rhambu ra mbhongholo ra khale, kutani a ba gidi ra Vafilista va wela ehansi. Amen.

²⁴⁵ A nga kalanga a rilela Xikwembu. U tirhisile nyiko ya yena ya ntoto. A switiva leswaku u rhumeriwele ntirho. A swi tiva leswaku u tswaleriwele swona. A swi tiva leswaku u na ntoto wa nyiko, nakona u bile gidi ra Vafilista. A nga kalanga a rilela Xikwembu. Xikwembu xi n'wi hlawurile xi tlhela xi tiyisisa leswaku u tano, hi swilo swin'wana leswi a nga swi endla. Nakona a ri loyi a nga tiyisisiwa, nandza wa ntoto wa Xikwembu, wo hlasela Vafilista, nakona u swi endlile. Swi ngari na mhaka ni leswaku swiyimo swi njhani, u swi endlile. A nga kalanga a kombela nchumu. Walowo a wu ri ntirho wa yena. Leswaku, Xikwembu a xi tirha ha yena; a rhwalela rhambu rero ra mbhongholo a ya ba Vafilista. Hilaha....

²⁴⁶ Hikokwalaho ka yini, un'wana u swi hlanganise na nchumu walowo, ku rhendzeleka hi rin'we ra wona ku ringana inci na hafu wa swipalapala swo kotisa koporo, a tava a ntlhantlhile rhambu lero kuringana swiphemu swa miliyon. Nakona u bile gidi ra vona va wela ehansi, a va dlaya, hambi swi ri tano a va a ha yime na rona evokweni ra yena.

²⁴⁷ A nga kalanga a vutisa na swivutiso. A nga kalanga a rila. U lo vulavula. U va hlaserile. Oho, mina! "Ku teka Mufilista, xana ndzi nga va teka Vafilista, Hosi? Ndza—ndza switiva leswaku U ndzi rhumile ku ta swi endla, Hosi. Ina, Hosi, ndza switiva leswaku U ndzi rhumele ku ta hlasela tiko leri ra Vafilista. Sweswi lahawani, gidi ra vona ri ndzi rhendzerile, nakona a ndzi na nchumu. Yini, xana ndzi ta endla yini sweswi, Hosi?" Oho, mina! Ku hava lexi a xi ta n'wi karhata. A ri na ntoto wa ntirho. Ku hava lexi xi nga ta ku karhata. Ee, ku hava na nchumu. Haleluya! Ntsena u tekile lexi a ri na xona kutani a va ba. Hi swona sweswo.

²⁴⁸ Loko nala a n'wi rhendzerile, a ku, "Sweswi hi n'wi parake na makumbhi, hi n'wi kumile. Hi n'wi kumile endzeni lahawani na wansati loyi. Sweswi hi pfarile rivanti, hinkwako hi ku rhendzeleka, nakona a nga ta swikota ku huma. Hi n'wi kumile."

²⁴⁹ Samson a nga rilanga a ku, "O Hosi, va ndzi kumile va ndzi rhendzele va ndzi siya exikarhi hi dinominexini leyi." Huu! "A, xana ndzi ta endla yini? Ndzi joyinanile na vona. Xana ndzi ta endla yini?" A nga kalanga a swi endla sweswo.

²⁵⁰ Ntsena u lo huma, a koka gede, a yi veka emakatleni ya yena, a famba na yona. Amen! A ri na ntoto wa ntirho. A vitaniwile hi Xikwembu. Mi nga n'wi fensele endzeni. Ee,

hakunene-nene! U tekile tigede a famba na tona. A nga kalanga a swi khongelela. A nga kalanga a vutisa Xikwembu leswaku a nga swi endla kumbe a nga swi endli. A swi ri eka ntila wa nfanelo. Amen, amen, amen! Kona eka ntila wa nfanelo. “Hikokwalaho ka yini u Ndzi rilela? Vulavula, kutani u ya emahlweni!” Amen! “U nga rili. Vulavula!” U tshikile ku tiputa na ku pfikula sweswi. U fanele kuva lowa khale ku vulavula. Hi swona sweswo. A switiva leswaku nyiko ya yena ya ntoto wa matimba yi nga ha hlasela Mufilista un’wana na un’wana loyi a yimaka emahlweni ka yena. Amen.

²⁵¹ Kambe a hi switivi sweswo, ma swi vona. Ha ha ri vana lavantsongo, na bodelela leri ri nga emilon’weni ya hina.

²⁵² A swi tiva, a swi tiva leswaku Xikwembu xi n’wi kurisele xikongomelo xexo, nakona a kuri hava nchumu lexi a xi ta yima emahlweni ka yena, vutomi bya yena hinkwabyo. Ku hava lexi xi nga n’wi hlaselaka. A kuriseriwele hi xikongomelo xexo, tani hilaha Muxe a ri xiswona. A kuri hava lexi a xi ta n’wi yimisa. A kuri hava va Amaleke kumbe kuri hava nchumu lexi xi nga ta n’wi yimisa. A ri endleleni yo ya etikweni ra xitshembhiso. Samson a switiva leswaku a ri endleleni.

²⁵³ Yoxuwa a switiva leswaku u le ku tekeni ka tiko. A tiyisisiwile. Rito ra Xikwembu ri swi tshembhisile, nakona Moya lowo Kwetsima a wu ri kona ku swi tiyisisa.

²⁵⁴ A ri endleleni ya yena, swingaleswi a kuri hava lexi a xi ta yima endleleni ya yena. Ee, nkulukumba. Kona eka ntila wa nfanelo, na Xikwembu, a kuri hava lexi a xi ta yima endleleni ya yena. Swingaleswi ntsena u rhwarile tigede a tivekela emakatleni ya yena, leti ti tikaka kwalomu ka mune kumbe ntlhanu wa tithon, kutani a gonya xiganga na tona a fika a tshama ehenhla ka tona. Ku hava lexi a xi ta yima endleleni ya yena. A ri na nyiko leyi a totiwile yo huma eka Xikwembu. A nga ta fanela hi ku rila, “Hosi, xana ndzi boheka ku endla yini sweswi?” Khale a ri na ntoto wo swi endla. Sweswo a kuri LESWI HOSI YI SWI VULAKA, “Tirhana na vona!” Haleluya! “Tirhana na vona! Ndzi ku pfuxele swona.” Amen.

²⁵⁵ “Xana ndzi boheka ku endla yini, Hosi? Ah, xana ndzi ta endla yini lahwani a Lwandle ro Tshwuka?”

²⁵⁶ “Xana a Ndzi ku byelanga leswaku Ndzi ku nyikile ntshava tani hi sayini yo huma lahwani? U tlhelela eka ntshava ya leyo, nakona u ta teka vana lava kuya etikweni. Xana a Ndzi ku vitanelanga xikongomelo xexo xana? Xana u vilela yini hi leswi swi nga yima endleleni? Vulavula, kutani u sungula ku famba!” Amen na amen! “Ina, Ndzi ku vitanele xikongomelo lexi.”

²⁵⁷ Davida, a switiva leswaku u na ntoto, nakona a tiyisisiwile leswaku a va mubaleseli wa kahle. A switiva leswaku a va switiva leswaku hi yena mubaleseli wa kahle. Davida a ri na

ntoto. A switiva. Kutani loko a yima emahlweni ka Goliadi, a nga kalanga a rila a ku, “O Xikwembu, xana ndzi boheka ku endla yini sweswi? Yima, ndzi—ndzi nga... Ndza switiva leswi U nga swi endla nkarhi lowu wu nga hundza. U, U ndzi pfumelerile ndzi dlaya berhe, nakona U ndzi pfumelerile ndzi dlaya nghala. Kambe Goliadi loyi a nga lahaya yena ke?” Huu! A nga kalanga a swi endla sweswo. Ntsena u lo vulavula. Xana u te yini? “U ta kotisa leswi a va ri xiswona, emahlweni ya wena.” U vulavurile a ya emahlweni.

²⁵⁸ A nga kalanga a khongela xikhongelo. A nga kalanga a nyika nchumu. A switiva leswaku u na ntoto. Amen. A ri na ntoto, na xipelupelu lexi a ri na xona a xi khorwisa leswaku i nchumu wa kahle. A ri na ripfumelo leri a ri ri na ntoto. A ri na ripfumelo leri Xikwembu xi nga lerisaka ribye lero ri kongoma thwi exikarhi ka helmets lahaya, laha ndhawu yo kwetsima yi nga ha biwaka. A yimile kwalahaya.

²⁵⁹ A switiva leswaku i mubaleseli wa kahle. Amen. A switiva leswaku Xikwembu xi n’wi endlise xisweswo. Amen. A switiva leswaku u dlayile nghala, a switiva leswaku u dlayile berhe, kambe sweswo a swiri swa rifuwo ra tata wa yena wa laha misaveni. Lahawani hi leswi swa rifuwo ra Tatana wa yena wale Tilweni! Amen. A nga kalanga a ya ehansi, “Ku... Ndzi boheka ku endla yini sweswi, Hosi?” U vulavurile a ku, “U ta kotisa nghala na berhe, kutani lahawani ndza ta.” Amen! Ku kwetsima a kuve eka Xikwembu! Ina, nkulukumba. U vulavurile a tlhela a famba a ya hlangana na Goliadi loyi. Oho, mina!

²⁶⁰ Swingari na mhaka na sayizi ya yena! A ri lontsongo, nakulorhi loyi a languteka a nga hloniphi, ma swi tiva. A ngari lonkulu ngopfu. A ngari loyi a languteka a ri na mpohlo loko u n’wi languta, nakulorhi lontsongo wa maendlelo yo kokeka nyana. Bibele yi vule leswaku a nga hloniphi. Sweswi, swi nga ri na mhaka na sayizi ya yena na leswi swi vuriwaka ku kota ku endla swona.

²⁶¹ Ma switiva, bi—bi bishopo u n’wi byerile, a ku, “Sweswi languta lahaya, jaha, wanuna ya loye i wantivo-vukwembu. Wa vona, i mulwi. U tswarewi a ri mulwi nakona u... A ri mulwi, kusukela evunshweni bya yena; nakona a wu fambelani na yena.” Kutani vabuti wa yena va ku, “Oho, wo va wa mihipani. U ta lahawani u tela ku ta endla nchumu wo kotisa walowo, tlhelela ekaya.”

²⁶² Sweswo a swi kalanga swi n’wi karhata. Hikokwalo ka yini? A switiva leswaku a ri na ntoto. “Xikwembu lexi xi nga ndzi ntshuxa eka nghala ya leyo, Xikwembu lexi xi nga ndzi ntshuxa eka milomo ya leyo ya berhe, Xi tlula sweswo, xi ta ndzi ntshuxa eka Mufilista ya loye. Lahawani ndza ta. Ndzi hlangana na wena hi Vito ra Hosi Xikwembu xa Israel.” Amen. A nga kalanga a khongela; u khongele khale. Xikwembu xi

n'wi khongelele khale ku nga se va na masungulo ya misava. A ri na ntoto wa ntirho. A fanele ku vulavula ni kuya emahlweni. Sweswo hi swona hinkwaswo leswi a fanela ku swi endla, ntsena ku vulavula na kuya emahlweni. Oho, hi swona hinkwaswo sweswo leswi a swi ri eka yena. Oho! A nga kalanga . . .

²⁶³ Hi vabuti va yena va xidinominexini, vona va sandzi lava a va yimile lahaya, na vona, ma swi tiva. Oho, ina. A va yimile lahaya va ku, va ri karhi va sandza niku hleka, niku vula leswaku . . . Vabuti va yena, ma swi tiva, kutani va ku, "A, a, a, a, a wu nge swikoti. Wena, wo va wa mihipani." Sweswo a swi kalanga swi n'wi tshukunyisa na swintsongo. "U lava kuva loyi a hambaneke eka un'wana. Ntsena u lava ku kombisa." Loko sweswo kuri ku kombisa, a swi tava swi ri tano. Kambe ntsena a va langutile eka tlhelo ra vutlharhi.

²⁶⁴ Davida a switiva leswaku mafurha ya ntoto a ya ri eka yena. Amen. A swikalanga swi endla ku hambana eka yena. U teri, "Mufilista ya loye u ta kotisa berhe na nghala, swingaleswi lahawani ndza ta." U swi bvumbhile swi nga se humeleta. Xana u endlile yini? U dlayile berhe. U dlayile nghala. U wiserile nghala ehansi hi . . . Hi yini xana? Hi—hi xipelupelu, a teka mukwana, nale ka berhe. Nghala, u dlayile nghala hi mukwana. Walowo i nchumu wun'we lowu a nga wu endlela Goliadi. U n'wi wisele ehansi hi ribye, kutani a humesa ripanga ra yena, a n'wi tsema nhloko yi suka, kwalahaya emahlweni ka swona. Xana u bhumbe yini swi nga se humeleta xana? "Kutani u tava tani hilaha a va ri hakona." Hikokwalaho ka yini? U vulavurile rito leri a ri tava tano, kutani a ya emahlweni kuya ri endla leswaku ri hetiseka. Amen. Oho, makwerhu! U vulavurile, a tlhela a teka xiyimo xa siku lero.

²⁶⁵ Loko ku tshame kuva na nkarhi lowu munhu a nga vulavulaka, hi wona walowu. Hi ku pfala, ntsena timinetse nyana tintsongo loko hi leswaku mi nga yingisela nyana timinetse tintsongo nyana. Ndza ha ri na swilo swotala ndzi nga swi tsala ehansi lahawani, Matsalwa man'wana ndzi lavaka ku nghena eka wona.

²⁶⁶ Petro a nga kalanga a rila, loko a tava a kumile wanuna loyi a ri na ripfumelo leri ri eneleke kuva a hanyisiwa, a pavalarile enyangweni lowu va wu vitanaka ku Saseka. A nga kalanga a khizima a tlhela a va na xikhongelo xa siku hinkwabyo, nakona, kumbe xikhongelo xa siku hinkwaro, lexikulu, xikhongelo xo leha, kutani a ku, "Hosi, ndza khongela Wa switiva leswaku U ta pfuna wanuna loyi wa xisiwana wa xilema. Ndza swi vona leswaku u na ripfumelo. Ndza switiva leswaku i mupfumeri. Nakona ndzi n'wi vutisile, nakona u—u . . . Ndzi—ndzi—ndzi . . . U teri u na ripfumelo, u ta pfumela leswi ndzi nga n'wi byela swona. Nakona ndzi n'wi

byerile hi...hi leswi Wena u nga swi endla, nakona ntsena ndza—ndza ehleketa sweswi, Hosi, leswaku—leswaku...Xana U nga ndzi nyika LESWI HOSI YI SWI VULAKA eka yena?”

²⁶⁷ Ee, a switiva leswaku i muapostola wa ntoto. A switiva leswaku Yesu Kreste u n’wi lerisile. “Ku hanyisa vavabyi, ku pfuxa vafi, ku basisa va nhlokonho, ku hlongola madimona. Tani hilaha u nga nyikiwa mahala, nyika mahala.” U teri, “Petro, famba u ya swi endla sweswo!” A nga fanelanga ku khongela kuya emahlweni. A lerisiwile.

²⁶⁸ Xana u vule yini? U teri, “Hi Vito ra Yesu Kreste!” U virile Vito ra Yesu Kreste, kutani wanuna loyi a pavalarile lahaya. Hiloko a n’wi khoma hi voko a n’wi yimisa, kutani a ku, “Yima hi milenge ya wena!” Kutani u n’wi khomelerile kwalahaya ku fikela laha mahlanganisi ya yena ya marhambu ya kumaka ntamu, kutani a sungula ku famba. Hikokwalaho ka yini? A nga kalanga a va na xikhongelo xa vusiku hinkwabyo. A nga kalanga a rilela Xikwembu. A tiva ku hlamlula lokunene, loku ku humaka emilon’weni ya Yesu Kreste, a ri na ntoto wa ntirho lowu. Ina. U vulavurile a tlhela a n’wi yimisa, hikuva a switiva leswaku i muapostola loyi a nga na ntoto wa xikongomelo.

²⁶⁹ Vanhu lava a va pavalarile eka ndzhuti wa yena a va kalanga va ku, “Oho, tana, muapostola Petro, u ta hi rilela, u tlhela u hi khongelelela xikhongelo xa ripfumelo, eka Xikwembu.” Ee, ee, a va kalanga va vula sweswo. A va switiva leswaku u na ntoto a tlhela a va muapostola wa Xikwembu loyi a nga tiyisisiwa. Swingaleswi va teri, “Ntsena a hi pavalaleti eka ndzhuti wa yena. A wu fanelanga u vula rito. Ha swi tiva. Ha swi pfumela.” Vutomi lebyi byi nga endzeni ka vona! Muapostola a nga ta swikota ku va fikelela hinkwavo ka vona. Kutani vona, hi vox, va xiphemu xa swona.

²⁷⁰ Muxe u teri, “Ntsena a hi mina ndzi fambaka. Hinkwerhu hi le ku fambeni.” Hinkwerhu hi na leswi hi nga swi endlaka. Hinkwerhu hi fanele ku va na ntoto.

²⁷¹ Nakona va vonile muapostola a yimile lahaya, kutani va n’wi vona loko a hanyisa wanuna loyi a vabya niku endla swilo leswi a nga swi endla. A va switiva leswaku a nge va fikeleli. A ku, a va kalanga va ku, “Petro, tana u—u ta nyika xikhongelo, nakona u rindzela ku kondza u kuma LESWI HOSI YI SWI VULAKA, kutani u ta u ta ndzi byela. U vona leswi Hosi yi swi vulaka.” Va teri, “Loko ntsena hi nga tshama endzhutini wa yena, hikuva Xikwembu xexiya lexi a xi ri eka Yesu Kreste xi le ka yena, kutani hi vona swo fana leswi swi endliwaka. Swingaleswi va khumbhile makumu ya nguvu ya Yesu va tlhela va tshama endzhutini wa Yena, nakona Yesu u le ndzeni ka wanuna loyi. Loko ndzhuti walowo wu nga kombisa ehenhleni ka hina, hi ta horisiwa.”

²⁷² Nakona Bibele yi teri un'wana na un'wana wa vona u horisiwile. A kuri hava nhlengeletano ya xikhongelo xa vusiku hinkwabyo, a ku, "Hosi, loko ndzi nga ya ndzi ya tshama emindzhutini ya muapostola loyi?" Ee, a va switiva. Layiti yi va bile. Timbilu ta vona a ti tele. Ripfumelo ra vona ri chuchiwile. Amen. A va swi pfumela. A va swivonile. Swidukwana swa Paul, hi ndlela yin'we.

Sweswi, hi ku pfala.

²⁷³ Yesu a nga kalanga a rila loko va N'wi tisela jaha ra vuvabyi bya maniya, loyi a ri na switshetshela, a nga wela endzilweni. A nga vulanga a ku, "Tatana, Ndzi N'wana wa Wena, nakona U Ndzi rhumele lahawani ku ta endla *leswi na leswi, na leswi*. Xana Ndzi nga ri hanyisa jaha leri xana?" A nga kalanga a swi vula. U teri, "Huma eka yena, Sathana!" U vulavurile, nakona jaha ri va ri hanyisiwile.

²⁷⁴ Loko A ta hlangana na Vandla, a ri na madimona ya magidi mbirhi lawa a ya ri endzeni ka yena, a ku ngari Yesu loyi a rila. A kuri ku rila ka madimona, "Loko hi leswaku U ya eku hi hlongeleni," oho, mina, "hi pfumeleli hi ya eka ntlhambhi walowo wa tinguluve."

²⁷⁵ Yesu a nga vulanga a ku, "Sweswi, Tatana, Ndzi ta swikota ku swi endla leswi?" U teri, "Humani eka yena," hiloko madimona ya teka ku haha ka wona. Hakunene, A swi tiva leswaku a ri Yena Mesiya.

²⁷⁶ Esirheni ra Lazaro, a file kuringana masiku ya mune. Va teri, "Loko a Wu ri kona lahawani, Hosi, a tava a nga fanga."

²⁷⁷ U teri, "Hi Mina ku pfuka ni Vutomi." Amen! Kungari leswaku kwihi, rini, kumbe njhani. "Loyi a pfumelaka eka Mina, hambi loko a file, u ta hanya." Amen. A switiva leswaku Yena a ri Mani. A switiva leswi A ri xiswona. A switiva leswaku hi Yena Emmanuel. A switiva leswaku hi Yena ku hetiseka ka miri wa Vukwembu. A switiva leswaku A ri Vutomi. A switiva leswaku hi Yena ku pfuka. A switiva leswaku endzeni ka Yena a ku tshamile ku hetiseka ka miri wa vukwembu bya Xikwembu. U vonile vanhu va vona lavantsongo kwalahaya, nakona U vonile leswi Xikwembu xi nga N'wi byela ku swi endla, nakona kwalahaya A ri kona. U rhelerile ehansi kwalahaya.

²⁷⁸ A nga vulanga a ku, "Sweswi, yima, Ndzi ta khinsama ehansi lahawani. Hinkwerhu ka n'wina khinsamani ehansi mi khongela." A ku, "Wa pfumela leswaku Ndza swikota ku swi endla leswi?" Amen. U swi vutisile.

²⁷⁹ A ku ngari Yena; a kuri vona. "Ina, Hosi, ndza pfumela leswaku U N'wana wa Xikwembu loyi a faneleke ku ta emisaveni." Oho, mina! Kwalahaya U titivisile. Swin'wana swi fanele ku humelela.

²⁸⁰ “Lazaro, huma!” U vulavurile, kutani wanuna loyi a nga fa a huma. Kungari, “leswaku Ndzi nga swi endla?” Ntsena u lo vulavula. Loko ku hlanganiwa na ripfumelo, nchumu wa humelela.

²⁸¹ Wa vulavula, U vulavurile, kutani bofu ri vonile, xilema xikotile ku famba, loyi a nga twiki u twile, madimona ya tlhavile mikhosi ya huma, mufi u pfuxiwile, hinkwaswo. Hikokwalaho ka yini? A nga kalanga a swi khongeleta. A ri na ntoto wa Mesiya. A ri Mesiya ya loye. A switiva leswaku A ri tano. A tiva xiyimo xa Yena. A tiva leswi A nga rhumeriwela ku ta swi endla. A switiva leswaku Tatana u N’wi tivisile kuva Mesiya, eka mupfumeri. Nakona loko a tava a hlanganile na mupfumeri ya loye na ripfumelo, ntsena U vulavurile Rito. Madimona ya hangalakile. Ina, Nkulukumba. “Vulavula! U nga rili. Vulavula!” Amen.

²⁸² Nakona A tiva tinfanelo leti A nga nyikiwa tona hi Xikwembu, kambe hina a hi tano. A tiva leswi Yena a ri xiswona. Hina a hi tano.

²⁸³ Muxe u rivarile. Samson u swi twisisile. Van’wana va swi twisisile. Yoxuwa u swi twisisile. Muxe u rivarile. Xikwembu xi fanele hi ku koka rinoko ra swona. Xi ku, “Hikokwalaho ka yini u Ndzi rilela? Ndzi ku rhume leswaku u endla ntirho. Vulavula, nakona u ya emahlweni na mavonelo ya wena. Ndzi ku byerile leswaku u ta fika eka ntshava leyi. Teka vana u va rhangela kuya emahlweni. Ntsena vulavula. A ndzi na mhaka ni leswi swi nga endleleni ya wena, swi susi endleleni. Ndzi ku nyika vuhosbyo swi endla. Ndzi vulavurile... U vulavurile na tinhongana na tinhwala, na ntumbuluko, na swin’wana swo kotisa sweswo. Sweswi hikokwalaho ka yini u Ndzi huwelela? Hikokwalaho ka yini u ta eka Mina, u huwelela hi swilo leswi? Ntsena vulavula kutani u ri vona loko ri famba, hi swona sweswo.” Oho, mina! Oho, ndzi swi rhandza njhani!

²⁸⁴ Lahawani, Yesu, hinkwaswo leswi Xi nga swivula, ntsena a Xi vula Rito, nakona a swi ri tano. Xikwembu xi N’wi tiyisise kahle kuva a ri N’wana wa Xona. “Loyi i N’wananga Loyi Ndzi N’wi rhandzaka. N’wi yingiseni.”

²⁸⁵ N’wi languteni. Ndza swi rhandza leswi. Hilaha A nga tlhariha hakona, hilaha A yimeke hakona hi xiyimo xo saseka emahlweni ka vasandzi va Yena. Amen. U teri, “Mbundzumuxani tempele leyi, nakona Ndzi ta khongela Tatana ni vona leswaku U endla yini ha swona”? “Mbundzumuxani tempele leyi, nakona Ndzi ta tlhela ndzi yi pfuxa nakambe, hi masiku manharhu.” Kungari leswaku, “Ndzi tshembha leswaku; Ndzi ya eku swi ringeten.” “Ndzi ta swi endla!” Hikokwalaho ka yini? Matsalwa ya vule tano.

²⁸⁶ Matsalwa man’we lawa a ngeteri U ta tlhela a wu pfuxa miri wa Yena, ya hi nyika vuhosbyi, Matimba. Amen! “Hi Vito

ra Mina va ta hlongola madimona, va ta vulavula hi tindzimi letintshwa; loko va nga khoma tinyoka, kumbe vanwa leswi swi dlayaka, swi ngaka swi nga va vavisi; loko va tlhandleka mavoko eka lava va vabyaka, va ta hola.”

“Hikokwalaho ka yini u Ndzi rilela? Vulavula, kutani u ya emahlweni.” Oho, hi ku tlhariha ndzi . . .

“Mbundzumuxa tempele leyи, Ndzi ta tlhela ndzi yi pfuxa nakambe.” Oho!

²⁸⁷ Nakona tsundzukani sweswi, (ha pfala), kahari Yena ya luya. Kahari Yena loyi a ngeteri, eka Yohana 14:12, ku . . . “Loyi a pfumelaka eka Mina, mintirho leyи Ndzi yi endlaka u ta yi endla na yena.” A hi swona xana? [Nhlengeletano yi ku, “Amen.”—Muhleri.] A ri Yena a nga vula sweswo.

²⁸⁸ A ri Yesu, eka Marka 11:24, leyи nge, “Loko u nga ku eka ntshava leyи,” kungari leswaku loko u khongeleta ntshava leyи. “Loko i ku eka ntshava leyи, ‘suka,’ nakona u nga kanakani ambilwini ya wena, kumbe u pfumela leswaku leswi u nga swivula swi ta humelela, u nga hava na leswi u nga swivula.” Sweswi n’wina, loko mi nga ku kova ntsena leswi nga koteekiki, swi ngaka swi nga humeleli. Kambe loko kuri leswi nga endzeni ka wena, leswi swi—swi nga na ntoto wa ntirho, nakona u ta switiva leswaku sweswo i ku rhandza ka Xikwembu ku swi endla, nakona loko u swivula, swi fanele ku humelela. “Loko mi . . .”

²⁸⁹ Hi Yena loyi a nga vula leswi. “Loko mi tshama eka Mina, na Marito ya Mina ya tshama eka n’wina, kombelani leswi mi swi lavaka kutani mi ta endleriwela swona.” Oho, mina! Oho, mina! Ma swi vona leswi ndzi swi vulaka xana? [Nhlengeletano yi ku, “Amen.”—Muhleri.]

²⁹⁰ Ndzi khomeleni eka leswi, kambe ntsena swo ta eka mina. Ndzi fanele ku swivula. Hi Yena loyi a nge teri, hi siku lero ehenhla lahaya, endzeni ka khwati lero, “A wuri hava xiharhi.” Nakona Xi tumbuluxile vamaxinjani vanharhu kwalahaya swi yima emahlweni ka hina. A ku ri yini xana? Ntsena ku vula rito, i ku, “Swi tava *lahaya*, na *lahaya*, na *lahaya*,” nakona kwalahaya a swi ri kona. Hi Yena loyi a nga swi endla.

²⁹¹ Charlie, Rodney, A ri Yena loyi a ri ehansi lahaya eKentucky; na Nellie, Margie, na hinkwerhu ka n’wina. A ri Yena, Xikwembu xexiya a xi ri endzhaku lahaya xi vulavula na Muxe, xi ku, “Hikokwalaho ka yini u Ndzi rilela? Vula rito!” A ri Yena loyi a nga switisa leswaku swi humelela. Hi Yena. Hi Yena. Oho, mina!

²⁹² A ri Yena loyi a nga nyika xivono kwalomu ka lembe leri ri nga hundza, loyi a nge teri hi taya lahaya, nakona Swilemo leswi swa Nkombo, ni hilaha lahaya ku nga tava na—na—na—na ndlati leyikulu leyи yi nga ta sungula, nakona swi tava swi ri

eka xivumbeko xa phiramidi. Nakona kwalahaya *Look* mag-...magazini wa *Life* yi na xona, xi vekeriwile ekhumbhini lahaya. A ri Yena loyi a nga swivula sweswo.

²⁹³ A ri Yena, vusiku byebyo loko ndzi rhelela ehansi hi patu lero kutani ndzi vona nyoka ya leyo leyikulu ya mamba leyi a yi lava ku kuma buti wa mina. Kutani U teri, “U nyike... u nyikiwe Matimba yo n’wi boha, kumbe un’wana wa vona.” A ri Yena loyi a nga swivula sweswo.

²⁹⁴ Eka nsati wa mina lontsongo loyi a nga na timpfi a nga tshama endzhaku lahaya: A ri Yena mixo walowo, loyi a ndzi pfuxeke lahaya ekamareni, a yima ekhoneni, a ku, “U nga chavi ku endla swin’wana na swin’wana, kumbe ku famba hinkwako, kumbe ku vula swin’wana, hikuva Vukona bya Yesu Kreste lebyi byi nga hlulekiki byi na wena hinkwako laha u yaka kona.”

²⁹⁵ A ri Yena loyi a ri halahaya a Sabino Canyon, kwalomu ka tinhweti tinharu leti ti nga hundza, loko ndzi ri eku khongeleni, ndzi ri eku hlamaleni leswaku i yini swi nga ta humelela. A ndzi yimile kwalahaya, nakona ripanga ri wile kusuka evokweni ra mina, ri ku, “Leri hi rona Ripanga ra Hosi.” A ri Yena.

²⁹⁶ A ri Yena a ngeteri eka mina, “Tani hilaha a Ndzi ri na Muxe, swingaleswi Ndza ku rhuma.”

²⁹⁷ A ri Yena loyi a ngeteri eka mina, malembe ya makume nharhu lawa ya nga hundza, halahaya ehansi enambyeni, ndza ha ri jaha lerintsongo. Ndzi yimile lahaya tani hi muchumayeri lontsongo, anambyeni, malembe ya makume nharhu lawa ya nga hundza, a ndzi yimile kwalahaya loko Layiti ya leyo, Langavi ra Ndzilo reriya rin’we, ri xikela ehansi kusuka ematilweni ri fika ri yima kwalahaya, kutani ri ku, “Tani hilaha Ndzi rhumeke Yohana Mukhuvuri ku ta lunghisa ku ta ka Kreste ro sungula, Hungu ra wena ri ta lunghisela ku Vuya ra Vumbirhi,” eka misava hinkwayo. Swi nga endlekisa ku yini, loko mufundhisi loyi a nga wa mina a hlekile a tlhela a swi endla xihlekisi xana? Kambe swi humelerile hi ndlela ya leyo. A ri Yena loyi a nga swi vula. Ina, nkulukumba!

²⁹⁸ Oho, a ri njhani loko Yena a ta vulavula eka vuprofeta, eka xivono leswaku, “Swi ta humelela.” A ri Yena loyi a ngeteri, “Loko un’wana exikarhi ka n’wina a profeta, kumbe a vona xivono, niku xi vula, nakona swi humelela; kutani tsundzukani leswaku a hi yena, hi Mina. Ndzi na yena.” Oho, mina! Xana ndzi nga ya njhani emahlweni, niku vula leswaku hi Yena, hi Yena, hi Yena!

²⁹⁹ Hi Yena loyi a nga xikela ehansi, loko ndzi tava ndzi va byerile leswaku Langavi ra Ndzilo a ri ri ehansi lahaya enambyeni, nakona a va swi pfumelanga. A ri Yena ehansi lahaya exikarhi, loko muchumayeri ya loye wa Baptist, a ri

emahlweni ka makume nharhu wa magidi ya vanhu vusiku byebyo, eka Sam Houston Colosseum, loko xifaniso xa Ntsumi ya leyo ya Hosi xi ta tekiwa xa Yona, yi yimile lahaya. A ri Yena, ya luya wa tolo, namunlha, ni hilaha ku nga heriki.

³⁰⁰ A ri Yena loyi a nga rhanga hi ku vula laha swilo leswi swi nga tava kona. A ri Yena loyi a swi vuleke leswi. A ri Yena loyi a nga swi endla swilo leswi. Wa ha ri yena wa tolo, namunlha, ni hilaha ku nga heriki. U endlile hinkwaswo ntsena tani hilaha A ngeteri U ta swi endla. Amen.

³⁰¹ Xana ndzi nga rindzela yini? Xikwembu xi tiyisisile Rito. Ri Ntiyiso. A hi tekeni rendzo. A hi fambeni. A hi fambeni hi ku famba ka Hosi, hi veka etlhelo ku kanakana hinkwako, vudyoho hinkwabyo. Hi basisa yindlu, hi yi hutha.

³⁰² Tani hilaha xivono xa Junior Jackson xi ngeteri, kuhava lexi xi nga sala handle ka mavoni; kumbe norho wa yena, loko a tshamile lahawani. Ku hava lexi xi nga sala handle ka mavoni, nakona va ti bohole hi mabantu ya nsuku, eka norho lowu a nga ndzi nyika wona vusiku byin'wana. Oho, mina!

³⁰³ Makwerhu Collins, u nga vileli hi nhlampfi ya leyo. A yi ri yo basa. Ntsena a wu swi tivanga leswaku u nga yi khoma njhani.

³⁰⁴ Veka etlhelo hinkwaswo leswi swi hambanaka na Rona. Tsundzukani, lowu i Ntiyiso, swi ngari na mhaka ni leswaku Ri twala ri ri bayizani njhani, na hinkwaswo, nkarhi wun'wana. Yana emahlweni na Rona. I Moya lowo Kwetsima. Xikwembu xexiya xi nga pfuxa Yesu Kreste kusuka ekufeni, ya Luya a nga vulaka swilo swi humelela, ya Luya a nga hanya hi nkarhi wa Muxe, wa ha ri yena na namunlha.

³⁰⁵ Ku vitana ka Yena eka siku leri ro hetelela, U ku tiyisisile hi vumbboni. "Tani hilaha a swi ri hakona emasikwini ya Sodoma, swi tava tano eku Vuyeni ka N'wana wa munhu." U swi endlile... Ku na Sodoma ehansi lahaya. Ku na Billy Graham na Oral Roberts lahaya. Nakona Kereke yi famba yi ya emahlweni, hi tisayini to fana leti A nga ti tshembhisa, eka tindhawu ha timbirhi, nakona kwalahaya va kona. Hi Yena loyi a nga swivula.

³⁰⁶ O Hosi, ndzi nyiki matimba, i xikhongelo xa mina. Ndzi pfuni, O Hosi Xikwembu.

Ndzi fanele ku yima kwala. Nkarhi wu fambile.

³⁰⁷ "Hikokwalaho ka yini u Ndzi rilela? Hikokwalaho ka yini u Ndzi rilela, loko Ndzi tava ndzi ku khorwisile leswaku ndzi na wena? Xana a Ndzi horisanga vavabyi va wena," U ta ku? "Xana a Ndzi ku byelanga hi swilo leswi swi nga vuya swi humelela xana? Mufundhisi wa wena a ngaka a nga swi endli sweswo. Mina! A ngaka a nga swikoti; i munhu. Mina hi Mina, Hosi," loyi A nga ta ku. "Ndzi Un'wana loyi a swi endlake leswi. Ndzi Un'wana loyi a nga n'wi byela swilo

leswi ku swi vula. A hi yena. I Rito ra Mina. Ndzi Un'wana loyi ndzi pfuxeke vafi va wena loko va tava va wele ehansi. Ndzi un'wana loyi a hanyisaka vavabyi. Ndzi Un'wana loyi a rhangaka hi ku vula swilo leswi. Ndzi Un'wana loyi a phamelaka. Ndzi Un'wana loyi a nyikaka xitsembhiso."

³⁰⁸ Xikwembu, ndzi nyike vurhena byo teka Ripanga ra Rito leri A nga ri veka evokweni ra mina kwalomu ka malembe ya makume nharhu-nharhu lawa ya nga hundza, niku ri khomelela ni macha ni ya emahlweni eka ku Koka ra Vunharhu, i xikhongelo xa mina.

A hi korhamiseni tinhloko ta hina.

³⁰⁹ Tatana wa le Matilweni, awara yi le ku kuleni yi famba, kambe Rito ri ya ri va ra nkoka. Tani hilaha hi swi vonaka, Hosi, nkarhi endzhaku ka nkarhi, a ku se tshama kuva na ku tsandzeka ka Vukona bya Kreste lebyi minkarhi hinkwayo ku hlanganaka na hina. Ndzi Ku khensa njhani hi vukahle bya Wena! Hilaha U hlaysiake ha kona ni kuva... u hi katekisa, hi Ku khensa njhani ha swona!

³¹⁰ Tani hilaha ndzi khomeke swidukwana leswi evokweni ra mina, Hosi, i swa vanhu lava nga na ripfumelo, lava va swi pfumelaka Leswi. Leswaku dimona rin'wana na rin'wana, vuvabyi byin'wana na byin'wana byi nga suka evanhwini. Nakona ndzi henbla moyo wun'wana na wun'wana lowu wu nga lahawani; lowu wu nga wo nyamisa, nakona wu ngari wa Xikwembu, moyo wun'wana na wun'wana wa vuvabyi, mintungu hinkwayo na ku xaniseka. A hi tshamanga endzhutini wa munhu, lowu wu nga vaka kahle, kambe hi le ndzhutini wa Evhangeli, Evhangeli leyi yi nga tiyisisiwa.

³¹¹ Tani hilaha Langavi ra Ndzilo ra kahle ri yaka endzhaku nale mahlweni eka muako lowu, Rin'we na leri Xikwembu xi nga languta ehansi ha rona, kutani Lwandle ro Tshwuka ri tshika xivangelo xa rona, kutani Israel ri hundza hi kona. Kambe sweswi tani hilaha Xa ha langutaka, xi haxa hi Ngati ya N'wana wa Xona N'winyi, loko ntwela vusiwana na tintswalo. Leswaku hi nga hava lava va yingisaka. Leswaku hina namuntlha hi nga tshika ku vula leswaku, ha huwelela. Leswaku hi swi tekela enhlokweni leswaku Wena u hi vitanele ntirho lowu. Leyi hi yona awara. Ndzi swi vula hi Vito ra Yesu Kreste, pfumelaka vuvabyi hinkwabyo byi famba endhawini leyi.

³¹² Leswaku wanuna un'wana na un'wana na wansati, lava va vitanaka Vito ra Yesu Kreste, va nyikela vutomi bya vona hi vuntshwa namuntlha. Na mina ndzi nyikela bya mina, Hosi, ehenhleni ka altari ya xikhongelo. Na mina ndzi pavalarile ehansi, ni kuva na tingana hi yumina niku hundzuluxela nhloko ya mina ehansi kusukela laha U nga ndzi teka kona.

Hosi Xikwembu, ndzi na tingana hikuva ndzi nga tiyanga ni kuva ndzi nga pfumeri. Swi rivaleli, Hosi. Ndzi nyiki matimba. Hi nyike matimba hinkwerhu.

³¹³ Ndzi titwa, tani hi Muxe, hinkwerhu hi le ndleleni yo huma. A hi swi lavi ku siya na un'we. Hi lava ku teka un'wana na un'wana, Hosi. I va Wena. Ndzi Ku koxela vona. Katekisa vanhu lava namuntlha, Hosi. Hi nyike swona. Kutani u ndzi katekisa, na vona, Tatana, nakona Vito ra Wena ri ta dzunisiwa. Ku kwetsima ka Wena ku tava ka Wena. Hi nyike ripfumelo leri ri nga Heriki, Hosi, tani hilaha hi nyikelaka vutomi bya hina eka Wena sweswi.

³¹⁴ Mina, eka Bibeleyi nale ka ku yima loku, ndzi Ku nyika vutomi bya mina, Hosi. Ndzi tshembhela eka xitshembhiso xin'wana na xin'wana lexi U ndzi nyikaka. Ndza switiva leswaku swi ta tiyisisiwa. Ndza switiva leswaku swi Ntiyiso. Ndzi nyike vurhena byo ya vula Marito lawa. Ndzi nyike vurhena, Hosi. Ndzi kongomisi eka leswi ndzi nga ta swi endla niku swivula. Ndza ti nyikela eka Wena, na kereke ley, xikan'we na yona, Hosi, hi Vito ra Yesu Kreste. Amen.

Ripfumelo ra mina . . . eka Wena,
Wena Xinyimpfana xa Xihambano,
Muponisi wa Matimba;
Sweswi ndzi yingisi loko ndza ha khongela,
Susa swidyoho swa mina hinkwaswo,
O ndzi pfumeleli kusukela namuntlha
Ndzi va loyi a kwetsimaka wa Wena!

³¹⁵ Sweswi a hi yimeni, hi miyerile hakunene, tani hiloko ha ha ri hama. [Makwerhu Branham na nhlengeletano va sungula ku hama, *Ripfumelo Ra Mina Ri Languta Ehenhla Eka Wena*—Muhleri.]

. . . eka Wena,
Wena Xinyi . . .

A hi N'wi yimiseleni mavoko ya hina sweswi.

O Muponisi . . .

Hi nyikela vutomi bya hina eka Xikwembu sweswi.

Sweswi ndzi yingisi loko ndza ha khongela,
Susa hinkwako ku kanakana ka mina,
O ndzi pfumeleli kusukela namuntlha
Ndzi va loyi a kwetsimaka wa Wena!

³¹⁶ Sweswi hi ri kun'we, na mavoko ya hina lawa ya nga tlakusiwa. [Nhlengeletano yi vula xikhongelo lexi, hi ku sala Makwerhu Branham hi le ndzhaku—Muhleri.] Hosi Yesu, [Hosi Yesu,] ndza switiva [ndza switiva] ndza tinyikela eka Wena, [ndza tinyikela eka Wena,] vutomi bya xikhongelo, [vutomi bya xikhongelo,] hi ku teng, [hi ku teng,] hi ripfumelo ro tala, ndza rila, [hi ripfumelo ro tala, ndza rila,]

leswaku mina [leswaku mina] leswaku ni va nandza loyi a amukelekaka [leswaku ni va nandza loyi a amukelekaka] eka vutomi bya mina lebyi taka, [eka vutomi bya mina lebyi byi taka,] kutlula lebyi a ndzi ri eka byona [kutlula lebyi a ndzi ri eka byona] eka vutomi lebyi byi nga hundza. [eka vutomi lebyi byi nga hundza.] Ndzi rivaleli ku ka ndzi nga pfumeli, [Ndzi rivaleli ku ka ndzi nga pfumeli,] kutani vuyisela eka hina [kutani vuyisela eka hina] Ripfumelo [Ripfumelo] leri ri nga tshama ri tiseriwela vakwetsimi. [leri ri nga tshama ri tiseriwela vakwetsimi.] Ndza tinyikela eka Wena, [Ndza tinyikela eka Wena,] hi Vito ra Yesu Kreste. [hi Vito ra Yesu Kreste.]

³¹⁷ Sweswi tani hilaha ha ha korhamiseke tinhloko ta hina.

Loko ndzi kandziya emahlanganeni ya
tindlela to tala ta vutomi bya munyama,
Kutani ku hangalaka gome eka mina,
A kuve Wena Mufambisi wa mina;
Ncinka munyama u wu endla nhlikanhi,
Hlantswa ku chava ka mina hinkwako ku
suka,
Hambi ku ri ku ndzi pfumelela ku pepetseka
Kusuka etlhelweni ra Wena.

³¹⁸ Tani hiloko hi korhamisa tinhloko ta hina. Mi titwa tani hiloko Hungu ra na mixo ri miendlele swa kahle? [Nhlengeletano yi ku, “Amen.”—Muhler.] Ra mi tiyisa? [“Amen.”] Loko u nga swikota, ntsena yimiselani mavoko ya n’wina eka Xikwembu, mi ku, “Xikwembu, ndza Ku khensa.” [“Xikwembu, ndza Ku khensa.”] Na ra mina voko ri tlakukile, hikuva ndzi titwa leswaku swi—swi ndzi pfunile. Ra ndzi tiyisa.

³¹⁹ Swin’wana swa swilo leswi ndzi nga swivula, a ndzi nga ehleketi leswaku ndzi ya eku swivuleni, kambe khale swivuriwile. A kuri xitshinyo eka mina. Ndzi ti kume ndzi ngari endleleni leyi ndzi ehleketa leswaku ndzi le ka yona, kambe ndzi tikume ndzi ri na nandzu wa ku rila nkarhi hinkwawo, ematshan’wini yo vulavula.

³²⁰ Xikwembu, ndzi pfunie, kusukela eka awara leyi kuya emahlweni, leswaku ndzi nga hava nandza loyi a tinyikelaka.

³²¹ Kungari leswaku ndza tikhongeleta a ri mina. Ndza mi khongeleta, na n’wina, leswaku, hi ri kun’we, tani hi Miri wa Kreste, lowu wu nga vitaniwa kusuka emisaveni, wu ti lulamisela Tiko ra xitshembhiso, leswaku Xikwembu xi ta ndzi nyika matimba yo vulavula hi ndlela ya leyo, xi basisa ndlela yi vonaka leswaku u nga hupi laha u kandziyaka kona. Ndza mi byela, n’wina hi tintswalo ta Xikwembu, ndzi ta landzeleta minkondzo ya Ngati ya Yena Loyi a nga hi rhangela.

Kutani ku tinyikela ka xihambano lexi ndzi
ta ku byarha,
Ku fikela laha rifu ri ndzi ntshuxaka,
Kutani ndzi ya Ekaya, na harhi leyi ndzi nga
ta yi ambala,
Ku na harhi ya mina.

³²² Leswi hi swi nyika Wena, Tatana, ku tinyiketa ka hina, hi
Vito ra Yesu Kreste, N'wana wa Wena. Amen.

³²³ [Makwerhu a sungula ku vulavula hi ririm'i rin'wana.
Xivati lexi xi ngariki na nchumu eka thepi—Muhleri.]

³²⁴ Hi khensa Hosi ha leswi. Famba hi vutomi lebyi u byi
nyikeleke. Tinyikeli eka byona, eka ku olova, na yumunhu.
Famba hi Moya. Famba, vulavula, ambala, vana na maendlelo
yo kotisa Vakreste, u titsongahata u tlhela u olova. Mi nga
swi pfumeleli leswi swi hluleka sweswi. Rito ra Xikwembu ri
vulavula hi Rito, ri vulavula hi tinyiko. Tani hi yin'wana ya
tinyiko yi taka, un'wana a yi hlamusela, nyiko yin'wana yi ta
yi ta hlamusela swo fana. Wa vona, Ya leyo hi yona ya ntiyiso
na Rito niku lulama na awara. Xikwembu xi na hina. Hi Xi
khensa njhani ha swona! Sweswi loko hi...

³²⁵ Na tinhloko ta hina leti ti nga korhama, loko sesi wa hina a
ta hi sumela a hi nyika khodo eka:

Teka Vito ra Yesu u famba na rona,
Tani hi xitlhangu eka xitlhaka xin'wana na
xin'wana;
Loko miringo yi mi rhendzela,
Ntsena hefumulani Vito lero ro hlawuleka hi
xikhongelo.

³²⁶ Ntsena, ntsena endlani sweswo, vula Rito u tlhela u vula
Vito ra Yena. A hi ri yimbeleleni sweswi tani—tani hiloko ha
ha tshuxiwa.

Teka Vito ra Yesu u famba na rona,
Tani hi xitlhangu... ni wa khombo;
Ri tava ntsako niku ku khongetela,
Oho, ri teki hinkwako laha u fambaka kona.
Vito ro hlawuleka...

³²⁷ Sweswi a hi tlhavulaneni mavoko, hi ku, "Ndzi ta ku
khongeleta, makwerhu, na wena u ndzi khongeleta."

...Tilo;
Vito ro hlawuleka, Vito ro hlawuleka, O ri
nandziha njhani!
Ku tshembhela misava na ntsako...

³²⁸ Sweswi na tinhloko ta hina leti ti nga korhama, a hi
yimbeleleni vhese leyi yi landzelaka.

Teka Vito ra Yesu u famba na rona,
 Tani hi xitlhangu xa xirimban i xin'wana na
 xin'wana;
 Loko miringo yi mi rhendzela,
 Hefemula Vito lero ro kwetsima hi
 xikhongelo.
 Vito ro hlawuleka, Vito ro hlawuleka; O ri
 nandziha njhani! O ri nandziha njhani!
 Ku tshembhela misava na ntsako wa Tilo;
 Vito ro hlawuleka, O ri nandziha njhani!
 Ku tshembhela misava na ntsako wa Tilo.

³²⁹ Na tinhloko ta hina leti ti nga korhama sweswi, na timbilu ta hina na tona, niku tekela enhlokweni leswaku Yesu u teri, "Loyi a yingisaka Marito ya Mina a pfumela eka Yena loyi a Ndzi rhumeke, u na Vutomi lebyi nga heriki nakona a ngaka a nga Avanyisiwi, kambe u hundzile eka rifu a ya eVuton'wini." Hi ku tiva leswaku hina, hi tintswalo ta Xikwembu, hi na swona sweswo eswifuvu swa hina; ni ku tinyikela eka Yena mixo lowu, leswaku vutomi bya hina byi nga ncinka, kusukela namuntha kuya emahlweni, leswaku hi nga hava niku ehleketa leswinene eka ku ehleketa ka hina. Hi ta ringeta ku hanya eka ku olova kwaloko na vumunhu, leswaku, hi ri karhi hi pfumela leswaku leswi hi nga swikombela eka Xikwembu, Xikwembu xi ta swi nyika eka un'wana na un'wana. Nakona a hi nge vulavuli swo biha swo lwisana na un'wana, kumbe ku ngari eka munhu un'wana. Hi ta khongelela valala va hina hi tlhela hi va rhandza, hi endla leswinene eka vona lava va hi endlelaka swo biha. Xikwembu hi xona Muavanyisi wa loyi a nga lulama ni loyi a hoxisaka. Hi...

³³⁰ Hi ku seketela hi leswi, na tinhloko ta hina leti nga korhama, ndzi ta kombela munghana wa hina wa kahle, Makwerhu Lee Vayle, loko a nga ntshuxa vayingiseri hi rito ra xikhongelo. Makwerhu Vayle. 

HIKOKWALAHOKA YINI U RILA? VULAVULA! TSO63-0714M
(Why Cry? Speak!)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 14, 1963, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org